

З. А. ПРОШЕВА

КОМИ КЫВ КУЗЯ  
ДИКТАНТЪЯС

Коми книжной  
издательство  
1990



Учительяслысь тодӧмлуныяс сӧвмӧдан  
Коми республиканской институт

З. А. ПРОШЕВА

# КОМИ КЫВ КУЗЯ ДИКТАНТЪЯС

*Начальной классъясса  
учительяслы пособие*

*Вынсьӧдӧс  
Народной образованиелӧн Коми АССР-са  
министерство*

СЫКТЫВКАР  
КОМИ КНИЖНОЙ ИЗДАТЕЛЬСТВО 1990

Рецензенты: М. И. Сажина, А. А. Безносикова

Зинаида Александровна Прошева

**ДИКТАНТЫ ПО КОМИ ЯЗЫКУ**

*Пособие для учителей начальных классов*

Редактор М. Ю. Васютов. Художественный редактор В. Б. Осипов. Технический редактор А. Н. Вишнева. Корректоры Н. Ф. Габова, А. А. Надуткина.

ИБ № 1448

Сдано в набор 19.03.90. Подписано в печать 19.06.90. Формат 84×108<sup>1</sup>/<sub>32</sub>. Бумага № 2. Гарнитура «Литературная». Печать высокая. Усл. печ. л. 6,3. Усл. кр.-отт. 6,51. Уч.-изд. л. 4,6. Тираж 700 экз. Заказ № 5023. Цена 10 к. Заказное. Коми книжное издательство, 167610, Сыктывкар, ул. Карла Маркса, 229.

Головное предприятие Коми республиканского производственного полиграфического объединения, 167610, Сыктывкар, ул. Первомайская, 70.

П 4306010200 — 025 — 68—90 м  
М 128(03)—90

ISBN 5-7555-0244-7

© Прошева З. А., 1990

## ВОДЗКЫВ.

Тайё сборниксё лосьёдома коми школаясын I—IV классьясын уджалысь учителяслы отсөг вылө. Сборникё пыртёма литературно-художественной да научно-популярной сюжетной текстяс, медым матыстны челядъос коми кыв дорё, петкөдлыны сылысь озырлунсё, сөвмөдны челядлысь научно-познавательной тёдөм-лунъяссё. Та вöсна откымын текст лоис ыджыдджыкөн программаын индём кыв лыд сертиыс. Учитель вермас босьтны текстсыс сöмын колана юкөн, торъя предложение, весиг кыв. Но текстсё быд пöрйё колö лыддыны челядлы ставнас, медым найö бура гөгөрвоисны, код йылысь либö мый йылысь мунö сёрниыс, кызди гижысыс висьталö йöз да событияс йылысь, кутшөм кывъясөн тайöс петкөдлө.

Колö уджавны и кывъяслөн вежөртас вылын. Лоас кö гөгөрвоана челядлы кывъяслөн вежөртасыс, лоас гөгөрвоана и текстлөн содержаниеыс. Сэки челядь кыкныдджыка да öдйөджык велаласны öшыбкатөг гижны.

Колö индыны и сийöс, мый активнöя усвоитөм вылө словарсё сетöма паськыдджыка программаын индём серти. Тöдса, мый коми кыв ёна сöвмис рочысь пырём кывъясөн. Сборниклөн темаяс динö сетөм «Словарь» юкөнъясö пыртёма тшöтш и сэтшөм кывъяссö.

Первой классын диктантъяссö пондасны гижны сöмын велөдчан во помын. Сы вöсна текстъяссö сетöма устнöя уджалөм вылө: челядъос колö велөдны бура кывны сёрни шыяс, ясыда шуавны быд шы. Кывбертланъяс, нөдкывъяс, кывбуръяс сөвмөдöны челядлысь паметсьö, кыпөдöны интерессö öшыбкатөг гижөм вылө да отсалöны челядлы донъявны асьыныс вöчөм уджсö.

Обучающей диктантъяс вылө сетөм текстяс пöшти абу адаптируйтёма, текстьясын абу вежöма предложениельсь тэчасногсö сы могысь, медым:

а) челядь кылісны мича коми кыв, велөдчисны сёрнитны литературной кыв вылын, торъя нин сийö районьясын, кöні сёрнитöны ас диалект вылын;

б) учитель вермис нуөдны текстяс серти сёрни сөвмөдөм кузя уджъяс — пересказ, изложение да весиг сочинение (шуам, рецензия гижөм).

Сборникын текстъяссö сетöма программной материал прöйдитöмкöд йитöдын сідзи, медым учительлы лон позянлун öтырыш (систематическöя) повтöряйтны челядькöд велöдöм грамматическöй да орфографическöй правилöя; правилöяс выlö кывъяссö автор старайтчис пыртны вочасöн водзö велöдän материалкöд йитöдын. Сідзкö, учительлы обучающöй диктантъяс гижигöн (торъя нин объяснительной диктант гижигöн) колö сувтлыны и водзджык велöдöм кывъяс шуанног да гижанног выlö, сёрниын наöн пöльзуйтчыны велöдöм выlö.

Вылынджык вöлі нин индöма, мый кутшöмсюрö текст сетöма адаптируйттöг, сідзкö, сэні вермасны паныдасыны кывъяс, кодъяслысь гижанногсö челядь эз на велöдны. Учительлы колö висьтавны налысь гижанногсö, гижны дöска выlö да индыны предложениеысь пунктуация знакъяссö.

Сборникö лон пыртöма кывбуръяс. Кывбуръяслысь содержаниесö челядь гөгөрвооны сьöкыдджыка, сідзкö, учительлы торйöн колö сувтлыны гижигöн быд кывбур выlö.

Сборникын сетöма слуховой да зрительной диктантъяс нуöдöм выlö уна пöлөс текст — *предупредительной, объяснительной, выборочной, творческой, свободной да память серти гижöм выlö*. Обучающöй диктантъяслысь видъяссö абу индалöма. Учитель вермас нуöдны аслас видзöдлöм серти сэтшöмъясöс, кутшöмъяс лöсялöндыжык, челядьлысь тöдöмлунъяссö да кужöмлунъяссö пыдди пуктöмөн.

Сборникын став текстсö юкöма обучающöй да контрольной диктантъяс выlö.

Обучающöй диктантыс вермас лоны либö зрительнойöн, либö слуховойöн. И зрительнойсö, и слуховой диктантсö учитель вермас нуöдны ас видзöдлöм сертиыс либö кызди *выборочной*, либö *предупредительной*, либö *объяснительной* да с. в. диктантöн. Медым эз ло унаысь дöжналöма «диктант» кыв, уджъясыскöд орччöн сувтöдöма условной пасъяс:

- △ — зрительной диктантъяс;
- — свободной диктантъяс;
- — творческой диктантъяс;

кывъясöн лон сетöма «память серти гижöм выlö».

Контрольной диктант гижигöн практической тöдöмлунъяс прöверитöм могысь заданиеяссö учитель сетö аслас видзöдлöм серти.

## ШЫПАС БӨРВЫВСА ҚАДКОЛАСТ.

Су, на, ғы, да, би, жу, гу, ді, си, ли.

Задание. Висьтавыны, эмөсь-ө тані кывъяс.

△ Сир, сі; дивӧ, ді; лаз, ляз; надз, нянь; тетрадь, тэ;  
за, зять.

Задание. Өткодявыны шуанногсӧ.

Паметь серти гижӧм вылӧ.

Вӧрыс бур, вӧрын ур.

Урлы бура сюрӧ нур. (8).

Кӧні оліс ичӧт ур?

Кутшӧм сійӧ вӧлі?

Зэв-ӧ пасыс сылӧн бур,

Шонтӧ-ӧ кӧть тӧлын? (14).

△ Шӧр (т), (т)ош, чир(к), (ӧ)ді, сын(ан), кар(нан),  
(Е)гор, (д)Иван, тас(ма).

Задание. Шыласъяс да слогъяс отсӧгӧн артмӧдны выль кывъяс.

△ Қок, гӧг, сос, вӧв, лӧк, джодж, баб, дед, кык, сус,  
шалаш, Алла.

Задание. Лыддыныны водзӧн и бӧрӧн.

Паметь серти гижӧм вылӧ.

Гажа тулыс воис,

Гӧгӧр жургӧ шор.

Шонді лымсö сёйис,  
Ловзис пулөн кор. (12).

*М. Лебедев.*

△ Нол, чур, зор, сок, жыр, кор, ру, кён, са, зал, туг,  
чер, чöж, зык, зі, тыр, ов.

**Задание.** Наблюдайтны лыддьöм бөрся (лыддьыны бөрөн).

### СЛОГЪЯС ВЫЛÖ КЫВЪЯС ЮКЛÖМ.

Уна, паськыд, еджыд, кыа, пельяс, сайкыд, вайны,  
өнөдз, сэні, Анна, Костя, Семен, Андрей.

Катша, джуджыд, ыджыд, кузьджык, гыррдза, кыд-  
дза.

### ПРЕДЛОЖЕНИЕ. ЫДЖЫД ШЫПАС. ПРЕДЛОЖЕНИЕ ПОМЫН ЧУТ.

Со школа. Школаын гажа. Оз чинлы гажыс школа  
сайдьын. Садсö ми дөзьöритам.

Виктор Алексеевич Савин, Вениамин Тимофеевич  
Чисталев, Геннадий Анатольевич Юшков, Егор Васи-  
льевич Рочев, Серафим Алексеевич Попов, Альберт Его-  
рович Ванев, Михаил Николаевич Лебедев.

□ Лун, мича, пуксис; шонді, садьмис, сикт, петіс; удж  
вылö йöз мунöны.

○ Зэрыс дугдіс, и туйыс косьмис. Петя лөсьöдліс пөвъ-  
яс, а Митя тувъявліс найöс. Мөсьясöс йөрталісны лысь-  
тыны, а куканьясöс нуөдісны виль йирсян местаö.

### НИМЪЯСЫН ЫДЖЫД ШЫПАС.

Мөс Сюрук, кань Мурка, кукань Милка, пон Шарик;  
мама Лидия, папа Степан, ёрт Игорь, друг Петя, вок  
Серёжа, чой Нина, пöль Иван.

Ёртасьö, Дима, Женякөд. Ветлісны, музейö, найö.  
Сэсся, став, ветлісны, классөн. (10).

□ Менам эм (пон). (Ме сійӧс шуа) Жучкаӧн. (Жучка зэв) сюсь да тэрыб. Ме сійӧс (ёна радейта).

**Задание.** Позьӧ сетны быдӧнлы гижны ас ногыс.

### КЫВБЕРТЛАСЪЯС.

○ Шеді ёді, шеді ур!  
Он кӧ пӧръясь — лоас бур!

Пӧртйыс кӧртысь,  
Вевтыс кӧрт,  
Эм-ӧ тэнад ыргӧн пӧрт?

Гаръя сикт, кыръя му,  
Куръя бокин коръя пу.

### ДЖ, ДЗ ДА ТШ ШЫПАСА КЫВЪЯС.

Джодж, джадж, джыдж, джуджыд, джӧмдыны, джынъя.

Сідз, кыз, лёдз, нюдз, ӧмидз, саридз, дзав, дзольгыны, дзугсыны, дзоргыны.

Тшем, тшӧкмунны, тшӧтшӧдны, тшукӧдны, тшупны, тшыгӧм, тшынас, тшытш.

### ЫДЖЫД АЙӦ.

△ Ыджыд айӧ вӧрӧ кайӧ.  
Ыджыд нопйӧн мыйкӧ вайӧ.  
Ыджыд мамӧ разьӧ ноп,  
Сэні ыджыд-ыджыд гоб.

*Г. Юшков.*

### ӦТҚОДЬ ВЕЖӦРТАСА КЫВЪЯС.

△ Ыджыд, гырысь; ичӧт, посни, дзоля; вож, чаль, ув; кыр, чой; паськыд, ота; шылъыд, мольыд; вольк, гылыд.

**Задание.** Думыштны тайӧ кывъяснас предложениеяс. Гижны ӧти предложение.

## ПАНЫДА ВЕЖОРТАСА ҚЫВЪЯС.

- Тшӧкыд — гежӧд, ыджыд — ичӧт, кыз — вӧсни, кузь — дженъыд, сьӧкыд — кокни, важ — выль, пемыд — югыд, сетны — босътны, вайны — нуны, лэдзны — лэптыны, ошкыны — вӧйпны — омӧльтны.

Задание. Думыштны тайӧ кывъяснас предложениеяс. Гижны найӧс.

## РОЧЫСЬ ПЫРӦМ ҚЫВЪЯСӦН ТӦДМАСЬӦМ.

- △ Физкультура, флаг, форточка, фрукты, футбол, февраль, фельдшер, фабрика; циркуль, цифра, целлофан; хоккей, холодильник, хлопок, хищной; щель, щотка, щӧть.

### Диктантъяс.

### БУР ОВМӦСЫН.

Шахтабердса овмӧсын вӧлі ичӧтик ферма. Сэні видзисны мӧсьясӧс. Быд во быдтісны куканьясӧс, тшӧгӧдісны порсьясӧс.

Шахта столӧвой буфетысь во чӧж эз быравлы фарш. (22).

### ДРУГЪЯС.

Аддзис менӧ — збоймис тулыс:

Другъяс ськӧд ми.

Кыксьыд повзис тӧв и куліс,

Мӧдіс кывтны йн. (15).

*И. Вавилин.*

**ПРЕДЛОЖЕНИЕ.**

(Повторитөм).

Обучающөй диктантыяс.

△ **АР.**

Вот и ар воис. Кушмисны пуяс. Клумбаяс вылысь бырисны дзоридзьяс. Сөмын көнсюрө сулалөны турун сияс. Найө кынмөны көдзыд төв улын. А туй вывти панласьөмөн котөртөны гылалөм кос корьяс. (28). *С. Могилевская* серти.

**ЙӨВ БУРДӨДИС.**

Лада висьмис. Дугдїс сөйны. Корисны менө Лада дїнө. Сїйө шога видзөдїс ме вылө. Ме малышти Ладаөс юрөдыс, шуалї мелї кывьяс. Ладалы лон нимкодь. Сэс-ся ме сетї сылы блюдїын йөв. Лада кутїс лакны йөвсө. Сїйө бурдїс. (35). *М. Пришвин* серти.

□ **ВИДЗА ОЛАННЫД, ДЗОРИДЗЬЯС!**

Школьной, со, и, град йөр. Бара, ассыным, быдтась-яснымс, аддзим. Лоөмаөсь, гырысьсөсь, дзоридзьяс, мичаөсь. Нюмъялөны, найө, миянлы, бытьө. Помнитөны, дөзьөритөмсө, миянлысь, да, киськалөмсө. Аттьөалөны, өнї.

Пример вылө:

Со и школьной град йөр. Бара аддзим ассыным

быдтасьяснымос. Дзоридзьяс лоомаось гырысьось, ми-  
чаось. Миянлы быттьо найо нюмъялоны. Помнитоны  
миянлысь досьоритомсо да киськаломсо. Они аттьоало-  
ны.

## ШЫЯС ДА ШЫПАСЪЯС.

(Повторитом).

### Словарь.

1. Асыв, оз, удж, эбос, ыргон, одзос, огыр, ылын,  
анькытш, эшкын, урок, изис, олис; Иван, Ольга, Эрик,  
Аза.

2. Еджыд, ельдог, ем, енеж; еж, екмыль, ерт, есь;  
ю, югыд, юсь, юкон, югор; яр, яла, ягсер, январь, ярлун.

Обучающой диктантьяс.

## КЫВБЕРТЛАСЪЯС.

△

Пызан сайын сейо Коля,  
пызан сайо ставсо коляс.

Пуыс сись, пуас сизь,  
пусо сизьдо, пуыс пистьо.

*Г. Юшков.*

△

Пачо, пачо, лом, лом,  
тшыно, тшыно, пет, пет,  
бабо нянь зыр увти,  
дедо керка вывти.

*Фольклор.*

**Задание.** Гижны кывъяссо строкаьсь строкао вуджодом выло  
юклөмон.

## ТОВ КЕЖЛО.

Кочлон едждис гоныс. Еж водис узыны. Юсьяс лэбис-  
ны лунвыло. Коръя ворын лои югыд. Ельяс ямисны.  
Ю вежис ромсо.

### ЕКЫШ.

И кор шедіс меным ёкыш,  
муртса черисө эг оқышт.  
Повзём ёкыш уна емөн  
пөся чуткис нырам менө.

*В. Логинов.*

### ВӨРЫН.

Еджыд нитшка яг помасис. Воис сөдз ваа ёль. Ёль дорысь вотім ельдөг да ягсер. Ёльысь юним чөскыд көдзыд ва. (20).

Контрольнөй диктантьяс.

### ГОЖОМ.

Зэрыс дугдіс. Енэжыс воссис. Ньюмёвтіс шонді. Яг ловзис. Юра да Яша восьлалісны зэрөн небзьөдөм яла вывті. Пожөм пуяс ёна резісны найөс лысваён. Но ёртъяслы сөмын теш. (26).

### ЧАПАЕВ.

Чапаев чужліс голь плөтник семьяын. Школаын помаліс сөмын кык класс. Сэсся уджаліс купеч ордын.

Гражданскөй война воясө Чапаев лоис краснөй командирөн. Тышъясын сылөн отрядыс пыр вермывліс врагөс. Чапаев век кежлө коляс йөз паметьын. (33).  
*П. Балашов* серти.

### КЫВЪЯС ВУДЖӨДӨМ.

Обучающөй диктантьяс.

#### Словарь.

Кыв, йөв, содз, шуд, мича, лэчыд, дзоля, колө, уна,

регыд, лыйны, койис, вайис, дзоридз, Лена, Петя, ветлыны, торйодны.

Паметь серти гижом.

(Слогъяс вылө торйодломөн.)

Артасьны, гижны  
Велалам бура,  
Миянысь шуда  
Код талун сюрас!

*С. Попов.*

О КОКӨЙ, КОТРАВ, ВЕТЛЫ...

Кокөй, котрав-ветлы  
Да озъя тыла вывті.  
Кокөй, котрав-ветлы  
Да чөдъя роща вывті.  
Кокөй, котрав-ветлы  
Да өмидз пөрөм вывті.  
Кокөй, котрав-ветлы  
Да мырпома нюр вывті.

*Йозкостса сыланкыв.*

СЕРПАСТОР.

Өндрей видзөдө гөгөрбок да сюркнялө пель саяс аддзөмторъяссө. Со шондыс вылөджык кыпөдчис. Енэжыс лоис лөзджык. Лөзөдыштис и юлөн веркөсыс. Ылын тыдалө ю вомөн нюжөдөм пос. Некөн кымөр чир оз тыдав. Төвру оз пөлышт. Лөсьыд! (34). *Л. Палкин* серти.

Паметь серти гижом.

ШОНДИӨЙ.

Шондиөй, шондиөй,  
Югөръястө кой.  
Шондиөй, шондиөй,  
Вөтлы пемыд вой!

*В. Тимин.*

Задание. Гижны слогъяс вылө юклөмөн.

## ПРЕДЛОЖЕНИЕ ПОМЫН ЧУТ, ЮАЛАН ДА ГОРӨДАН ПАСЪЯС.

Обучающöй диктантъяс.

### НОДКЫВ.

- △ — Чукыль-мукуль, кытчö мунан?  
— Шырём юрлы мый тэд мог? (*Ю да ытшкөм видз.*)

### МАЛЬЧИШ-КИБАЛЬЧИШЛЫ.

Прöйдитасны паровозъяс — привет Мальчишлы!  
А мунасны пионеръяс — салют Мальчишлы! *А. Гайдар.*

### КӨИН.

Кыш-кыш кыліс кустъяс сайын.  
Повзис йөра: «Мый нө тайö?  
Гашкө, көин? Сійö-й эм!»  
Гөныс — пөим, синмыс — ем. *А. Ванеев.*

### БАСНЯ.

Өтчид детинка юалис батыслыс:  
— Мыйла мукөд шептыс сувтса сулалө, а мукөдъясыс мулань копыртмаөсь юрсө?  
Батыс вочавидзис:  
— Гырысь туся тыра шепъясыс мулань копыртчөны.  
А тыртөм шепъясыс чурвидзөны вылө юрсө лэптөмөн.  
(29). *К. Ушинский* серти.

### ВАСИН КӨСИЫСЬӨ.

Вася Васин быдтор көсийö вөчны. Сійö көсийö чуймөдны ёртъяссө вөчөмторнас. Мый эськө вөчас? Төв кежлө көсийö дадь вылө парус сувтөдны! А ещö мый вөчас? Сідзи нинөм эз и куж вөчны. Пөръясысысьөн кутісны шуны сійөс сиктын. (36). *И. Коданёв* серти.

Паметь серти гижом вылө.

### ЗЭРИГОН.

Медым зэрө сувтса серөн,  
шоныд зэрыд бур.  
Сэссия кыз нө, мамө, быдма,  
оз кө көтась юр? *С. Попов.*

Контрольнөй диктантьяс.

### ЛОАС ВӨРАЛЫСЬӨН.

Арся ытва паськыда ойдөдөма берегьяссө. Визулыс  
өдйө кылөдис пурсө. Но Ливерий бура вуджис юсө. Сийө  
домалис пурсө да кайис ягас.

Пармаын вөлі лөнь. Но зонка эз пов вөрас. Сийө бу-  
ра кужис ветлөдлыны парматі.

Бур вөралысь лоас Ливерийысь. (37). *В. Круковский*  
серти.

### ДРУГЪЯС.

Женякөд ми бур другьяс. А ті эськө верманныд ме-  
көд дружитны! А ме зэв ёна көсья! Көсья дружитны  
тіянкөд ставныдкөд, челядь! Ме Юра Пыстин. Пөсь чо-  
лөм тіянны! (26). *Н. Куратова* серти.

### ЫДЖЫД ШЫПАС ГИЖОМ.

Обучающөй диктантьяс.

### НИМЛУН.

Талун Юрочка — сөшайт,  
тырис Юрочкалы квайт.  
Самөвар сэн дзижгө пөсь —  
талун локтас уна гөсть:  
Воас Ира, кодлөн вески эм да-й гира;  
воас Нюра, коді акань платгьө вурө;  
воас Вань, кодлөн нявгысь чача-кань;  
воас Вася, коді вомнас гудөкасьө;  
воас Нина, кодлөн аслас пианино.  
Гажа лоө лун — ывлаө он мун. *Ю. Васютов.*

Май мөд луно ме, Жеңя Синицын, Васёк Шустиков и Шурик Чередов мөдөдчим походо. Друг кыськө Катя Чередова воис. Катяысь он мын! Босьтім тшөтш сийбс.

А лөсьыд местао воим. Татшөм гулыд ягад позьо пөттөдзыд котравны. (34). *Н. Куратова* серти.

Авка, Дружок, Соболь, Буско, Сюрук, Гөрдань, Серөд, Лысан, Чалөй, Пушок, Мурзик.

**Задание.** Кутшөм животнөйяслы ладмөны тайө кличкаясыс?

### Объяснительнөй диктантьяс.

1. Авка пырөма чумө да нюлө Алкалысь кисө.  
(*В. Ширяев.*)

2. Иван Сажин понсө шуис Асламөн. (*Г. Юшков.*)

3. Йөрапибс сиктса челядь нимтөмабсь Сувтса пельбөн. (*А. Ванеев.*)

4. И Кардинал овмөдчис Васьө суседьясө, Толей да Рая ордө. (*М. Игнатов.*)

5. Рексөс больничаад Ёгор дед дорө эз лэдзны.  
(*Н. Куратова.*)

6. Отчыд Тэрыб кок лэдзчысис Ваня водзө пидзөбсьяс вылас. (*И. Торопов.*)

### КОМИ МУЫН ҚАРЪЯС.

Коми муын дас кар. Со лыддьөдлам: Сыктывкар, Ухта, Печора, Инта, Воркута, Сосногорск да Микунь, Усинск, Вуктыл, Емва.

Сыктывкар — Коми республикалөн столица.

Сыктывкарын эм Эжвинскөй район. Сэни бумага вөчан фабрика.

### МОСКВА.

Москва — зэв ыджыд да мича кар. Москва кар шөрын Кремль, а сыкөд орччөн Краснөй площадь.

Москваын оліс и уджаліс став мирса прөстөй йөзлөн вождь Владимир Ильич Ленин.

Москваын паськыд уличаяс, гырысь выль керкаяс,  
мича паркьяс, метро.

Москва — Сöветскöй Союзлөн столица.

Паметь серти гижöм.

...Со и паськыд Коми му  
син водзас нин сьлөн.  
Лöня шлывгö Эжва ю,  
вöрлөн шыыс кылö. *М. Лебедев.*

ВИЛЬЫШ ÖНЬÖ.

○ Зина да Оля став гортса уджсö нин вöчисны. А Öньö  
вокыс гортас на эз пырав. Мамыс тшöктис Олялы петав-  
ны да чукöстны Öньöс. Но Оля эз пет. Абу пö матын  
Öньöыс. Öд Öньö кө горт дорас матын вöли, важöн нин  
став челядьяссö вильшалис. (42). *В. Амосов* серти.

Контрольнöй диктантьяс.

ÖСЬТУК.

Балясö Васьö шуис Öсьтукөн. А Öсьтук пондис шы-  
асьны да локны тадзи корöм вылас.

Öсьтукöс кутисны видзны картаын Серöдкөд öтлайн.

Йирсьыны мунигөн Öсьтук век медводзын. Сийö быт-  
тьö юрнуöдысьөн лои. (28). *М. Игнатов* серти.

КИЕВ.

Уна туй вайöдö Украиналөн главнöй карö. Киевö  
быдласянь локтöны велöдчыны том йöз. Студентьяс лыд  
серти Москва да Ленинград бöрын сийö босьтö коймöд  
места. Киев сулалö Днепр ю берег вылын. (29). *Е. Мар*  
серти.

КОМИ СИКТ.

Тайö сиктыслөн нимыс Емдин. Рочөн шуöны Усть-  
Вымөн. Сулалö сийö Емва юлөн Эжва юö усянинын.

Сиктыслы тырис 600 во. Но сійō пыр том да мича. Сикт шōрын зымвидзō выль школа. Сиктō воис газ. (32).  
В. Амосов серти.

## ЧОРЫД ДА НЕБЫД ПАРНОЙ СОГЛАСНОЙЯС.

Обучающōй диктантъяс.

Δ

### НОДКЫВЪЯС.

Сē синма, а нинōм оз аддзы. (*Пож.*)

Коді турун сēйō куим пиньōн? (*Виля.*)

Ичōтик-ичōтик зонка му пытшті мунас

да гōрд шляпа аддзас. (*Тшак.*)

Δ

### ТУРОВА ВОЙО.

Вōрса ичōт лолōс шымыртōма полōм:

коньōр кōчлōн вевтыс коз пу лап.

Раммōдōма мудзōм зīля кыйсьысь ручōс,

нюгыльвидзō позъяс, абу тшап.

*А. Мишарина.*

### ТОВ.

Шоча петавлō вōр весьтō

дышмōм шонді.

Дыр оз серав ланьтōм вōркōд —

узьны пондіс.

*А. Ванеев.*

### АЛКА.

Алка садъмис. Сійō петіс шебрас улысь. Чумын не-  
код эз вōв. Алка пасьталіс маличасō да котōртіс ывлаб.  
А эні сэтшōм гажа!

Алкалы нин вит арōс. Сійō некодысь оз пов. (28).  
В. Ширяев серти.

Паметь серти гижом выло.

## МЫЙ ВӨЧНЫ КӨЧЛЫ?

Тöлын уна удж оз вöч  
дженъыд бöжа, тэрыб көч.  
Мый нö колö вöчны  
дзикöдз кынмöм көчлы?

*С. Попов.*

Контрольнöй диктантъяс.

## МАКЪЯС.

Отчyd тулысын Нинтур лунтыр ворсны эз петав.  
Град йöрын мыйкö ноксис. Сэтшöма зилис!

Арланъыс ме пыри град йöрö. А сэнi дзоридзьясы!  
Би моз öзйöны гöрд макъяс!

Вот кутшöм миян Нинтурным! Школаö мунигкежлö  
бытöма макъяссö. (35). *Н. Куратова* серти.

## ОТСАСЬЫСЬЯС.

Картупель идралигөн Васьö, Толей да Рая отсасисны  
гырысьяслы. Ведраясөн да вужйысь кыём дозьясөн вöт-  
лысисны картупель идралан машина бöрся. Найö уджа-  
лисны гажаа, панласьöмөн. Но пыр вöли Раялөн медуна  
лоö. Радейтö уджавнытö Рая, оз ылав нинöмö. (34).  
*М. Игнатов* серти.

## И ШЫПАС ГИЖОМ.

Обучающöй диктантъяс.

### Словарь.

1. Ним, нитш, дивö, зильгыны, личыд, ли, лиавны,  
лимон, линейка, нимкодъ, нильöг, ниа, нидзув, нинöм,  
ниртны, сикт, сизь, сигöр, сигнал, силос, синкым, сирöсь,  
ситеч, тиньгыны, тир, тире, чизыр, чикыш, чипас, чинты-  
ны, директор, дисциплина;

2. Ді, дін, дівзыны (мӱс дівзӱ), зіб, зіль, воліс, кӱні, сәні, сідз, сімны, тіян, тіпкыны, тіравны.

**Задание.** Сравнитны кывъяслысь шуанногӱ.

## СИР.

Медым лэчыд синма сир  
черипиянӱс эз йир,  
шыбитісны сирӱс  
медся джуджыд йирӱ.

*С. Попов.*

## Е ШЫПАС ГИЖӱМ.

Обучающӱй диктантъяс.

### Словарь.

1. Дед, декабрь, дежурнӱй, делитель, делӱвӱй.
2. Землемер, зернӱвӱй, зевайтны.
3. Лесничӱй, лемасьны, лечитны.
4. Небыдінник, некодарӱ, некысь, нетшкыны.
5. Седелка, секунд, сельсӱвет, серпас, сер.
6. Театр, телеграмма, теш, теплица, телефон.
7. Еджгов, емавыны, ешӱ, единица.

△

## ПЕТРОВИЧ.

Лесник Петрович радейтӱ ветлыны вӱрті. Радейтӱ сійӱ вӱрлысь мича серпасъяссӱ. Весиг номъяслӱн тінгӱмыс оз дӱзмӱд сійӱс.

Со Петрович вуджис нейджыд шор. Кайис пожӱма ягӱ. Небыдик яла вывтӱ мунны лӱссыд.

Вӱрті ветлӱгӱн Петрович оз тӱдлы мудзӱм. (35).

**Задание.** Кывъясын е буква водзысь индыны парнӱй согласнӱйяссӱ. Кылзи найӱ кылӱны шуитӱн?

1. Сенялөн дедыс дежуритө теплицаын. Сеня радейтис кывзыны дедыслысь мойдөм. Мукөддырийыс мойдліс тешкодь мойдъяс. Сэки кыкнанныс ёна сералисны. Сеня эськө некор эз дугдыв кывзыны дедыслысь мойдөмсө.

2. Некор, некөн, некыдзи, некодлы сійө эз петкөдлы ассыс мудзөмсө. Удж вылын пыр вөлі делөвөй. А шойчигъясө сійө частө петкөдліс теш. Дедөс быдөн радейтисны. И сійө радейтис йөзсө. А челядькөд пыр вөлі нежнөй да серамбана.

## Я ШЫПАС ГИЖӨМ.

Обучающөй диктантъяс.

### Словарь.

1. Якөр, ящик, ярскөб, январь, ягсер, ямны, **яръюгыд**, январскөй.

2. Дядь, **зятмуні**, ляпкыд, няклявны, сямлун, тяпъявны.

3. Медся, тысяча, пөлясьны, октябрёнок, маляр, нелямын, чунявны.

**Задание.** Кывъяс дінө сувтөдны юалөмъяс.

## ПИЛЯ ДЕД.

Збодер кыйсысьсөн вөвлі  
 Пиля дедным зэв томсянь.  
 Собліс арын и төлын  
 пемыд яг-нюръяс вомөн.  
 Некод оз сяммы сы моз  
 вөчны челядьлы дадыяс.  
 Мог кө кодөскө суас,  
 корам быть Пиля дядьөс.

*В. Напалков.*

## НАДЯ ДА ЛӨЗУК.

Надя — кукань видзысьлөн ныв. Лөзук — медся дзоля кукань.

Отчид куканьяс йирсисны видз вылын.

Друг вөр сайсянь лэптысис кык вевся кымөр. Надя казяліс сійөс да вевтис Лөзукөс жакетнас.

Сэксянь Надя да Лөзук радейтöны öта-мöднысö. (34). *Г. Юшков* серти.

## Ю ШЫПАС ГИЖÖМ.

Обучающöй диктантьяс.

### Словарь.

1. Юква, юмов, юөр, югылдлөз, юбка, юкөн, юрлөс, юралысь, юрси, юргыны.
2. Любö, люкасьны, лючки.
3. Нювны, нюдзвиж, нюжавны, нюмдыны, нюкыльтны.
4. Сюв-сяв, сюзь, сюмалöм, сюркнявны, сюзь, сюзь-лун.
5. Тювгыны, тюлень, тюрны, тюльгыны.

## КÖР.

Войыс шондiтöгыс кузь, узьö пемыд вөр.

Но оз майшась, дыр оз узь чатör юра кör.

Сюйис шондi улö сюр, сюрис ён, оз чег,  
петiс шондi, югыл юр, Парма весьтö сэк.

*Ю. Васютов.*

Ю кузя йи кывтö — тувсов ва оз узь.

Югыл енэж вывтi лэбзьö дзодзöг, юсь.

Визувтö паськыда, лöня

югъялигтыр Эжва ю.

Быттöкö выль эзысь вöня

пармаса войтырлөн му.

Шондiыс сы весьтын ворсö,

нюмъялö, ёна оз сот.

Ю кузя ветлө да горзö  
вель уна юсь-пароход.

*М. Лебедев.*

Паметь серти гижöм вылö.

Ошкамöшка югыд кисö  
мыччис юлы.  
Войвыв муö, чужан сиктö  
воис тулыс!

*А. Ванеев.*

## Ё ШЫПАС ГИЖÖМ.

Обучающöй диктантьяс.

### СЕР-Ö-ВОДЗ?

Тич-точ, тич-точ. Мунö часи.  
Сёр-ö-водз?  
Мамö шуö:— Вай эн сёрнит,  
вод вай, пиук, зэв öд сёр нин.

*Ю. Васютов.*

**Задание.** Гижны. Лыддыны тетрадьсы. Индавы парнöй согласнöйяссö: чорыдъяссö, сэся небыдъяссö.

**Зёляквыны,** ёль, ёкмыль, ёкыш, ёрт, ёна; лёдз, лётчик, лётмунны, нель, нёровтчыны, нёков, нёкчим; **сёйö-да,** сёлкөдчыны, сёрмыны, сёрни, **сёртас; тельгыны,** тёпкан, тельöдчыны, тётя.

**Задание.** Торйöдöм кывъяснас гижны предложениеяс.

Контрольнöй диктантьяс.

## НЮР ВЫЛЫН.

Сеня да Митя веськалісны Биа нюрö. Юан ва матысь эз сюр. Сывдісны лым.

Друг кодкө серөктіс. Митялөн юрсныс сувтіс. Буско котөртіс вөрлань. Сеня ёна жө повзис. А сералысыыс вёлма сюзь. (32). *В. Юхнин* серти.

### ВИСАР ДЕД.

Висар дед төвбыд вердіс Ручильёс. Ветель кыялігөн век шыблалө посни черисө. Ручиль азыма сёяс да дзеб-сяс ягө. Висар дед долыда нюмъялө. Тадзи и ёртасисны Ручиль да Висар дед.

Сьёлөмсяныыс, ёна радейтіс Висар дедыд вөр-ватө. (34). *А. Ануфриева* серти.

### СЬӨЛӨМ ДОИ.

Ывла вылын юргө гажа сьылөм, серам. Йёзыс пас-йёны Победа лун.

Но оз серавны-гажөдчыны тани Марпа тьоткалөн Митя, Коля да Петя пияныс ни верөсыс. Ньылыштис найөс лёк войнаыс. Колюкыс Берлинын нин усьөма. Тер-питны позьтөм дойыс нюкыртө Марпа тьоткалысь сьёлөмсө. (39). *С. Раевский* серти.

### ВОКЪЯС.

Менө пальөдісны сёйны. Стада дорысь воөма менам Ваня вок. Сылөн чөдлач синъясыс нюмвидзёны. Лёсьыд видзөдны дзоля воклөн нюмбана чужөм вылө. Сійө вись-талө менам томдырся ляблун йылысь да сералө.

Гажаа казьтылім челядьдырся каднымөс. (33). *С. Терентьев* серти.

### КЫВ ПОМЫН ДА КЫВ ШӨРЫН НЕБЫД (Ь) ПАС.

Обучающөй диктантьяс.

#### Словарь.

- △ 1. Жонь, вонь, коль, понөль, бедь, пызь, ёсь.  
2. Больнича, гөстьыд, вильыш, кузьмөс, дасьтыны, визьнитны, ланьтны, садьмыны.

## СЕРА СИЗЬ ДА ПОЖОМ КОЛЬ.

Мунё-ссылё Пожом Коль,  
чеччө-вуджө ю и ёль...  
Босьтис изтор, вывлань дизь!  
Пуысь лэбис Сера Сизь.

*Ю. Васютов.*

## ПЕЛЫСЬ.

Кутшөм өшинь улө он видзөдлы, быдлаын быдмө пелысь пу.

Мекөд орчча керкаын радейтöны тайö вöсни кока быдмөгсö. Öшинь улас, гашкө, кызь пелысь пу быдмө. Васька дядь на найöс садитлис.

Тайö аслысьяма мича пуяссö оз позь не радейтны. Быд лэбачлы пелысьыд нимкодь. Весиг ош вель тшöкы-да матыстчывлө пелысь пуяс дорад. *И. Коданёв* серти.

## ВЫСТАВКА ВЫЛЫН.

Öти жар гожеся луно воссис вöралан понъяслөн республиканскöй выставка.

Выставка кежлө ми Рексöс мыським. Ышмысь шонди öдийö косьтис Рекслысь пасьсö. Косьмис, да гöныс югъявны кутис.

Выставка вылын медся бур понъяссö наградитисны медальöн.

Менам Рекс босьтис мөд места. (37). *И. Коданёв* серти.

## АСЫВ.

Асывнас руыс кутис потласьны. Руд шаль моз öшйис тундра весьтö. Сэсся кайис вывлань. Но ывлаыс эз югды. Кутис пызйыны посныдик зэр. Пöльтис чизыр тöv. (24). *Е. Рочев* серти.

## КЫНЬПИЯН.

Анна йирсьöдис кöръясöс мыльк бокин. Сэни ялаыс вöли зэв сук. Некымын воськов сайысь Анна казялис

розь. Сійö пуксис розьсянь неылö. Здук кежлö куньсьы-  
лсны синъясыс. Друг Анна аддзис кыньпиянöс. Найö  
вöлины ичöтикöсь, рудöсь. (32). *Е. Рочев* серти.

Контрольнöй диктант.

### СИКТСА ЧЕЛЯДЬ.

Котöртöны школаö сиктса челядь. Найö сералöны,  
дзолзьöны, нимкодясьöны. Ичöтысянь челядь велöдчö-  
ны школаын быдтор вöчны. Туйыс налы быдлаö восьса.  
Некод оз ло на пиысь важ моз пемыд мыр. (27). *М. Ле-  
бедев* серти.

### НЕБЫД (Ь) ПАСА КЫВЪЯС ВУДЖÖДÖМ.

Обучающöй диктантьяс.

**Задание.** Юклыны кывъяссö слогъяс вылö, медым найöс позьö вöли  
вуджöдны мöд строкаö:

△ Зильгö, ёсьты, деньга, выльдыны, восьтыны, вольсав-  
ны, визьнит, öтпасьта, сизь, садьтöм, ружье, ртуть.

### СЁРКНИ.

Пöрысь пöчöс пöльö öтсöг вылö корö.  
Воис пöрысь пöчö öтсöг вылö пöльлы.  
Кыскöны нин кыкөн — сёркни оз и вёрззы. (19).  
*М. Лебедев.*

### ПИСЬМÖ.

Васька, видза олан!  
Ме гöсьтита пöльö ордын. Сійö олö Паль сиктын. Ми  
пöльöкöд ветлим вөрö. Вöрас сэтшöм лöсьыд! Кокныда  
лолавсьö.  
Васька, кöсийсьöмöс эг вунöд. Лоас тэнад сера бедь.  
Аддзысьлытöдз. Игорь. (30).

ВИСЬМЫЛІ.

Ме висьми. Мама вежис вольпась вылысь белльоос.  
Сьод сэтõра варенньоон вайис рок. Ок и чõскыд!

Регыд локтис доктор. Дзоньвидза пõ, он вись. Асыв-  
нас пõ садьман да зарядка вõч, а эн нюжмась. (31).  
*Н. Куратова серти.*

I ШЫПАС ГИЖÕМ.

Обучающõй диктантьяс.

Тані со автогараж, кõть и важ,  
сэні вит автомобиль. Ставыс выль.  
«Ді-ді-ді!» Сэн кодьяс ті?

*Ю. Васюгов.*

Петіс, вотіс, ветліс, суніс, тасьті, радлі, зіль, садитіс,  
õні, содіс, шонді, ті, сійõ, кыліс.

**Задание.** Кывъяс дорас сувтõдны юалõмьяс.

Паметь серти гижõм вылõ.

ГОЖÕМ.

Зарни шонді, югыд шонді  
шоръяс косьтіс. Берегдорса пõрысь  
козйõс унзіль босьтіс.

*А. Ванеев.*

ЧЕРИ.

Витя гудыртõ гõп. Тõрыт сійõ гудыртіс жõ. Черисыс  
мамыс черинянь пõжаліс.

Кутіс кымõртчыны. Витяõс чукõстісны юр кыскавны.  
Зорõд зэрõдзыс эштіс.

А гөптүсь ракаяс лэптисны ыджыд чериёс.  
Но Витя талун и сідз вөлі шуда. (34). Г. Юшков  
серти.

## ОСЬТУК.

Осьтук кыліс чукөстөмсө. Сійө гөнитліс, өдөбтис да  
чеччалігтырйи бузгысис ваас. Саявлі быдсөн.

Визулыс кватитіс сійөс да кутіс кылөдны.

Васьө чукөстіс. Осьтук кыліс сылысь гөлөссө. Но  
визулыс өдийө кылөдіс Осьтукөс. Муртса и воис Осьтук  
берегас. (34). М. Игнатов серти.

## Э ШЫПАС ГИЖӨМ.

Обучающөй диктантъяс.

### Словарь.

Эжа, эбөс, Эжва; сэтөр, лэбач; тэрыб, зэлыд; тэ,  
тэныд; зэрис, лэптис; сэні, сэті.

Δ

## ВАРЫШ.

Стёпа лэптис юрсө енэжлань. Сэні лэбаліс варыш.  
Сійө сүөдіс ичөтик лэбачөс. Вот-вот кватитас лэчыд  
гыжъяснас.

Друг кыліс лыйөм шы. Варыш шнөпкысис муө. Ичө-  
тик лэбач лэбис аслас туйөд. (27). И. Коданёв серти.

## НОДКЫВ.

Тэ, чойө, таті мун, а ме, чойө, этаті муна. Отлаө воам  
да кар тшупам. (Вөнясьөм.)

## ЭСКАМ ШУДӨ.

Нэмъяс кежлө олөм вежны  
эбөс эм и тырмас сям.

Локтан шудё эскём кутём  
лун-лун ойдё, а оз ям.

*А. Мишарина.*

### ЛЕВ КАССИЛЬ.

Лев Кассиль вёлі быдлаё эштёдчысь роч писательён. Сійё уна путешествуитіс. Кассиль лэбліс дирижабль вылын. Медводдзаён лэччыліс Московскёй метро стрөитан шахтаё. Сійё воліс Циолковский ордё Калугаё. Колльодіс Чкаловёс историческёй полётё лэбигён.

Но главнэй могнас сійё лыддис челядьлы бур книгаяс гижём. (40). *М. Агатов* серти.

Контрольнэй диктантьяс.

### ЗЭР УЛЫН.

Пувйё ылалёмён Микола эз и казав пемдёмсё. Съод кымөр өти здукён сайёдис шондисё и енэжсё. Сэсса ызобтіс зэр.

Микола пуксис коз пу улё. Он өд котөрт татшөма зэригад.

Ланьтісны лэбачьяс. Налы, буракё, зэрыд оз жё лёсъяв. (38). *В. Ширяев* серти.

### ГОРТ ОЛЫСЬ.

Тётя Маша частё менё корлывліс Катенькаыскөд ворсны. Ме некор эг өткажитлы. А талун эськё зэв эз вөв окота гортсё овны да. Көсйим Женякөд кырті лыжийён иславны. Босьті тетрадьяс. Сэні көть гортса уджөс вөча. Мый сэсса керан? (36). *Н. Куратова* серти.

### УРКАЙ.

Уркай тэчё поз коз пу лапьяс вылө.  
Сійё йөз муё оз лэб, төвйё лымъя вөрүн.  
Ассыс пиянсё оз дзеб, пөжө төв шөр төлын.  
Муса лэбач, крука ныр, быдтысь сьөкыд кадё.  
Миян вөрыс тэныд пыр лоас гажа садйён.

*С. Попов* серти.

## КЫВБӨРЪЯС ГИЖАННОГ.

Обучающоё диктантъяс.

Δ

Пызан вылын, өшинь улын, дждож шөрын, ю сайын, эрд вылын, вөр дорын, лэбач дінын, чарөм вылын, туй бокын, зорөд пытшкын, урокъяс бөрын.

**Задание.** Гижны тайё кывъяснас предложенияс. Лөсьөдны висят.

## КЫВБЕРТЛАСЪЯС.

Потшөс пөлөн петшөр ытшка, кутш да катша петшөр пытшкын. *В. Лыткин.*

Коми муын, Эжва вылын, асывводзөдз руалө. Кустъяс пөвстын, нөрыс йылын мича керка сулалө. *В. Савин.*

## НӨДКЫВ.

Мыр, мыр вылас гыр, гыр вылас шар, шар вылас вөр. (*Морт.*)

## СИРЕНЬ.

Вит во сайын ме өшинь улө пункті кык сирень. Найё өні ыджыдөсь нин.

Быд тулыс сиреньяс мичаа дзоридзалөны. Пуяс дінсянь өвтө чөскыд дукөн. Йөзыс сэки сувтлөны керка весьтө, видзөдөны дзоридзөн тырөм сирень вылө да радлөны. (35). *И. Коданёв* серти.

## АВКА.

Ворсыштөм бөрын Авка ещө на мусмис Алкалы. Авка велаліс чум дінө. Тані чөскыда вердөны. Овада дырйи позьё дзевсьыны бипур тшын сайё. Авка пыравлывлө Алка дорё и чумё.

Алка «пөдаритіс» Авкалы алёй ленточка. (33) *В. Ширяев* серти.

## ЫДЖЫД НИИ.

Ичӧт Валялӧн чачаыс уси петшӧр пиӧ. Валя бӧрд-дзис.

Юрик вӧлі пукалӧ кильчӧ вылас. Сійӧ локтіс Валя дорӧ. Юрик судзӧдіс чачасӧ да сетіс Валялы.

Валя жалитӧмӧн видзӧдіс Юриклӧн гӧрдӧдӧм сой вылӧ. Но Юрик лыддьӧ асьсӧ ыджыдӧн да оз бӧрд. (38).  
*Г. Юшков* серти.

## ГУЛЮ.

Миша петіс кильчӧ вылӧ. Гулюсӧ пунктіс сой вылас. Аслас морӧс пышкас тіпкіс сьӧлӧмыс. Жаль вӧлі Мишалы гулюыс. Гулю «гӧгӧрвоис» Мишаӧс да видзӧдліс сы вылӧ. Сэсся лэбзис туй бокин кокасысь гулюяс дінӧ. (31). *А. Распутин* серти.

## ЫЛАЛІС.

Микола пукалӧ коз пу улын. Ляскысьӧма дзик пу бердас. Ваыс кутіс виявны картуз вылас и сьылі вылас. Микола топӧдыштіс воротниксӧ голя гӧгӧрыс. Сэсся петіс коз улысь. Мӧдіс тэрыба мунны. Но гортӧ мунан туй вылас эз во. (36). *В. Ширяев* серти.

## ӦТКОДЬ КЫВВУЖЪЯ КЫВЪЯС.

### Словарь.

Сёрни, сёрнитны, сёрнитӧм, сёрнинас, сёрнитігтырйи; кузь, кузьмӧс, кузьджык, кузя; пельк, пелькӧдчыны, пелька; ворсны, ворсысьяс, ворстӧдз, ворсігтырйи, ворсӧм.

## МЫЛА СЫЛӦМ.

Рая кутіс сьывны коми кыв вылын зэв мичаа да мылаа. Сылӧн лӧсьыд гӧлӧсысь сыланкывйыс тырис

мелілунён. Мыла сьылёмыс воис сьёлём вылас пасса-  
жиръяслы. Ми некымынысь сьылім өтлаын. Рая өткодъ  
кокниа сьыліс и удмуртскöй, и коми кыв вылын.  
(36). *К. Куликов* серти.

## ТÖЛЫН.

Көдзыд биён ыпъялысь шондыс ёна жö мудзöма.  
Сійö быттö оз нин вермы сетны шоныдсö. Вöрас гөгөр  
зымвидзöны сё ветымын арöса пожöмъяс. Тайö мича  
пуясыс вöрсö вöчöны шоныдджыкөн. Рытланьыс повод-  
дяыс и збыльысь шондöдіс. (32). *И. Торопов* серти.

## МИКОЛ ДЯДЬ.

Интереснöй морт Микол дядьыд. Лыддысьнысö ёна  
горш. Сэсся лыддöмторсö ас ногыс висьталас.

Кузь төвся рытъяснад быдтор йылысь сёрнитны  
вевъялан. А сёрнитанторйыд Микол дядьлөн оз и быр-  
лы. Лыддысьöm да сёрнитöm и олан гажыс сьлөн. Да  
вöралöm нöшта. (41). *Е. Афанасьев* серти.

## КАЗЬТЫЛÖМ.

Важөн öд ме кутшöм ён да пельк вöлі. Вöртіыд кот-  
ралі, тшак да пув воті! Мышкын ыджыд пестер, кыин  
вотчан чуман чукойоныс тыр. Сэсся чышьян пöрчча да  
сы тыр на вота, пестер вевдорö көртала. Гортö локтігөн  
кок кусыньтчö, ружта да восьлала, быд вотöссö вая.  
(43). *Г. Федоров* серти.

## ДЕЙСТВИЕ НИМЪЯС.

Обучающöй диктантъяс.

### Словарь.

Котöртö, отсасьö, лэбалö, велöдö, вуджö, жургö,

петкӧдлӧ, мунӧ, радлӧ, зэрӧ, шонтӧ, кыйсьӧ, пасьтасьӧ,  
велӧдчӧ, шылӧдӧ — код і? мый?

Паметь серти гижӧм вылӧ.

### ТУЛЫС.

Муна водзӧ... Тулыс воӧ.  
Лымйыс сылӧ, киссьӧ зэр.  
Кӧдзыд йисӧ шонді сейӧ,  
ойдӧ уналаті вӧр.

*М. Лебедев.*

**Задание.** Пуктыны действие петкӧдлысь кывъяс дінӧ куалӧмъяс.

### НОДКЫВЪЯС.

Вӧрӧ мунӧ — гортӧ видзӧдӧ,  
гортӧ локтӧ — вӧрӧ видзӧдӧ. (*Чер.*)

Чардби югйыштӧ, съод вӧр пӧрӧ, кабан сувтӧ. (Ту-  
рун ытшкӧм-зорӧдалӧм.)

### ТУЛЫСЫН.

Кодлы колӧ кӧдзны — лӧсьӧдӧны гӧр.  
Весьшӧрӧ оз жӧдзны, виччысьӧны зэр.  
Пӧрысь пӧль мый керӧ? Сирӧн мавтӧ пыж.  
Шонді улын вӧрӧ, копыртӧма мыш.

*М. Лебедев.*

### УДЖАЛІС.

Пиӧй пӧрччис пинжаксӧ, пасьталіс пальтосӧ, петіс  
посводзӧ. Посводзас пыртлӧма пес. Пессӧ пыртіс пач-  
водзӧ, пуксис пӧв помӧ, питшӧгсьыс перйис пробка,  
пӧльыштіс пробкасӧ пӧлать пельӧсӧ, пожийӧ пуктіс пӧсь  
печенча, пирӧг. Пӧттшуйтчӧ! (29). *М. Сажина серти.*

И со воис сійо луныс. Локталісны гөстьяс. Быдөн мыйкө козьналёны мамлы. Гриша да Костя сетісны мамыслы шөвк чышъян да капрон чулки. А деньгасө найо нажөвитісны макулатура да металлолом чукөртө-мөн. (35). *А. Распутин* серти.

### МАШИНА.

Славик сулалө нйатын да тэрыба лэпталө кокъяссө. Ачыс «жургө» машина моз.

Мамыс сулалө да шензьө Славик вылө.

А Славик, вөлөм, буксуйтө Семө дядыслөн машина моз. (26). *Г. Юшков* серти.

Контрольнөй диктантьяс.

### ТУНДРАЫН.

Дадь кокниа шывгө, катлөдлө, гычөдө. Көрьяс вөтлытөг котөртөны.

Ывлаыс шондіа. Быдлаті волялө, вералө.

Лун шөр бөрын воисны чум дорө. Найөс медводз казялісны понъяс. Воысыясөс чумын юкталісны чайөн. (28). *Е. Рочев* серти.

### ВЕЖДИН.

Миян Веждін сикт зэв гажа. Йөзыс зэв шаньөсь да зільөсь. Челядь котралөны выль школаө.

Сиктө стрөитісны выль магазин да совхозын уджалысыяслы выль керкаяс. Веждін пыр ыдждө, паськалө да мичаммө. (30). *И. Изъяров* серти.

## ПРИЗНАК НИМЪЯС.

Обучающѣй диктантъяс.

### Словарь.

Кокныд, чорыд, тэрыб, крепыд, дзескыд, мича, югыд, виж, алѣй, сера, пашкыр, гѣгрѣс, юмов, озыр, ляпкыд; пемыдруд, кольквиж.

△

### ВѢРЫН.

Кѣчыс дзэбсьѣ лѣпьяс сайѣ,  
видзѣ ассьяс дѣна юр.  
Ѡдѣѣ-Ѡдѣѣ пуѣ кайѣ  
паськыд бѣжа ичѣт ур.

*М. Лебедев.*

### НѢДКЫВЪЯС.

Кузь бѣжа, сьѣд юра, еджыд морѣса. (*Катша.*)  
Виж — абу турун, гѣгрѣс — абу шар, бѣжа — абу шыр. (*Сѣркни.*)  
Ичѣтик-ичѣтик гѣрд юра мужик да быдѣнѣс бѣрдѣѣ.  
(*Лук.*)

### СѢСТѢМ ДѢРѢМ.

Васяѣс пасьтѣдѣс мамыс сѣстѣм дѣрѣмѣн и видьштѣс трактор дѣрѣ мунѣмысь.

А тракторлѣн гѣра шыяс вѣчасѣн бара шымыртѣс зонкаѣс.

Со и гѣранѣн. Мича вѣлѣ гѣрѣм муыс. Чим сьѣд, лѣсталѣс шѣндѣ водзын.

А рытнас Васялѣн маслѣѣссьѣм дѣрѣмыс бара лѣсталѣс вѣж рѣмѣн. (40). *Г. Юшков* серти.

### ПАТРИКЕЕВНА.

Руч ѣсь пиньяса да вѣсни ныра. Сѣйѣ пельяссѣ чѣшкѣѣдѣма, бѣжыс быттьѣ лѣбѣ. Патрикеевна небыд гѣна,

шоныд пася. Ветлөдлө сійө ньөжйөнник, лажыньтчөмөн, пашкыр бөжсө нуө видзөмөн, синъясыс меліөсь, нюмъялө, еджыд пиньяссө петкөдлө. (31). *К. Ушинский* серти.

## ВЕЖ ЮРСИА ПЕТЯ.

1. Госпитальө кутіс воливлыны веж юрсиа детинка. Петялөн вөліны сьод синъяс да мелі видзөдлас.

Петя да Патов лоины бур другъясөн.

Отчыд Петя локтіс госпитальө зэв шог, синъясыс гөрдөсь. Сійө висьталіс, мый фронт вылын усьөма батыс.

Патов быд ног зілис бурөдны ассыс ичөт ёртсө. (42). *А. Распутин* серти.

2. Воис март төлысь. Тувсов шонді койис мелі югөръяссө.

Том «артистьяс» дүгдісны воливлыны госпитальө.

Патов гижис Петялы неыджыд письмө. Локтіс Петялөн мамыс. Курыд синваөн бөрдіс нывбаба. Сійө висьталіс раненөйяслы Петя пөгибнитөм йылысь. (31). *А. Распутин* серти.

## П Д А Ф ШЫПАСЪЯСА КЫВЪЯС

Обучающөй диктантъяс.

### Словарь.

1. Партук, патера, петель, сарапан, кампет, картупель.

2. Форма (школьнөй), февраль, форточка, физкультура, фильм, флаг, фронт, футбол, футляр.

3. Телефон, торф, буфет, туфли, шофер, дельфин, алфавит, вафли, шефствуйтны.

## ФЛАЖОК.

Шонді шонтө гөгөрбок. Майскөй празник воис. Менам кыин гөрд флажок. Ыджыд нин ме лои. Флагөй

менам быттьо би шонді водзын ворсö. П. Образцов.

Миянлы пыртöдисны телефон. Фаиналөн батыс вöчис футляр. Школаын эм буфет. Федялөн вокыс служитіс флотын. Öні сійö шофёр. Сійö кыскалö картупель муяс вылö торф.

## Контрольнöй диктантъяс.

### ДЕЖУРНÖЙ.

Фёдоров талун дежурнöй. Сійö нуöдис миянöс физкультура урок вылö. Школьнöй формаяс ставөн вежим. Дежурнöй восьтис классысь форточка. Фаина вайис флажокъяс. Найö ковмасны физкультура урок вылын. (26).

### ПИОНЕРЪЯСЛÖН ЛАГЕРЫН.

Талун лагерын лэптисны флаг. Миянöс фотографируйтисны.

Сэсся вöлі концерт. Воліс фокус петкöдлысь. Тыртöм фанера ящикысь сійö перйис дас еджыд гулюöс. А Фима партукысь вöчис сарапан. Вот серамыд вöлі!

Лагерын ме зэв бура шойччи. (33).

## Қ ДА Х ШЫПАСЪЯСА КЫВЪЯС

### Обучающöй диктантъяс.

#### Словарь.

1. Художник, хлопок, халат, химия, хищник, характер.

2. Шахта, совхоз, поход, теплоход.

3. Конюк, сакар, кöзяин, пастук, петук.

1. Бур кöзяин моз дедным ветліс чöс туйяс вывті. В. Напалков. 2. Школаын эм хор. 3. Мöд класс муніс походö. Найö босьтисны сукар да сакар. 4. Федя Холопов классын медбур художник. 5. Пастук нуöдис совхознöй мөсъясöс йирсыны.

Нефтяниклы да шахтёрлы  
виль победа снам ми.  
Снам, уджным мед оз орлы,  
мед оз мудзлы миян ки.

*М. Лебедев.*

## МИЯН СОВХОЗ.

Миян совхоз ыджыд. Совхозын скотыс уна. Мось-яссё видзёны пастукъяс. Конюк быд асыв вайёдö луд вылысь конюшняö вöвьясöс. Муяссё быд во вынсёдöны химическöй удобрениеөн. Карса ыджыд фабрика шефствуйтö миян совхоз вылын. (29).

Контрольнöй диктант.

## ПОХОДЫН.

Миян класс ветлис походö. Саша Филиппов босьтöма сакар. Лёня Федин — сукар. Фаина вöли пöварён. Сийö пасьталöма партук. Биपुर дорын сьылím хорён. Сэссия дыр казътылím художественнöй фильмьяс. (26).

## Ч ДА Ц ШЫПАСЪЯСА КЫВЪЯС.

Обучающöй диктантъяс.

### Словарь.

1. Ситеч, больнича, улича, калича, чеп.
2. Граница, теплица, цифра, концерт, цирк, центнер, циркуль, цель.

## ТЕПЛИЦА.

Миян школалён эм теплица. Сэни ми быдтам уна цвет, öгурцы. Тулыснас теплицаын ставыс дзоридзалö.

Теплица пытшкӧсыс уна рӧма ситеч кодь.

Таво ӧгурцыӧ босьтім быдса центнер. Ми татшӧм мог и пуктылім ас водзаным.

## МИЯН СЕМЬЯ.

Батьӧй менам шофёр. Мам учительница. Ыджыд вокӧй лоис врачӧн. Чой уджалӧ теплицайн. Сійӧ агроном. Ми воккӧд быд гожӧм пастукалам совхозын. (23).

Контрольнӧй диктант.

## ЗАРНИЧКА.

Быд во миян школаын мунӧ военнӧй ворсӧм. Гырысь класса велӧдчысьяслӧн ворсӧмыс шусьӧ «Зарницаӧн». А миян дзоляяслӧн — «Зарничкаӧн».

Сюсь да авъя йӧзӧс радейтӧ тайӧ ворсӧмыс. А мичаа нимтӧмаӧсь ворсӧмсӧ — «Зарница», «Зарничка», «Востым». (31).

## ДЗ ДА ДЖ ШЫПАСЪЯСА КЫВЪЯС.

Обучающӧй диктантъяс.

### Словарь.

1. Дзоридз, дзодзӧг, кыз, видз, кӧдза, судзӧд, кӧдзыд.

2. Удж, вуджӧр, джодж, вуджны, дженьыд, ыджыд, унджык.

## СИКТСА ЧЕЛЯДЬЛЫ.

Сиктса челядь котырӧй, пармаса ныв-пиянӧй. Видзвывса яр дзоридзьяс, радейта ме тӧянӧс. А. Мишарина.

## НОДКЫВЪЯС.

Джодж улын ош лапа, джадж дорын ош кулак.  
(*Лыс да сов доз.*)

Тшөкыд вөр сулалө да вөвлы ньөр оз сюр. (*Юрси.*)

## ТУЛЫС.

Ловзьөд шуда мунымөс, нюмъялас пыр мед.  
Видза олан, тулысөй, муөдз копыр тэд.

*А. Мишарина.*

Паметь серти гижөм вылө.

Видза олад, помтөм видзьяс!  
Видза олан, көдзөм му!  
Видза олад, еджыд кызьяс!  
Видза олан, визув ю.

*А. Мишарина.*

△

Вынтө эн жалит, водзө эн видз.  
Уджавны колө зільджыка сідз.  
Төдан, мый шуліс бур Ленин ёрт:  
«Уджтө эн вунөд, уджалысь морт».

*М. Лебедев.*

○

## ТӨВ.

**Примернөй кывъяс.** Көдзыд, еджыд, улича, джуджыд, художник, дзирдавы.

**Примернөй текст.** Пуксис көдзыд төв. Еджыд лым-йөн вевттысис му. Уличаяс вылын лоины джуджыд толаяс.

Художник-төв мичмөдіс узоръясөн өшинь стеклөяс.  
Корсюрө петавлө көдзыдсьыс быгалөм шонді. Сэки лымйыс дзирдалө посни бисерөн.

ОТКА ЮСЬ.

Ю сайын гõгрõс ыджыд ты. Ты шõрын пукалõ отка юсь. Сийõ кывтыштас водзлань, видзõдлас гõгõр. Сэссия сунгылас кõдзыд ваõ кузь голясõ. Мойдын кодь. Дзик быттьõ еджыд парус ва вывтӣыс ветлõ. (30). И. Кода-нõв серти.

ЁЛЬ.

Бõр дї горулын визувтõ джодж пасьта джуджыд ёль. Ваыс югыд да чõскыд. Курыштан содзнад — китõ кõдзыдõн сотыштас.

Берег пõлõныс быдмõны сьõд сэтõр, пельсь пуяс, чуткасьысь лежнõг кустьяс. Уна сикас дзоридзьяс га-жõдõны мудзлытõм ёльсõ. (34). И. Коданõв серти.

ТШ ДА Щ ШЫПАСЪЯСА КЫВЪЯС.

Обучающõй диктантъяс.

Словарь.

1. Тшак, тшупõд, тшын, тшаплун, путшкыны, тшы-нõдны, тшõкмунны, потшны, тшупны, тшõкыд, тшыкõм, тшõtшъя.

2. Щõtка, щõtъ, ямщик, щипцы, плащ, помещение, борщ.

Δ

НÕДКЫВЪЯС.

Ичõtик-ичõtик зонка му пыттї мунас да гõрд шля-па аддзас. (*Гõрд гоб.*)

Ящикõ мый оз томнасьы? (*Шондї.*)

АСЫВВОДЗ.

Пач трубаясьыс пуркйõ тшын. Батьõ тэрмасьõ мун-ны ытшкыны. Сийõ босьтїс инструментьяс тыра ящикõ.

Сэтчө пуктіс вьль щотка. Сэсся тэрмасьомон муніс кыркотш дорё. Юсё вуджис мотора пыжон. (26).

### ШКОЛАЫН.

Ми школаын вөдитам уна цвет. Цвет койдыссё водз тулыснас кодзам ящикьясё. Рёсадаыс овлө пыр зэв тшөкыд. Ми сійөс сеталам тшөтш сиктса йёзлы. Быд гожом мян сиктса уличаяс пөлөн быдмёны быдпөлөс цветьясыс. (32).

Памень серти гижом вылө.

### КЫВБЕРТЛАС.

Потшөс вылын катша.  
Потшөс дорын Катшө.  
Йирё Катшө лы,  
оз сет катшалы.  
Лэбө катша, лэбө рака.  
Таво ар пө лөө тшака.  
Тыр пө тшакон рас и яг.  
Коді ветлас вотны тшак?

Контрольнөй диктантьяс.

### СЫКТЫВКАРЫН.

Ми воим Ленин нима улича вылө. Со и Юбилейнөй площадь. Площадь шорас сулалө Владимир Ильич Ленинлы коми йёзсянь памятник. Памятник дорас пуктім мичаа цветитысь дзоридзяс. Тайё дзоридзяссё быдтім асьным. Памятник дорас фотографируйтчим. (32).

### ЛОА КАМЕНЩИКОН.

Воим папа уджаланинө. Сійө таті площадкаион шуө. Папа менам каменщик. Сылөн ещө кык отсасысь воисны мянкөд тшөтш.

Площадка вылас рельсыяс вывті ветлөдлө кран.

А мый джуджда! Вот эськӧ крановщикӧн лоны! Но ме папалы кӧсйыси нин сы моз жӧ каменщикӧн лоны. (40).  
*Н. Куратова* серти.

## ВЕЛОДОМ МАТЕРИАЛ ПОВТОРИТОМ.

### АЛЁША.

Алешалы батыс ньӧбис столярной станок.

Алеша вӧчис самокат и петис иславны. Ислалӧ, а сы вылӧ некод оз и видзӧд. А тулыснас школаын лӧсьӧдчисны рӧсада быдтыны. Ящикъясыс эз вӧвны.

Алеша вӧчис кык ящик да вайис школаӧ. Челядь сэтшӧма нимкодясисны! Алешаӧс ыджӧдлісны зарни киясаӧн.

Мыйла нӧ эськӧ? (45). *С. Баруздин* серти.

### СИР ПОЗ.

Делӧыс вӧлі рытгорув. Пӧрӧм пу дорӧ чӧвтім кыснанъяс. Сир пыр и сакасис. Сэсся Гриша лэптіс ыджыд сир. Ӧти местаыс лэптім витӧс. Квайтӧдыс мыні. Асывнас бара на кык сир шеді. Ставныс вӧліны ӧтгырсяӧсь.

Хищникъяслӧн быдса поз сэні вӧлӧма. (37).

### УСИНСК.

Кыптӧ Уса ю бокин виль кар. Сійӧ ӧдйӧ быдмӧ, паськалӧ да мичаммӧ. Сэні эм **аэропорт**. Посёлкосянь неыліті мунӧ кӧрт туй. Аэропортлӧн да кӧрт туйлӧн мича вокзальяс.

Усинской район озыр нефтьӧн да газӧн. Вось-во сійӧ кутас сетны Рӧдиналы пыр унджык ломтас. (40).  
*И. Изъяуров* серти.

## ШЫЯС ДА ШЫПАСЪЯС.

(Повторитом).

Обучающой диктантъяс.

### КӦЧ.

Оліс-выліс кӧчильӧй-чойильӧй. Некутшӧм шог сійӧ эз тӧдлы. Лӧбачьяслы да зверьяслы пыр ошйысис аслас шоныд да мича пасьнас. Пӧттӧдзыс гурчкис-сӧйис пипу кырсь. А сӧсся водас восьсаинӧ, кытчӧ ёнджыка веська-лӧны шондӧ югӧръясыс, да дыр мутшвидзас-куйлас.  
*И. Коданёв* серти.

### ЧИРК ДА КОДЗУВКОТ.

Тӧрыб Чирк эз овлы чӧв,  
Гожӧмбыд зӧв зӧля сьыліс,  
Нинӧм чайттӧг аддзис-кыліс:  
Локтӧ-жургӧ кӧдзыд тӧв.  
Муыс кынмис, чорзис ёна,  
Гажа лунъяс эз нин лоны,  
Коръяс улын оз нин сюр  
Шоныд оланін да нур.

*И. Крылов.*

### ПАСЬМУНӦМ КОДЗУВ.

Рытнас Митя видзӧдіс ӧшинь пыр дзирдалысь кодзувъяс вылӧ. Друг ӧти кодзув суніс увлань. Изтор моз тьювис. Митя шемӧсмис быдӧн.

Асывнас Митя туй выльсь аддзис йи торъяс. Найо вöліны келььдлөзөсь, дзик төрытъя усьом кодзув рөмабсь. И Митя гөгөрвоис — тайо од кодзулыс татчө пасьмунөма! Сійо копыртчис да торпыригөдз чукөртис кодзувсө ведраас. (49). *Е. Габова* серти.

## КОСМОНАВТЛЫ РУЧКА.

Космонавтъяслы ручкасө вөчисны Ленинградын 1969 воын. Ручкаыс бура гижө. Конструкторъяс вөчисны ручкаас цилиндр сяма пружина. Пружинаыс личкө паста вылас. Артмө Му вылын гижөм моз жө, быттьо муыс кыскө пастасө, кызди и мукөд предметъясөс.

А медым ручкаыс эз лэбав кабинаас, вөчисны капронысь пружина сяма көв. Көвйыслысь помсө позьө йитны быд костюм динө. (51). *А. Сохрина* серти.

## КЫК ДЗ ШЫПАСА КЫВЪЯС.

Обучающöй диктантъяс.

### Словарь.

Содз — содзөн, видз — виддзыс, лөдз — лөддза; аддза, гыррдза, бөррдзис, гөррдзасыны.

△

## НӨДКЫВ.

Чикили-мукили, гөрөдтөг гөррдзасысь, яг дорө нюжөдчө. (*Потшөс.*)

Аддза тані, аддза сэні ыджыд тапикасьө ош.

Сиам, мед выль воом тулыс өддзөдас колхознөй труд.

Ванюк бөррдзис, Ванюк повзис. Сійо вывті вөлі рам.

*М. Лебедев.*

## ӨЧКИ.

Кор да коді вөчис медводдза өчки, некод оз төд.

Но медся важ өчкисө аддзисны фараон Тутанхамон

гробницаысь. Тайӧ очкисӧ вӧлі вӧчӧма коричневӧй стек-  
лӧысь, йитлӧма бронзӧвӧй сутугаӧн.

Ӧчки йылысь медводдзаысь гижлӧмаӧсь дас коймӧд  
нэмын.

Россияын ӧчкиӧн кутісны вӧдитчыны дас витӧд нэм  
помсянь. (41). *С. Попова* серти.

Паметъ серти гижӧм вылӧ.

И медводдза кыв, кодӧс гижі,  
ме гижі тетрадь мышкӧ — «Мир».

Пызан увті подӧн мунӧ менам вок,  
медводдзаысь кодӧс нуӧ аслас кок.

*С. Попов.*

## ПОПУГАЙ.

Велӧдчысьяс пиысь быдӧн тӧдӧны попугайӧс. Сійӧ  
гӧрба ныра, мича паськӧма. Попугайясӧс позьӧ велӧд-  
ны сёрнитны. Зоопаркъясын сы дорысь пыр позьӧ ад-  
дзыны челядь котырӧс. Йӧзӧс аддзигӧн попугай радлӧ,  
дурӧ. Мунны сы дінысь абу окота. (33). *И. Коданёв*  
серти.

## КЫДДЗА РАСКҮН.

Детинкаяс мунісны кыддза раскӧ. Найӧ аддзисны  
уна пув. Пув розьясыс гырысьӧсь — соддзӧ оз тӧрны.  
Ичӧтик Петя ӧддзӧдчӧмӧн кутіс вотны. Ёртьясыс ош-  
кисны Петяӧс. (24).

Контрольнӧй диктантъяс.

## КИЕВ.

Югид да мича вӧлі тайӧ веж карыс. Паськыд ули-  
чаяс пӧлӧн быдмӧны гырысь топольяс да пашкыр каш-  
танъяс. Плӧщадьясыс ставыс дзоридзяс пиын. Шонді

час, бара мудзас, бара узяс, бара мыссяс, бара мян  
дінѡ кыссяс. (36). *С. Попов.*

## ДРУГЪЯС.

Стеклѡ жугалѡм шыыс юркнитіс пеляс. Васьѡ ѡдѡ  
кыссис бѡрѡздаті, петіс йѡрсьыс да пышйис.

Но гортад ѡд быть лок. Пыригас на и адзис пызан  
вывсьыс жугалѡм стеклѡа рамасѡ. И соссьыны некыдз.  
Но Толей да Рая дорйѡмаѡсь Васьѡѡс. Эз пѡ нарошнѡ  
жугѡд ѡшиньсѡ.

Сідзкѡ, Толей лыддьѡ Васьѡѡс другѡн. (47). *М. Иг-  
натов* серти.

## ОРЧЧОН СУЛАЛЫСЬ КЫК РАЗНОЙ НЕБЫД СОГЛАСНОЯ КЫВЪЯС.

Обучающѡй диктантъяс.

### Словарь.

Мельнича, дадьсьыс, батьсьыс, дядьсьыс; узьсьыны,  
куньсьыны, разьсьыны, шутьлявны, визьнитны.

△

## ВАНЯ.

Ванялѡн эз узьсьы. Весиг синмыс эз куньсьы. Сійѡ  
думайтис лагерѡ мунѡм йылысь. Гажыс бырас батьсьыс  
и Сობольсьыс. И сідз нин эз адзыв батьсѡ тѡлысьыс  
дырджык.

Со нин кутісны дзользьыны посни лѡбачьяс. Вѡр сай-  
сянь визьнитіс шондї югѡр. Пуксьѡ шуда лун.

А Ваня пуксис гижны батыслы письмѡ. (45).

## ПОХОДЫН.

Шутьляліс ыджыд ѡн тѡв. Час мысти зѡрмис. Но  
тѡлыс эз и думайт лѡньны. Теплоходлы ковмис сувтны  
пристаньсьыс бокѡ. Челядь гузьнитісны берегѡ.

Гыясыс усьласисны теплоход вылас, качайтисны сійӧс чагйӧс моз, резсисны быгъя ваӧн.

Друг тӧлыс лӧнис. Ывлаис быттьӧ нюмъѣвтис. Кутисны дзользыны посни лэбачьяс. (43).

## ТОРИӦДЫСЬ ЧОРЫД (Ъ) ДА НЕБЫД (Ь) ПАСА ҚЫВЪЯС.

Обучающӧй диктантъяс.

### Словарь.

1. Позъяс, сѣнъяс, зорӧдъяс, посъяс, вӧвъяс, кӧръяс, макъяс;

2. Визьяс, юсьяс, бадьяс, пельяс, кольяс, кыздьяс, врачьяс, каньяс, кизьяс, кӧчьяс.

Δ

## ПӦРЫСЬ ПОЖӦМ.

Вӧрса векныдик туй бокин сулалӧ ыджыд кыз пожӧм. Сійӧс аддзылисны мян пӧльяс и батьяс. Қымын арӧс сылы? Коді нӧ сійӧс тӧдӧ.

Ылӧдз тыдалӧ шочиник вожъяса пу. Матигӧгӧрса козьяс да кыздьяс сы дорын быттьӧ карликъяс.

Сійӧ стӧрӧж моз сулалӧ да видзӧ пармалысь чӧвлунсӧ. (42). *И. Коданѣв* серти.

## ЧАВҚАНЪЯС ДА АКРОБАТ.

Лариса нуӧдис Акробатӧс гуляйтны. Друг уськӧдчисны чавқанъяс да кутисны нетшкыны межлысь вурунсӧ. Оз ӧд и повны, мыш вылас пуксьӧмӧн нетшкӧны.

Понъяс да каньяс полӧны межысь. А чавқанъясысь межыд ачыс повзис. Усьласьӧны лэбачьясыд, быдса пратьӧн лэбӧдисны вурунсӧ позъяныс. (37). *И. Коданѣв* серти.

## ПИЛЯ ДЕД.

Посни внукъяслы сьӧрсые ваяс кӧч гӧснеч лазъяс, да и мыш вылас вӧрысь гӧлик росъяс на ваяс. *В. Напалков.*

Джуджыд мыр вылын пукаліс кань кодь юра, гӱгрӱс синьяса, небыд гӱна сюзь да вӱрӱдіс пельяссӱ. Талун сійӱ торъя скӱр вӱлі. Қыйсьӱм эз артмы.

Сюзь кевмысис шонділы, медым ӱдйӱджык видзьяс да лудъяс вылысь сывдас лымсӱ.

А еджыд гӱна кӱчьяслы оз ков лым сылӱмыс. Найӱ кевмисны мӱдарӱ.

Кӱчьясӱс ошкисны сӱӱлаяс: «Кӱчьясӱй, тугъя бӱжъя-ясӱй, табъя кокъясӱй, ми ті дор». *И. Коданӱв* серти.

## ДЕД.

Вывті шань Миколалӱн дедыс. Сійӱ век Миколаӱс босьтӱ сӱӱрсьыс, кытчӱ кӱть оз мун. А гожея луньясад найӱ быдлаӱ ветлывлӱны. И зорӱдьяс потшны, и пыжь-яс сиравны, и скӱт картаюсысь ӱдзӱсьяс да ӱшиньяс дзоньтавны. (32). *В. Ширяев* серти.

Паметь серти гижӱм вылӱ.

Кӱдзыд! Лӱбачьяс лӱбигӱн кынмӱны,  
гыӱртӱм парма мойдын моз чӱв.  
Козлӱн лапьясыс толаӱ инмӱны,  
весиг лӱньӱма кӱдзыд вой тӱв.

*А. Мишарина.*

Контрольнӱй диктантъяс.

## АБУ ВОӱМА ПОЗЪЯС.

ӱньӱ мамыскӱд керӱ кушман. Друг корьяс пытш-сьыс му вылӱ уси мазі. Кокыльтчӱма, дзебӱма юрсӱ да кокъяссӱ.

ӱньӱ повзис. Кулӱма мазіыс! Жальӱсь ӱньӱлы ловья ловьясыд.

Мазіыс вӱлӱм унмовсьӱма пужьявлігӱн.

Мамыс тшӱктіс суйны мазісӱ щельӱ. Тулыснас сійӱ садьмас да кутас отсасьмы дзоридзьяслы ывласӱ мич-мӱдны. (42). *М. Сажина* серти.

## ЕДЖЫД ТУРИЯС.

Японскöй турияс лым кодь еджыдöсь. Борд помъ-  
ясыс налөн дзик съдöсь. Турияс зэв мичаöсь. Татшöм  
мича лэбачыс му вылас этша. Турияс олöны Архарин-  
скöй заповедникын, Амур ю бокин. Найöс гижöма ме-  
дународнöй «Гöрд книгаö».

Турияс оз сибöдны йöзöс. (35). «Красное знамя» га-  
зетысь.

## КЫВ СОСТАВ. КЫВВУЖ ДА КЫВИЫВ. СУФФИКСЪЯС.

Обучающöй диктантъяс.

### НÖДКЫВ.

Васа олысь ваысь полö. (Сов.)

### ОГ КОЛЬЧЧЫ ВОКЫСЬ.

Воис армияысь отпускö менам вок. Вокöй — ракет-  
чик. Ракетаөн медся öдйö да медся бура лыйöмысь и  
лэдзöмаöсь.

Ракетнöй войскаö веськавны абу кокни. Ракетчикыд-  
лы пö колö öдйö да стöча артасыны. (28). Г. Юшков  
серти.

### ГÖРД ЮР ДА ГÖРД ГОБ.

Öньö да Ивö гажаа ворсисны.

Друг чардыштіс. Ивö тупкис юрсö кияснас да бöрд-  
дзис.

— Ивö, мый тэкöд?— шензис Öньö.

— Менам юрсийö би кодь гöрд, лыяс чардыс!— шуис  
Ивö.

— Гöрд гобыдлөн тай юрситöм юрыс тэысь гöрд да  
оз лый. Чардалöмысь нö мый полан?— лöньöдіс Öньö.  
М. Сажина серти.

Паметь серти гижом вылө.

## ПАСЯ ВАСЯ.

Ветлө миян Вася  
кок улөдзые пася.  
Пасяс йөрмө, нем оз вермы  
вөчны миян Вась,—  
сорасьо кузь пась.

*Ю. Васютов.*

## СУЩЕСТВИТЕЛЬНОЙЯСЛЫСЬ КЫВЙЫВЪЯС ГИЖАННОГ.

### △ Обучающöй диктантъяс.

I. Книга, парталон, мамлысь, гулюлы, батьос, ручкаон, чойкөд, карандаштөг, сумкала, керкаын, классысь, комнатао, дөскалань, вөрсянь, поскөд, гортөдз.

II. 1. Митя лыддьо книга. 2. Отрядса командирлөн морөсас югьялис Ленин орден. 3. Ёгор дядьлөн быдтор кужысь кияс. 4. Пограничникъяс сюся видзöны Рөдиналысь граница. 5. Настя öшөдис лэбачьяслы кормушка.

## ПИОНЕР ВАЛЯ КОТИК.

Валя Котиклы вөли дас öти арөс. Война дырйи сийотсасис партизанъяслы. Уна подвиг вөчис пионер Валентин Котик. Сийö пöгибнитис ассье рөднөй Шепетовка карсö мездигөн. Валя Котик лои геройон. Карса садьын сылы сулалө памятник.

## ТУИЯС.

Республикаын öдйö бурмöны да нюжалöны асфальтөн веттьём туйяс. Найö йитöны Сыктывкаркөд, районной центръяскөд, көрт туйкөд пыр унджык сиктъяс. Съокыд вөли ветлөдлыны туйястөгьд. Торъя нин ылыс сиктсаясыдлы. (27).

1. Гажтөмөсь эськө вөліны вөръясыд йөраястөгыд.  
2. Вөр-ва видзысьяскөд өтув учёнойяс рөдмөдісны Печора вөръясө дона куа зверьясөс. 3. Ми төдмасим Печора вывса вөралыськөд. Сійө оз вермы овны аслас вөр-ватөгыс, чужан сикттөгыс. А олөмсө радейтө! Гажтөм эськө вөлі олөмыс татшөм йөзтөгыс.

## ОСИП МИКУЛ.

Осип Микул ыстіс детинкаясөс вала. Ачыс нюжөдіс кисө дөрөмысла да ойөстіс. Морөсас ранаыс век на висис. Ыджыд вурис төдчис сәні.

Игорь гөрдөдіс яндзимысла. Од кутшөм мисьтөма шуис пинясигас Микул йылысь! Да и медальсө сылысь новлө.

Полөмысла детинкаяс чөв олісны. Но Микул сөрнитіс меліа. А медальсө тшөктіс пуктыны местаас. (47).  
*В. Попов* серти.

○

## МУЗЕЙ.

Миян школаын эм В. И. Ленинлөн музей. Музейын зэв уна интереснөйтор. Школьной мастерскөйын вөчөм шкапьясын куйлөны Ленин йылысь книгаяс. Стенын өшалөны картинаяс. Мичаа вөчөм рамаын Володя Ульяновлөн портрет. Сэтшөм жө портрет менам октябрятскөй звёздочкаын.

Музейын миянөс пыртісны октябрията. (37).

Па́мьть се́рти ги́жөм вы́лө.

Меды́м турөб дурө  
пармаын и нюрын,—  
коз пулөн пыр дась пась.

*С. Попов.*

○

## КОЧ ГОСНЕЧ.

Бать кайліс вөрө. Локтіс гортө да пуксис лабичө. Нинаөс корис көмсө коксыс перйыны. А Нина вешйыш-

тіс батысь. Княсѓ пѓ пыр кезлѓ нин мыськи. Бать шогѓ уси. Оз пѓ тай нылѓй менѓ радейт. Нина чунь йывъяснас кутчысис батылы сапѓгас. Бать ошкис сійѓс. Сэсся перйис нопсыс нянь шѓрѓм да сетіс Ниналы, кѓч гѓснеч пѓ. Сэтшѓм азыма сѓйис Нинаыд! (56). *Н. Куратова* серти.

## ДЖУДЖЫД КАНАЛ.

Сулаліс коркѓ ичѓтик ю дорын нейджыд кар. Ю кузя карѓ воливлісны тѓвар тыра пыжаяс. Крут берегтѓ йѓз лѓччывлісны юѓ вала.

Но муніс кад. И кар йитчис матысса сиктъяскѓд. Карын кыптисны гырысь керкаяс. Йѓз соді, кар ыдждіс, а ю коли важ кодъ ичѓт. А уна-ѓ груз вермасны вайны ичѓтик пыжъясѓн? Да и ваыс юас эз кут тырмыны.

А вѓлі тайѓ странаас паськыд да джуджыд ю. Йѓз матыстисны тайѓ юыслысь васѓ карлань. И регыд карѓдз ыджыд юсянь кутіс локны джуджыд канал. Ва кутіс тырмыны ыджыд карлы. А грузъяс кутісны вайны гырысь теплоходъясѓн. *А. Ильин* да *Е. Сегал* серти.

Контрольнѓй диктантъяс.

## КИТ.

Му вылын медся ыджыд животнѓйыс — кит. Сійѓ олѓ океанъясын да мореясын.

Китлѓн юрыс туша сертиыс коймѓд юкѓн ыдждаыс. Вомас тѓрѓ быдса пыж.

Важѓн чайтлісны, мый китъяс нылалѓны йѓзѓс. Но кит оз вермы нылыштны весиг ыджыдджык чериѓс.

Китъяс олѓны нейджыд семьясѓн.

Пияныс чужѓны ваын. Кит чужтѓ ѓти пиѓс. Вердѓ писѓ йѓлѓн. (50). *А. Брем* серти.

## ШКОЛАѓ.

Арся сэзь асыв. Васѓк киас топѓдѓма портфель. Кѓтѓртѓ улича кузя школаѓ. Школа кильчѓ вылын сулалѓ дежурнѓй. Сійѓ сетѓ звѓнок. Звѓноклѓн тѓдса зильгѓмыс паськалѓ сынѓдын. Чуксалѓ челядьѓс рѓднѓй школаѓ.

Быд керкаысь котөртöны школьникъяс. Ичöтик ловъя шоръясöн визувтöны улица кузя. Вочасöн öтла-асьöны да ызгысь потокöн пырöны школаö. (46). *В. Осеева* серти.

## РУЧ.

Руч петис козья вöрысь. Сийö локтис тылань. Тыын уялисны уткаяс. Уткаясöдз вöли ылын на. Руч кутис кыс-сьыны налань. Но уткаос кутны сийö эз вермы. Вель унаысь кыссьылис куръя дорöдз. Сэсся сувтис берег дорö да кутис увтны. Гөлöсыс ручлөн кычильлөн кодь, но пон моз увтны оз на вермы. (48). *И. Арамилев* серти.

## СИКТСА ТУИЯС.

Волöй Лöзымö öни. Сикт кузялаыс нюждöчöма сьöдöн волялысь асфальта туй. Мунö сийö фермаöдз, картунель сортируйтанинöдз, гаражöдз.

Сыктывкарсянь локтöма шофёр картофелля. Уна во нин сийö кыскалö Лöзымысь картофель да град выв пуктасъяс. Радпырысь воывлö Лöзымö бур туйтйыд.

А турунтö да пестö, майбыр, любöй поводьяö позьö öшинь улöдзыд вайны. (48). *А. Ануфриев* серти.

## РОЧЫСЬ ПЫРÖМ СУЩЕСТВИТЕЛЬНОИЯСЫН НЕБЫД Р БÖРЫН Ъ ГИЖÖМ.

Обучающöй диктантъяс.

### Словарь.

1. Ноябрь, зверь, лагерь, календарь, словарь, буква, царь, токарь, слесарь.

2. Ноябрьрн, зверьд, лагерьрн, календарён, словарён, букварён, царён, токарён, слесарён.

Сентябрь 1-öд луно странаса став велöдчысь челядь мунöны школаö.

Васялы тшöктисны нуöдны природа да йöзлөн удж кузя календарь.

Вася лагерын велаліс наблюдайтны поводдя бӧрся. Октябрын сійӧ пасъяс календарӧ выль пас — лым чир. (31).

## ТУЛАН.

Буско эз ланьт. Сійӧ кыліс туланлысь матын нок-сьӧмсӧ да кӧсийс судзӧдны зверсӧ. Сеня гӧгӧрвоис, мый зверлы воштысьны некытчӧ. Буско мырдысьӧн суйис юрсӧ вуж улӧ. Пон да зверь мӧдісны пурсьыны.

Тулан вӧлі пӧрысь кань ыжда. Бӧжыс кузь да пушyd. Гӧныс тыр тӧвся нин. Кокъясыс ёна мунісны ош коклань. (48). *В. Юхнин* серти.

## СЛОЖНОЙ СУЩЕСТВИТЕЛЬНОЙЯС.

Обучающӧй диктантъяс.

### Словарь.

1. Коляоз, юква, войвыв, ловпу, зарава, асывводз, турипув, катшасин.

2. Ки-кок, видз-му, зверь-пӧтка, ты-мус, керка-карта, тасьті-пань, чой-вок.

Дзоридз вылӧ лысва войт бара коліс шоныд вой. Миян гора сьыланкыв садик дорысь оз мӧй кыв? Бипур дорын Костя узьб, аддзӧ мича вӧт. (23). *С. Попов*.

Паметь серти гижӧм вылӧ.

## КЫВБЕРТЛАС.

Тасьті-пань. Черинянь.

Чери корӧ сера кань.

*Г. Юшков.*

«Сьӧлаоз» кыв артмӧма «сьӧла» да «оз» кывъясысь. Йӧз казялӧмаӧсь — тайӧ вотӧссӧ радейтӧ кокавны сьӧла.

«Мырпом» кывйын кык кыв жӧ: «мыр» да «пом». Коркӧ «мыр» кывлӧн вӧлӧма «вотӧс» вежӧртас.

«Турипув» кывйын «тури» да «пув» кывъяс. Тайӧ вотӧсыс быдмӧ нюрын. Сэні жӧ олӧны турияс да чӧсма-сьӧны тайӧ вотӧснас. (46). *Г. Бараксанов.*

## ПИЛЯ ДЕД.

Ковмас — вурунтӧ летас,  
вӧчас улӧс и пызан...  
Частӧ корлӧны дедӧс  
сиктса школаӧ ныв-зон.

*В. Напалков.*

1. 1. Нюрын быдмӧны мырпом да турипув. 2. Видз вылысь Лиза вотӧ шомкор. 3. Пашкыр пожӧмъяс костын вуджрасисны арся виж да гӧрд паськӧмнас кызъяс да пипуяс.

Катшасинъяс, катшасинъяс, мыйла восьсаӧсь пыр  
тіян синъяс?

Ӧтчыд кӧть колӧ жӧ гижны тэ йылысь, нэриник  
вижӧюр! *С. Попов.*

II. Война вылӧ кыкысь волі, штыкысь-пуляысь эг пов, море шӧрын бушков-тӧлысь эз жӧ дрӧгмун менам лов.

Шонді бара зарни кыа пестӧ,  
чуймӧдӧ вӧр-валысь помтӧм мич.  
Бронза-изйысь сувтіс Эжва весьтӧ  
миян дона, кувлытӧм Ильич.

Ме, ковмас кӧ, кыпӧдча гуысь  
да морӧсӧн пыка выль би.  
И тадзи жӧ вӧчас, ме тӧда,  
быд бать-мамлӧн ме кодъ жӧ пи.

*С. Попов.*

1. Дедлы шедӧма сьӧдбӧж. 2. Нина вотіс сьӧлаоз. 3. Кызлӧн ствол кузя визувтӧ зарава. 4. Пионеръяс бипур дорын сьылісны выль сьыланкыс. 5. Бара мича ӧшкамӧшка **кусынӧтчӧма** мегыр моз. 6. Тайӧ муса кывйӧн чой-вок сёрнитӧны. Тайӧ кывйӧн меным ай-мам бурсиӧны. *И. Куратов.*

7. Кыз нӧ тэтӧгыс ме,  
ай-мам кыв-ворӧй \*.

\* *Кыв-вор* — мича сёрни.

Кыдз нӧ тэтӧгыс ме,  
вӧр-ва сыв-сорӧй\*?

*Ю. Васютӧв.*

Контрольнӧй диктантъяс.

### ВОИС ТӐВ.

Пуксис кӧдзыд тӧв. Еджыд эшкынӧн шебрасис вӧр-ва. Дзормис лыска пуяслӧн ус-тошкыс. Но зверь-пӧтка кӧдзыдысь оз пов. Кужӧ дзебсьыны тӧлын сьӧла-тарыд. (20).

### ВУГРАСИГӐН.

Вот и гожся каникульяс! Ми Серёжа Поповкӧд му-ним вуграсьны. Лӧня узис вӧр-ва. Чери заводитӧ сӧйны. Друг чорыда йиркнитӧ. Чардби косяліс енэжсӧ. Пель-помьяс вылӧ войтыштӧсны анькытш гырся зэр войтъяс. Паськӧмьяс кӧтасисны. Ми ӧдӧ котӧртӧм гортӧ. (36).

### ГӐГӐР СЫЛӐ.

Дыр нин пукалӧ шоныд поводдя. Веж рӧмӧн вевт-тысисны му-видзьяс. Лӧптӧсны вылӧ юрнысӧ мича дзоридзьяс. Видз вылын гажа. Гӧгӧр сьылӧны лӧбачьяс. Дзоридзьяс гӧгӧр лӧбалӧны мазіяс да юрсигусьяс. Быд кор улын жуӧ гут-гаг. Ныр-вомад ӧвтӧ чӧскыд дукӧн. (37).

---

\* *Сыв-сор* — вӧлӧга, сӧян (*удорскӧй*).

СУЩЕСТВИТЕЛЬНОЙЯСКӨД  
КЫВБӨРЪЯС ГИЖӨМ.  
(Повторитөм.)

Обучающөй диктантъяс.

△

НӨДКЫВЪЯС.

Видз вылын, ньөръяс йылын, парашютъяс качайт-  
чөны. (*Виждюр.*) Пуксис вөв вылө и гөнитис би пытш-  
кө. (*Пачын чугун.*)

КЫВБЕРТЛАС.

Потшөс пөлөн петшөр ытшка, кутш да катша пе-  
тшөр пытшкын. *В. Лыткин.*

Паметь серти гижөм вылө.

Юр весьтаным дзирдалө  
енэж вывсянь шондйыс,  
шондй улас му вылын  
дзоридзалан кад.

*М. Лебедев.*

1. Ошинь вылын шондй водзын куткырвидзө кань.  
2. Ытва дырйи миян Эжва море пасьта лолө. 3. Пукала  
ме ошинь дорын, ошинь улын вашкө льөм. 4. Стрөй-  
тельяс дорө волісны художникъяс. 5. Шарик йөз вылө  
оз усьлась, аслас вольпась вылын узьлө. 6. Зэрөм бөрын  
енэж вылысь кымөр өдйө бырис.

ТУЛЫС.

Улича пөлөн ставыс веж. А том турун пөвстын югъ-  
яліс тувсовъя ва. Ошинь улын паськыд гөп вомөн вөлі  
пуктөма пөв. Тайө пөв вылас сулаліс Алёнка да видзө-  
діс ва вылө. Сэсся Алёнка дінө котөртис Таня. Ваыс  
зеркалө кодь югьд. Нывкаяс котралісны пөв кузя да  
ворсісны эжа вылын. (48).

## УСВА-ВОМ.

Зэв джуджыд роч йылын уна керкаясөн сярвидзис Усва-вом сикт. Ва дорсянь сылань катодіс зэв кузь пос.

Усаён ёна паськодём Печора вылын мураліс вой төв. Сьёкыда ызгисны еджыд сорса гыяс. *И. Торопов* серти.

## Контрольнӧй диктантъяс.

### ВИНЁВ ЧЕРИ.

Гычьяс торъялӧны мукӧд чериясысь асланыс винёв-лунӧн. Гыч ваысь лэптӧм бӧрын вермӧ овны зэв дыр. Миян юясысь да тыясысь ӧдвакӧ шедас мӧд сэтшӧм чери. А гыч олӧ некымын час. Кӧдзыд поводдя дырйи тыяс кынмывлӧны му бердӧдзыс. Унджык чериясыс сясь пӧдӧны. А гычьяс кольӧны ловьяӧсь. Найӧ пырасны нуйт пытшкӧ да узьӧны сәні йи сывтӧдзыс. (54). *И. Коданёв* серти.

### «ГАЙДАРЛЫ САЛЮТ».

Пионерьяс восьтісны Гайдарлы памятник. «Писатель да ичӧтик нывка видзӧдӧны зонка вылӧ. Зонкаыслӧн юр вылас будёновка, киас горн». Татшӧм детинкаяс йывсьыс и гижис Гайдар аслас книгагасын.

Памятник дорын век тырыс пионерьяс. Памятниксӧ вӧчисны пионерьясӧн да школьникьясӧн најӧвитӧм деньга вылӧ. Памятниклӧн авторыс скульптор Шлыков. (42). «*Пионерской правда*» газетысь.

### ПОЭЗИЯЛӦН ПРАЗДНИК.

Куратово сиктын талун праздник. Праздниксӧ сиӧма Куратовлы.

Мича паськӧма йӧзӧн тырис ывла выв. Сійӧ быттӧ долыдмис поэзия праздниксьыс. Дзирдаліс шонді. Шпоргисны веж корьяса ён топольяс.

Сиктса шӧр площадь шызис. Куратовлы памятник дорын юргисны роч, украинскӧй, венгерскӧй да коми кывьяс вылын кывбурьяс.

Поэзия праздник нӧдсьӧ быд во. (46). *В. Попов* серти.

## МЕСТОИМЕНИЕ.

Обучающöй диктантъяс.

### ТРУС.

Саша быдторйысь поліс. Гымалігөн сійö пырис шкапö. Шкапын сылы вöлі пемыд да дука.

Саша эз кывлы гымалöмлысь дугдöмсö.

Пукав, Саша, шкапын! Тэ жö трус! (25). *Л. Толстой* серти.

### НЫВКАЛÖН ВИСЬТ.

Ме вöлі зэв на ичöт. Олім тётякöд. Сійö сетіс меным лöскут, ем да сунис. Ме вури аслым сумка. Сумкаыс артмис мисьтöмкодь. Но ме вöлі зэв рад. Öд сумкасö вури ме ачым. (34). *Л. Толстой* серти.

1. Ме радейта видзöдны хоккей. 2. Ми неважөн лöсьöдім хоккейөн ворсан плöщадка. 3. Тэ мунан экскурсияөн? Тіян путёвка серти экскурсияясыс лоасны интереснöйджыкöсь. 4. Походö ветлігөн сійö вайöма уна интереснöйтор. 5. Найö классас вöчöмаöсь природалысь уголок.

### АТТЬÖАЛÖМ.

Йöра эня-пиа, пессисны ваын. Пиыс эз вермы петны васыс. Сылөн юрыс мыччысьлас да бöр вошлö ва улас.

Ми лэптім йöра писö. Сійö казяліс кокъяс увсьыс шоныд лыасö да котöртіс мамыс дінö. Мамыс исыштіс сійöс да кутіс нювны. Ачыс синъяссö лапнитлытöг рама видзöдіс ми вылö, аттьöалис отсöгсьыс. (47). *П. Резников* серти.

### ЖАБА.

Жабаöс унаөн оз радейтны. Сійöс чайтöны вреднöйөн. Жаба мездысьö врагьясысь зэв дука жидкость отсöгөн.

Жаба вайö зэв ыджыд пöльза. Сійö сөйö-бырöдö градьяс вылысь вредительясöс.

Жаба йӱзлӱн ыджыд да бур друг.  
Сійӱ зӱв мисытӱм. Но ӱд другыастӱ оз мич вӱсна ра-  
дейтны. (41). «Мый татшӱмыс? Коді тайӱ?» книгаысь.

Паметь серти гижӱм ылӱ.

Иирсыны зӱв сӱкыд сылы,  
кӱть и зӱв кузь сылӱн сылы:  
водз кокъясыс торкалӱны —  
быттӱ потшъяс нюжалӱны.  
Зато ӱктас, мый эм пуад.  
Ми жирафӱн сійӱс шуам.

*Г. Юшков.*

2. Ме эг адзыв, ме сӱк узи,  
кодыр сӱстӱм войтыс уси.  
Босьті кодзув пыдди киӱ  
ме нин асыадорыс сійӱс.

*С. Попов.*

## МЕСТОИМЕНИЕЯСКӱД КЫВБӱРЪЯС ГИЖӱМ.

Обучающӱй диктантыяс.

### Δ КИНО ВИДЗӱДЫСЬ.

Нина бура дӱзьӱритӱ ичӱтик балсыӱ. А балыд сы  
дӱнысь оз и вешӱывлы. Ӳтчыл Нина мунӱс кино ылӱ.  
Межыд сы бӱрся. Кино мунӱгас межыд кайӱма кильчӱ  
вылас да люкыштӱма ӱдзӱсас. Билет видлалысыд чай-  
тӱма, мый кодкӱ сӱрмӱма да юалӱма: «Коді сӱні?»  
А межыд вочавидзӱма: «М-ме-е!» (46). *Н. Куратова*  
серти.

И колӱ жӱ тадз вӱлі лоны...  
Дерт, тӱнад, мам, шогыд ӱз быр,  
кор пиыд оз тӱлысь, а во нин  
оз гиж нинӱм, чӱв олӱ пыр.  
Но ме пыдди гижасны мукӱд,  
кыдз кужасны, гижасны сӱдз.

Тэ налысь став письмояс чукорт  
да менё моз нэм чөжыд видз.

*С. Попов.*

**Задание.** Позьё память серти гижны мөд четверостишиесё.

## ДЗЕРЖИНСКИЙ.

Держинский пукаліс эжа вылын. Сійё думайтіс водзё олём йылысь. Водзын уджыс вывті уна. Держинский төдіс ассыс коланлунсё. Сійё олө оз сөмын ас вöснаыс. Сійё колө йөзлы. Уна, уна йөзлы. Найөс колө мездыны увтыртөмысь. Колө лоны крепыд сьөлө-маён да вежөраён. Сэки вермөмыс лоас мян сайын. (45). *Ю. Семенов* серти.

Контрольнөй диктант.

## ТАРЪЯС.

Кыз пу вылын пукалісны таръяс. Но на дінө матө он сибав. Пемдіс. Друг өти тар суніс увлань. Сы бөрся усины и мукөдъясыс. Ме котөрти на дінө. Таръяс некөн эз тыдавны. Найө ставныс дзевсьөмаөсь джуджыд лым пытшкө. (37). *В. Бианки* серти.

## ГЛАГОЛ.

Обучающөй диктантьяс.

### Словарь.

1. Уджалө, пөжасьө, лэбалө, котралө, кывзө, отсалө, мунө, пукалөны.
2. Локтас, вөчас, сүөдас, кыяс, нуас, ветлас, пома-лас, босьтасны.
3. Кыззісны, чукөртісны, шуисны, оліс, петіс.

△ Тулыслөн лов шыыс век жө нин кылө,  
лунысь-лун ёнджыка гораммө пыр.

Сувтлы да видзёдлы керкаяс вёлө,  
кодъясөс мичмөдіс йи нёнъысь сыр.

*А. Мишарина.*

### ҚЫВБЕРТЛАС.

Асыв төлыс шыён пушкө.  
Лыска пуыс шога шушкө.

*Г. Юшков.*

**Задание.** Кызди гөгөрвоны глаголъяссө?

Шонді лунтыр шөйтө, мудзө,  
вөр ді сайын сійө узьө.

*С. Попов.*

### БЛИНДАЖЫН.

Челядь аддзисны кутшөмкө пөгрөб. Өдзөсыс сьлөн  
вөлі вөсьыштөма. Полігтырйи лэччисны найө каменнөй  
пос кузя. Поскыс вайөдіс джуджыд пөдвалө.

Пөдвал джоджас сулаліс скамья. Стенас өшаліс  
джадж. Джаджъяс вөлі тыдалө сись пом.

Челядь көсйисны петны блиндажысь да котөртны  
гортас. Но кутшөмкө төдтөм муралөм шы повзьөдіс  
найөс. Друг дзик матын мыйкө гръмөбтіс. Сэсся кутіс  
дугдывтөг йиркөдны. (56). *А. Гайдар* серти.

**Задание.** Торйөдөм предложениены глаголъяс дорас сувтөдны  
юалөмъяс.

Паметь серти гижөм вёлө.

Видза олан, чужан муөй!  
Коми войтыр, видза ов!  
Мед пыр шудлун тіян туө,  
кыпымө да югзьө лов!

*А. Мишарина.*

## ГЛАГОЛЛОН ЛЫД СЕРТИ ВЕЖЛАСЬОМ.

△

Обучающöй диктантьяс.

Упкайтi да авзi,  
ваысь мездi юрöс.  
Кодкö, кыла, равзiс:  
«Курась, збоя, курась!»

Вот и сына-уя,—  
некытчö он воштысь!—  
Тадзи варччан туйöс  
ачым аслым восьтi.

*С. Попов.*

## СТЕП ГОЖОМЫН.

Пуксис кос жар поводдя. Юяс ямисны. Туйяс кось-  
мисны. Косьмалiсны и тыторьяс. Йöз кутiсны ветлöд-  
лыны сiйö местатыс, кöни неважөн уялiсны уткаяс.

Тувсов дзоридзьяс косьмисны и кулалiсны. Сöмын  
бурьян, мальва да ковыль сулалöны важ мозыс.

Гожöмын степын пöдтан жар. Сöмын войнас ыркав-  
лö. Но степ ловья. Войбыд трачкöдчöны насекомöйяс.  
Öвтö юмов турун дукөн.

Сынöдыс небыд, быттьö мавтыштö. (56). *Н. Дани-  
левский* серти.

## СИКТЫН.

Асья лысватö сиктса уличяяс пöлөн быдмысь веж  
турун вылысь медся водз талялöны фермаын уджа-  
лысьяс. Шондi петöмкöд тшöтш заводитасны гольска-  
кывны кильчö öдзöс каличьяс, дзуртны кильчö посьяс.  
Тэрыб восьласа зиль нывбабаяс тэрмасьöны нин керöс  
горув. Сэни муртса дзользьясь шор бокун нюждчöма-  
öсь ляпкыдик скöтнöй дворьяс. Мыйта нин татысь мö-  
дöдiсны йöвсö маслозаводö! Мыйта выйсö мöдöдiсны!  
(51). *И. Изъюров* серти.

## ЛУНВЫВ АФРИКАЫН.

Лунвыв Африкаын шызисны. Воём аистьяс чукöрын  
öтиклөн кокас вöли еджыд көрт кольча. Найö воисны  
войвывсянь.

Кольчаа аистсö кутiсны да лыддисны кольчасье

гижӧдсӧ. Аистыслы кольчасӧ, вӧлӧмкӧ, пунктмаӧсь Ук-  
раинаын.

Тадзи учёнӧйяс тӧдмалӧны вӧр-ваӧн дзедӧм гуся-  
торъяс. Тӧдмалӧны лӧбачьяслысь тӧвъянӧнъяссӧ, лӧба-  
лан туйяссӧ. (44). В. Бианки серти.

### НОДКЫВЪЯС.

Кык сулалӧ, кык куйлӧ, витӧд ветлӧдлӧ, квайтӧд  
новлӧдлӧ, сизимӧд песня сьылӧ. (Ӧдзӧс.)

Вит вок керка вӧчӧны; ӧти керкасӧ гӧгрӧдлӧ, а му-  
кӧдыс пукалӧны. (Кыан емъяс, спицяяс.)

### ГЛАГОЛЛӦН КАД СЕРТИ ВЕЖЛАСЬӦМ.

Обучающӧй диктантъяс.

### ДЗОДЗӦГ ДА ТУРИ.

Дзодзӧг уялӧ прудйын да ас кежас сёрнитӧ: «Ме  
дивӧ кодь лӧбач! Ме и му вывті ветлӧдла, ваын уяла,  
сынӧдын лӧбала. Мӧд татшӧм лӧбачыс абу му вылас.  
Ме став лӧбачыслы царь!»

Кывзис дзодзӧгӧс тури да и шуӧ: «Дзик жӧ нин тэ,  
дзодзӧг, йӧй лӧбач! Верман-ӧ тэ уявны сир моз, кот-  
равны кӧр моз, лӧбавны кутш моз? Бурджык, кужан  
кӧ вӧчны ӧтитор да бура, а он унатор да лёка».  
К. Ушинский серти.

Паметь серти гижӧм вылӧ.

### ТӦВ.

**Октябрь** бӧрысь **ноябрь** тӧлысь  
локтӧ еджыд пасьӧн пыр.  
Вевттьӧ муяс, дорӧ юяс,  
зонпоснилы дасьтӧ кыр.

А. Мишарина.

Задание. Торйодом кывъяслысь висътавны гижсянносго.

## КОСИОМ.

Васьо мовпалис: вот найо Толейкод да Раякод **быд-масны** ыджыда, став уджсо **кутасны** вочны бура, ставсо **тодмаласны**, **сёрнитчасны**. Быдтор **артмас** топыда да мичаа. Медым некод на выло некод эз видзод жалитана синъясон. (32). *М. Игнатов* серти.

Задание. Глаголъяслысь индыны лыд да кад.

## НОДКЫВЪЯС.

Кык сись оэйо, кык полян полясьо, нель пышйо, **көкъямыс вөтөдө**. (*Вөла доддя*.)

Пукало дед, се пасьон пасьтасьома, кодi сийос **кульсьодас** (пөрчөдас), сийо и синвасо кисьтас. (*Лук.*)

Еджыд гулю керкао **пырис**, свет вывсьыс **мый адзылис**, ставсо висъталис. (*Газет.*)

## «ГОРТСА БЫДМӨГЪЯСКӨД ПУТЕШЕСТВУЙТОМ».

Ме ог тод, кутанныд-ө ти лыддыны тайо **книгасо**? Гашкө, ти радейтанныд **дзоридзьяс**? Көсьяанныд **бурмөдны** ас гөгөрсä **быдмөгъяс**? Вот и босьтөй да **лыддьой** тайо **книгасо**. Сэтысь ти **аддзанныд** **гортса** **быдмөгъяс** йылысь уна **интереснөйтор** да **колантор**.

**Книгасо** **лыддьой** сёр арын либө толын. Сэки и **кутанныд** **кывны** **быдмөгъяслысь** **аромат** **дуксо**.

А **книгаыслон** **нимыс** «**Гортса** **быдмөгъяскөд** **путешествуйтом**». **Мөдiмө** **путешествуйтны!** (56). *Н. Верзилин* серти.

Учительлы тод выло: **Позьо** **гижны** **сөмын** **колана** **предложенияссө**. **Книгасо** **петкөдлыны**, эм **кө** **библиотекаясын**.

## ШУСЬӨГЪЯС.

**Мый** **көдзан**, **сийос** и **вундан**.

**Ручыд** **сизим** **көинөс** **ылөдлас**.

**Сьөла** **лэчкад** **ошкыд** **оз** **шед**.

## ЛЕНИН ШУШЕНСКӨЙҮН.

Крестьяна радейтисны Ленинӧс. Ленин бура гӧгӧр-  
воис найӧс, кужис накӧд сӧрнитны.

Мукӧд висетьясыс Ленин йылысь вӧліны мойд  
кодӧсь.

Зэв унаӧн висьтавлісны, мый Ленин бура кужӧ чери  
кыйны. Эмӧсь висетьяс самӧвар дзоньталӧм йылысь.

Шушенскӧйса крестьяна асланыс висетьясын Лени-  
нӧс петкӧдлісны найӧ сиктса крестьянинӧн. (46). *С. Ко-  
жевников* серти.

△

## ТУРӦБА ВОЙӦ.

Шувгӧ-увгӧ вӧрыс, роймӧм пуыс вӧрӧ,  
горсъяс бӧжнас шебрасьӧма ур.

Ош гу вылын тола, сылы быть ӧд колӧ  
узыны — тӧлын сӧяныд оз сюр.

*А. Мишарина.*

Паметь серти гижӧм вылӧ.

## ШАРИК.

Кань эз видзӧд сійӧс дырсӧ,  
небыдика чапкис нырсӧ...  
Содтӧд сӧлыштис на нӧлысь.  
Шарик никсыны и колис.  
Сӧксянь сійӧ дзик мӧд лоис,  
ӧдйӧ вежӧр вылӧ воис.

*Г. Юшков.*

Сотӧ шонді, быттӧ нач  
бытшкалӧ уколӧн.  
Юлань котӧртам ми скач,  
купайтчыны колӧ.  
Ыркыд ванас койсьы-дур,  
вынтӧ содтас Мозын ю.

*Ю. Васютов.*

ИЗЪВАТАСЪЯС.

Изъва юлӧн крут кыръя нӧрыс вылын сулалӧ сикт. Сійӧ ылысянь тыдалӧ. Олӧны тані изъватасъяс. Найӧ торъялӧны аслыссикас паськӧмӧн да сёрни ногӧн. Тані сёрнитӧны быттӧ сьылӧны.

Сиктсӧ кык пельӧ юкӧ джуджыд сён. Сён пыдӧсӧдыс визувтӧ шор. Тулыснас лым сылігӧн сійӧ зэв ӧдба \* бузгӧ. А гожӧм шӧрын лӧня сяльгӧ шыльыд изъяс костӧд. (51). *А. Ануфриева* серти.

ЛЭБАЧЪЯС.

Лыдтӧм-тшӧттӧм тані шоныдінысь локтӧм лэбачыд. Праздник моз став гожӧмыс кольӧ. Ар кежлӧ лэбачысыд пондасны чукӧртчыны стаясӧ. Воис кад бара туйӧ петны. И лӧсьӧдчӧны йӧз моз жӧ... Варовитӧны ас ногыс, ноксьӧны, томъясӧс велӧдӧны, а сэсся и кыпӧдчасны... Водз асылыны кыпӧдчӧны местасыс. Вожакыс медводзын лэбӧ.

Быд лэбачлӧн аслас олан сям, аслас оланног. (51). *Д. Н. Мамин-Сибиряк.*

ПРИЛАГАТЕЛЬНӧЙ.

Обучающӧй диктантъяс.

△

ФЕВРАЛЬ.

Февраль тӧлысь пыркӧдӧ дзор тошсӧ. Косӧм шонді нюмъёвтӧ сы пыр. Пӧрысь февраль кӧть нин ӧдва пошкӧ, кок йывсьыс оз усь на сійӧ дыр.

*А. Мишарина.*

\* *Ӑдба* — тэрыба, вынӧн.

Ён, төлка, гырысь, мича — машинаяс;  
озыр, веж, паськыд, мича — вөръяс;  
гөрд, лөз, виж, еджыд, алёй — дзоридзьяс;  
гырысь, джуджыд, шоныд, югыд — керкаяс;  
уджач, бур, ён, збой, смел, мудрой, дружной — йөз.

Памень серти гижом вылө.

### КЫВБЕРТЛАСЪЯС.

Шоныд гожом, шоныд рыт.  
Шуим пуны шома шыд.  
Дзирья дорын дзоля чибө,  
сэтшом мича, но оз сибөд.

*Г. Юшков.*

### ТӨЛЫСЬ.

Пемыд войө енеж шорысь  
уси юө зарни төлысь.

*С. Попов.*

### НӨДКЫВЪЯС.

Ичөтик-ичөтик гөрд юра мужик да быдөнөс бөрдөдө.  
(*Лук.*)

Пу кока, лөз платтьөа, еджыд юра. (*Капуста.*)

### МАШИНАЯС.

Заводьясын да фабрикааясын эмось ён да вежөра  
машинаяс. Найө отсалоны йөзлы вөчны быд пөлөс ко-  
ланаторсө.

Заводьясын эмось гырысь да чуймөдан станокьяс.  
Найө асьныс вөчоны уджсө. Рабочөйяс сөмын на бөрся  
видзөдөны. Миян заводьясын уджыс кокни. Став сьө-  
кыд уджьяссө вөчоны машинаяс. (43).

### БАЙКАЛ.

Байкал кодь мича тысө му шар вылысь мөдөс он  
аддзы. Учөнөйяс шуоны сийөс вөр-валөн (природалөн)  
памятникөн.

Байкал — му вылын медся джуджыд ты. Ваис сы-  
лөн сөдз да зэв көдзид. Гожомнас гежода шонавлө дас  
градусөдз.

Байкалын олоны 1398 пөлөс животной. На пиись  
834-ыс олоны сөмын тани, Байкалын.

Байкалөс кышалөны крут гөраяс да зэв мича лыс-  
ка вөръяс. *В. Галактионов* серти.

Примечание: числояссө гижны цифраөн.

Контрольной диктантыяс.

## ТӨВ.

Еджыд кыз эшкын улө дзесбьөмаось ыбьяс. Кушось  
өни найө. Лэчыд төв сөмын мурөстлас друг да вына  
борднас малыштас шебрас кузяыс ыбьяслысь мыгөръ-  
яссө. Сийө быттьө видлалө, эз-ө торк кодкө налысь төв-  
ся унсө.

Шойччөны ыбьяс. Найө чукөртөны эбөссө выль уро-  
жай чужтиг-быдтигкежлө. (41).

## МОРОЗОВЛӨН ВЫСТАВКАЯС.

Прөст кадө Александр Александрович Морозов ра-  
дейтлис ветлыны вөр-ягтй. И быд пөрийө сийө гортас во-  
лис сьөкыд нопйөн. А сэни мый сөмын эз вөв! Увьяс,  
вужьяс, весиг уна рөма чипан кольк ыджда мича изъ-  
яс. А наысь эсся сийө вөчлис мортъяслысь, зверьяслысь,  
лэбачьяслысь фигураяс. Тайө фигуркаяссыс вөчлисны  
интересной выставкаяс... (45). *С. Морозов* серти.

## АЧЫС АСЛЫС КЛАДӨВӨЙ.

Уна зверь некутшөм сөян запас төв кежлө оз лөсьөд.  
Налөн кладөвөйыс ас ордас. Найө өна сөясны арнас  
да лоасны кызось да тшөгось. Кучик улас артмас кыз  
гос слөй.

Зверьяс водөны гуө да зэв крепыда узьоны төвбыд.  
Госыс найөс вердө дай шонтө.

Тадзи олоны ошьяс, барсукьяс, бордья шырьяс.  
(52). *В. Бианки* серти.

## ВИСЬТАЛАН, ЮЛАН ДА ГОРЁДАН ПРЕДЛОЖЕНИЕЯС.

Обучающой диктантьяс.

△

### АРЫН.

Вот и нянь воис. Асывсянь рытёдз муяс вылын уджалёны комбайнтьяс. Йёз тэрмасёны идравны озыр урожай. Шепьясыс гырысьёсь, съёкыдёсь. Кыдзи и кутёма вёсни идзасыс та гырся шепьяссё?

Идралёны и овощи. Коли сёмын капуста. А капуста-ыдлы кёдзыдыд веськодь. (37). Э. Шим серти.

### МАМ.

Менам мама быдтор кужё вёчны. Сійё совхозын видзё посни куканьясёс. Мамалы бура уджалёмысь сетисны Ленин орден! А газетын вёлі мамаёс гижёмаёсь уджыввса геройён! Менё мам век бур вылё велёдё. Ме помтёг радейта мамёс! (34). Г. Юшков серти.

Паметь серти гижём вылё.

### МАМ ДА ЧЕЛЯДЬ.

1. Коді челядь вёсна шогсьё,  
челядь гёгёр зіля ноксьё,  
видзё найёс вой и лун,  
ылё на дінысь оз мун?  
Налён муса мамыс!

*М. Лебедев.*

2. Видза олан, чужан муёй!  
Коми войтыр, видза ов!  
Мед пыр шудлун тиян пуё,  
кыпыдмё да югзьё лов!

*А. Мишарина.*

**Задание.** Велёдчыны кывбуръясё выразительной лыддыны.

## МИЯН ПРАВДА.

Вайö тöдмасымöй. Ме войनावывса ветеран Умаров.  
Куимысь менö вилісны фашистъяс. Эз вермыны!

Мыйö велöдіс менö Рöдина? Гөрны му, кöдзны нянь,  
стрöитны керкаяс.

Тайö и эм миян правдаыс! (29). «Пионерской прав-  
да» газетысь.

Контрольнöй диктант.

## ÖТУВЪЯ РАДЛУН.

Мамыд да батыд уджалöны? А тэ мый талун вö-  
чин гортад? На воигкежлö вайин лавкаысь нянь?  
А, гашкö, и пöсь шыд тшöтш пуин?

А кутшöм любö лöö мамыдлы!

Шоныд сöстöм керка! Тэ весиг буссö чышкалин?  
Джодж мыськин и? Мыйта радлуныс лоас ставлы!  
Батыдлөн нюмыс йиджас сьölöмöдзид. (49).

## ПОДЛЕЖАЩОЙ ДА СКАЗУЕМОЙ — ПРЕДЛОЖЕНИЕСА ГЛАВНОЙ ЧЛЕНЪЯС.

Обучающöй диктантъяс.

## Δ ЛОҚТÖ ТУЛЫС.

Омлялö турöбыс, скöралö тöлыс.

Буракö, тöлыслы воöма пом.

Лёкысла чашыйысьсö скöрмöм март тöлысь,

вöv кызди тэрмасыö орöдны дом.

А. Мишарина.

## МЕТАЛЛОЛОМ.

Миян школа чукöртöма металлолом. 3 «б» класс  
босьтöма первой места. Менам сэки висис горшöй. Но  
Катя Чередова эз верит да видіс менö. Мем лои ян-

дзим. Сэки Жёня менё нуодіс котельной дорё. Мыйта сэн куйліс металлоломыс!

Стөрөж Панфилыч да том шофёр отсалісны миянлы нуны металлоломсё школа дорё. Быдса тонна вайим! (48). *Н. Куратова* серти.

## КОЛИС МИЯНЛЫ ГАЙДАР.

Гайдарлөн олөмыс да творчествоыс вөлі збыль вылө шензьоданаён. Эз прөста Фрунзе тшөкты Гайдарлы гижны книгаяс.

Уна бур книга гижис Гайдар челядьлы. Но радпырысь лыддьоны сылысь книгаяссё и гырысьяс. Быд сиктын и карын выль библиотекаяс восьталігөн медводз вайёны Гайдарлысь книгаяссё.

Радейтоны да лыддьоны Гайдарлысь книгаяссё и мукөд странаса челядь. (47). *Л. Кассиль* серти.

## О ДРУГЪЯС ПИСЬМОАСЬОНЫ.

Гожомнас Жёня муніс Артекё. Юра виччысис Жёнясянь письмё.

Первой письмёыс регыд и воис. Жёня быдтор йылысь зэв кузя гижёма. Төдмасьёма болгарин Артуркөд. Артекё волёма космонавт Герман Титов.

Юра төкөтё эз скөрмы. Сійё өд Москватё аддзыліс жё. Чёрной море дорад воліс и. Но эз скөрмы Юра. Бур воча кыв гижис. (48). *Н. Куратова* серти.

## МАРШАК.

Маршак кывбуръяссё заводитіс гижны нель арөсянь. Дас өти арөсөдз сійё лөсьөдіс некымын поэма.

Маршак кужис сёрнитны уна кыв вылын.

Маршаклөн зэв ыджыд другён вөлі Стасов.

Маршаклөн кывбуръясыс зэв кыпыдөсь, йиджоны сьөлөмөдзыд. (32). *М. Агатов* серти.

## ВЕЛОДОМ МАТЕРИАЛ ПОВТОРИТОМ.

### СЕРГЕЙ МИХАЛКОВ.

Михалковлөн кывбурьясыс зэв гөгөрвоанаось, сьёлөмтө вөрзёданаось, но сэк жө и вильышось да мылаось.

А дядя Стёпа челядькөд дружитө комын воысь нин дырджык. Медводдза книгаас дядя Стёпа пыддиыс снймайтлісны асьсө Михалковсө. Öти изданиеын рисуйтлісны Баталов артистөс.

Дядя Стёпаөс радейтöны кызди челядь, сідзи и гырысьяс. (43). *М. Агатов* серти.

### КОМПАС.

Медводдза компас вöчисны дас коймөд нэмын. Сійö ортсысяньыс вöлі чери кодь. «Черисö» вöлі вöчöма көртысь да магниталöма. «Черилөн» юрыс индіс войвылö.

Дас нельöд нэмын вöчисны прамöй компас. Сійöн позис нин пöльзуйтчыны мореяс вылын быд поводдя дырйи. (36). *А. Лебедев* серти.

### АКВАРЕЛЬ.

Тэ көтöдан кисточкатö да босьтан сы вылö медся ярьюгыд краскасö.

Тайö шензьымөн мича краскаяснас гижисны нин вывті важөн. Древнöй Египетын гижисны сійöн папирус вылö. Асыввыв муясын мичмөдлісны шöвк, а сідз жö слөн лыяс. Рочьяс пасьялісны тайö красканас гижигөн ыджыд шыпасьяс.

Краскаыс шензьöдана сөдз, югыд, пырыс тыдалана. Тайö красканас позьö рисуйтны дзик быдтор. Вөрвалысь разнöй кадся рөмьяссö позьö рисуйтны во гөгөр. (58). «*Мый татишöмыс! Көди тайö?*» книгаысь.

### ЗЕМЛЕТРЯСЕНИЕ.

Муыд зэв крепыд.

Но друг сійö заводитас сырмыны. Бовъявны кутасны пөтөлöкын лампочкаяс. Воссяласны öдзöсьяс. Стеньяс потласясны.

Йӱзыс весьӱпӱрӱмӱн котӱртӱны ывлаӱ.

Некымын секундӱн землетрясение вермӱ жугӱдны гырысь каръяс. Землетрясение дырйи вермӱны артмыны ыль гырысь тыяс, либӱ, мӱдарӱ, найӱ бырлӱны.

Землетрясенияеясыс вежджык овлӱны гӱраясын. (41).  
«Мый татшӱмыс? Кодӱ тайӱ?» книгагыс.

## РӱДИНА ДОРЙЫСЪЯС.

Шондӱ улын дзирдалӱны кизьяс, пражкаяс. Чиститӱсны да мичмӱдӱсны ассыныс формасӱ суворовецьяс. Найӱ зӱв радӱс. Ӳд кутшӱм сьӱкыд экзаменьяс сдایتӱсны! Ӳнӱ найӱ Суворовскӱй училищеса курсантъяс.

Аскомысь первой звӱнок. Медводдза урок ылын кутасны сӱрнитны мир дорйӱм йылысь. Мир дорйӱм могось миян страна вӱчӱ зӱв уна. А Сӱветскӱй Армия видӱ миянлысь мирнӱй олӱм. (48). В. Яков серти.

## УНА РӱМА ХЛОПОК.

Еджыд зарниӱн шуӱны йӱзыс хлопоктӱ. Но мукӱд дырйиыс хлопокыслӱн рӱмыс зӱв тешкодъ. Сийӱ овлӱ веж, лыа, шоколад, алӱй да пӱжӱм йӱв рӱма. Тайӱ цветнӱй хлопок. Сийӱс рӱдмӱдӱны учӱнӱйяс. Тайӱ хлопоксыс вӱчӱм дӱраыс шондӱ водзын оз быгав ни оз вушйы. (40). К. Меркурьева серти.

## КОРНЕЙ ЧУКОВСКИЙ.

Чуковскийӱн гижӱм мойдьяс, кывбурьяс, повестьяс лыддӱнны медся посни челядьясьн верстьӱ йӱзӱдз.

Чуковский гижис йӱзлы радлун ыльӱ.

Му ылас абу сэтшӱм места, кӱнӱ эськӱ эз тӱдны Чуковский произведениеясысь геройяссӱ.

А тӱ, челядь, тӱданныд? (32). М. Агапов серти.

## НЮРСА БИЯС.

Васӱд нюра местаясын олысьяс частӱ аддзывлӱны посни дрӱжжитысь бияс.

Тулыснас да гожӱмнас нюрьяс вевттысьлӱны уна пӱлӱс турунъясӱн да дзоридзьясӱн. Арнас найӱ нярмӱ-

ны да кулёны. Быдмөгъясыс сісьмёны, артмёдоны торф да разной газъяс. Оти полёс газ шусьё «нюрсаён». Сынодыскөд отлаасигас сійё ачыс ыпнитё.

Газыс зэв кокни. Небыдик төвру вөрөдө сійёс. Сывёсна и сырмёны биясыс. (55). «Мый татшөмыс? Коді тайё?» книгагыс.

## ВӨР КАНЬ.

Тайё зверыс зэв ёна муно кань вылө. Сөмын сійё зэв ыджыд. Тушаыс метра кузя лоё. Бөжыс дженьыд. Кокъясыс кызёсь, кузьёсь. Гёныс зэв сук да небыд. Туша кузяыс тыдалёны гырысь гөрдоват чутъяс. Кыном улыс да кок бокъясыс еджговёсь. Ныр-вомыс каньлөн кодь жё гөгрёс. Ныр помыс съод. Синъясыс петыштөмаёсь водзлань. Щёка гөгөрыс чурвидзёны шочиник усьяс. (53). *И. Коданёв* серти.

## ПАРАД.

Май 9-өд луно мян Рёдиналысь енежсё югдөдіс Победалён салют. А июнь 24-өд луно Красной площадь вылын вөлі Победалы сиём парад. Сэки мян салдатъяс шыблалісны фашистскөй знамяссө Ленин Мавзолей стен бердө. А медпервойён вөлі шыбитөма кокъяс улө Гитлерлысь знамясө.

Гажаа юргисны трубаяс. Найё ворсісны салдатъяслы победной слава. (46). *Е. Осетров* серти.

## ПРЕДЛОЖЕНИЕ.

### ПРЕДЛОЖЕНИЕЫН ГЛАВНОЙ ДА ВТОРОСТЕПЕННОЙ ЧЛЕНЪЯС.

(Повторитём.)

Обучающой диктантъяс.

△ Коми кывйын эм шонділөн дзирд...  
Эз од прёста мен сэтшёма мусмы!

*А. Некрасов.*

△ Ставсё шөри юкам ми  
өти пызан сайын,  
весиг съёлөмъясысь би  
өтилаө ваям.

Эм кө нянь-сов перъян ки,  
тырмас, майбыр, уджыд!..  
Биысь-ваысь видзны ті  
татшөм мусö кужой!

*С. Попов.*

## ПУКСЬӨ ТӨВ.

Пуксисны кодзыд асывводзьяс.  
Кутшөмсюрö кустьяс вылысь корьяссö быттё кодкö  
пуртөн шырзыштіс.  
Пуяс вылысь корьяс киссьöны зэр моз.  
Гут-гагьяс дзевсисны.

Лунвылысь волѡм лѣбачьяслы оз нин тырмы кѡрымыс.

Оз тшыгъявны сѡмын пелыськайяс (дроздьяс). Найѡ стаясѡн пуксьывлѡны кисьмѡм пелысь вылѡ.

Пасьтѡм вѡрын шутьлялѡ кѡдзыд тѡв.

Пуяс чорыда унмовсьѡны. (45). *В. Бианки* серти.

## БЕЛОЙ МОРЕ.

Зѣв уна лѣбач быдтысьѡны гожѡмнас Белѡй море дѣяс вылын. Морейс вердѡ найѡс. Лѣбачьяс велалѡмаѡсь морской приливьяс да отливьяс дѣнѡ. Отлив бѡрын зѣв уна быд пѡлѡс посни морской животнѡйяс кольѡ берегѡ. Лѣбачьяслы тайѡ и колѡ. Каляяс, куликьяс, гѡгѡраяс вердчѡны тайѡ животнѡйяснас.

Джуджыджык морейас вердѡны уна сюрс лѣбачѡс. Найѡ сѡмын пиянсѡ пѡжны лѣблѡны дѣяс вылѡ. А сѣсся став кадѡ коллялѡны море вылын. (63). *Н. Скопова* серти.

## ПЕЧОРА ВЫЛЫН.

Паськыд ота Печора шлывгис веськыда вѡра щелляяс костѡд. А со нин ляпкыд эрдьяс вывтѣ чукльѡдлѡ. Берегьясыс танѣ дзык лыаысь тѣчѡм толаяс кодьѡсь.

Миян судно бѡрся лѣбѡны каляяс. Найѡ гѡгралѡны судно гѡгѡр. Дзык дѣнтѣыс чишнитлѡны. Ошинь пыр шыбитас кодкѡ няньтор. Каляяс пуля моз тѡвкнитасны веськыда да стѡча нянь вылѡ... И бара вѡтчѡны. Велалѡмаѡсь... Йѡз дѣнад кокныджыка сѣяныд сюрѡ. (58). *И. Торопов* серти.

## ОЛАН ВИЗЬ.

Войыс вѡлѣ лѡнь да шоньд. Асылѡдзыс горзѣсны герчканьяс.

Аркадий Петрович пукалѣс бипур дорын. Сылѡн эз узьсы.

— Тѣ мый йылысь думайтан?— юалѣс менсьым.

— Да быдтор йылысь,— вочавидзи ме.

— Тѣ олан правилѡяс йылысь думайт!— тшѡктѣс сѣйѡ.

— Кутшѡм сѣйѡ правилѡясыс?

— Повтöмлун, честность, лышкыдлун да Рöдинаöс радейтöм. Нёль правилö. Öнi кежлö тырмас?

— Тырмас,— шуи ме. (54). *А. Гайдар* серти.

Примечание: текст вылас уджалöм бöрын гижны сöмын колана предложениеяссö.

## КОМИ ҚЫВ.

Қыз нö тэтöгыс ме,

ай-мам кыв-ворöй?

Қыз нö тэтöгыс ме,

вөр-ва сыв-сорöй?

Қыз нö тэтöгыс ме,

муöй-мойдысьöй?

Қыз нö тэтöгыс ме,

сьöлöм дойдысьöй?

*Ю. Васютов.*

## О ПОМÖСДИНСА ЕНЭЖИЗ \*.

Помöсдин школаса челядь чужан муөн тöдмасьöм могысь ветлисны походö. Сэни найö аддзисны аслыспöлöс из. Дорышьясыс излөн шылялöмаöсь. Сийö магнит моз бергöдö компас стрелка.

Изсö учитель Иона Васильевич мөдöдис Москваö.

Учёнöйяс регыд ыстисны воча письмö. Изйыс и збыль вöлöма аслыспöлöс. Сийö торъялö весиг мукöд метеоритъясысь. Метеоритлы сетисны ним «Помоздино». Татшöм изсö аддзöмаöсь сöмын на дас öтикöс. Сийöс пуктисны минералогическöй музейö.

Помоздиноса велöдчысыяс сетисны наукалы ыджыд отсöг. (66). *Л. Кузнецова* серти.

Примечание: гижны выборочнö предложениеяссö. Объяснитны да дöска вылö гижны **велöдчысыяс, метеорит** кывъяс.

## ЁРТАСЬÖМ.

Марина ёртасис Ленуккöд. Леналысь мамсö Марина кутис шуны мамөн. А кутшöм тёлка да мывкыда нылыс!

\* *Енэжиз* — метеорит.

Сиктас татшöмыс öтик и эм. Рочöн көть комиöн лыддысьö и гижö. Школасянь бура велöдчöмсьыс гын сапöг гоз сетлісны. И Леналы тшöтш. Сійö Марина вылö видзöдöмöн бура жö велöдчö. И Васик ёна зільö. Чойяссьыс яндысьö лёк оценкаыссö ваявны. (50). *А. Ануфриева* серти.

## Контрольнöй диктантьяс.

### ПАШКА.

Пашка петіс ывлаö. Сійö пуксис мудöд вылö. Пеляс пыр на кыліс батыслөн Павелөн шуöмыс. Öнöдз сійöс пыр на шулісны Пашкаöн. Кодьяскö шулывлісны Павликöн либö Пашöөн. Батыс аддзысигөн шуис Павелөн.

Пашка друг кыліс асьö ыджыд мортөн. Сійö сувтіс да видліс асьыс сойяссö. Кызöмабсь да чорзьöмабсь абу найö? Пашка батыс моз лöсьöдыштіс юрсьыс картусö. Сэся көзяин синьясөн видзöдліс керка гögör. (61). *Н. Куратова* серти.

### ВОЙ МОРЕ ДОРЫН.

Бурöвöйын уджалісны нин монтажникьяс. Найö воровсь да гажайсь. Татшöмьясыд некөн и некор оз кужны шогсьыны.

Вочасөн быдмис ёсь йыла вышка. Вышка дорын сулалісны ящикьяс. Неылын öзйисны бипурьяс.

Тундра пасьта дзирдаліс югыд шонді. Вылын лэбалісны юсьяс.

Рабочöйяс уджалісны зіля. Регыд вышка сетас нефть.

А коркö тайö море берег дорас быдмас посёлок. А гашкö, кыптас нефть перйысьяслөн кар! (59). *В. Журавлёв-Печорский* серти.

**Задание.** Объяснитны да гижны монтажникьяс, нефть кывъяс.

## ОДНОРОДНОЙ ЧЛЕНЪЯСА ПРЕДЛОЖЕНИЯСА.

Обучающоё диктантъяс.

△

Мамыс, батыс, бабыс, дедыс,  
тьотыс, дядыс и суседыс  
пиук гогор котралоны.

### ПОЖОМ КОЛЬ.

Гыжйыштис да малыштис...  
Дивуйтчис лоз ывла ыло,  
ачыс дзоля на, а сюсь.  
Синсо човтлис коз пу йыло,  
коть по татыс на эг усь.

*Ю. Васютов.*

Паметь серти гижом.

Октябрь бёрыс ноябрь толыс  
локто еджыд пасьон пыр.  
Вевттьо муяс, дорю юяс,  
зонпоснылы дасьто кыр.

*А. Мишарина.*

### ТОВ.

Сиктыс ставнас вевттысьома еджыд эшкынон. Став  
пуяс лоины кушоь да еджыдоь. Ывла ёна кодздодис.  
Челядь исласьоны даддьон, лыжион да конькион. Воча-  
лоны лым мортъясос, лэбачьяслы козьналоны кормуш-  
каяс. Сэтчо пуктоны шыдос, нянь, ид. Меным ёна ка-  
житчо толыс сы вёсна, мый сийо еджыд да кодзыд. (42).  
«Би кинь» журналыс.

### ТАГЫЛЬ БАБ.

Сьод вөр шорын сулалё отка керка. Дозмөръяс,  
таръяс да съолаяс жбыръялоны керка гогор.

Тані Тагыль баблөн и коли том кадыс и верстыё пöраыс.

Вöрыс да ваыс и вердісны бабöс. Мусмисны сылы вöрыс и ваыс.

Гежöдика волывлісны баб дорö челядыс, внукъясыс да внучкаясыс. Найöс шензьöдіс бабыслөн вöрас повтöг олöмыс. (50).

## ЧЕРАНЬ.

I. Съод ты дорö Вася да Терень дядь мунісны вöрса трöпаөд. Терень дядь сувтавліс, малаліс паськыд коръя кызьяслысь увьяссö, шлопкөдіс ки пыдöснас пожöм стволъясö да вомгорулас сьыліс.

А öти местаысь найö аддзисны вöрса чераньöн кыöм «шонді».

Чераньыс некөн эз тыдав. (39).

II. Но`друг черань везйö крукасис гут, кутіс дзизгыны, **мынтöдчыны**, но ёнджыка дзугсис. Коз лап вылысь гутлань уськөдчис ыджыд черань. Ноп вылас пöртмасис мичаа рисуйтöм крест. Черань **матыстчис** гут дорö, мыйлакö гөгөртөдіс сійöс, а сэсся бөр кокъяснас сюся гартыштіс черань везсьыс вöчөм сеткаö, а сы бöрын орёдіс везсö да асьыс кыйдөссö кыскис коз лап вылө. (55). *И. Коданёв* серти.

## ВИЧЧЫСЬТÖМТОР.

Асывводзын Димка локтіс сарай дорö, вештіс розь весьтсьыс идзассö да пырис пытшкас.

Сарай пытшкө сöмын щельяс косттыс веськалісны шонді югөръясыс. Сы вöсна сэні вöлі рöмыд.

Димка кысис кирпич торпыригъяс сайö и друг сувтіс. Сэні куйліс морт. Сійö лэптыштіс юрсö да нюжөдіс кисö наганысла, но бөр лэдзис. Сэсся мортыс чирöм гөлөсөн корис юны. (53). *А. Гайдар* серти.

## ОРДЕН.

Димка воськовтіс куйлысь мортлань. Раненöй морöс вылысь сійö аддзис гөрд звезда. Димка муртса эз горөд **виччысьтöмысла**. Сійö видзөдліс да төдіс тайö мортсö. Димкаöс сійö дорйыліс Головеньысь.

Димкалөн полөмыс быри. Сөмын зэв жаль да ас лои тайо мортыс. Димка кватитис пөрт да котөртис вала. (44). А. Гайдар серти.

**Задание.** Индыны, кутшөм кывсикасьясөн лооны однородной членьясыс.

### ЧУЖАН МУ.

Ме ола сэн, көн визув ю  
Друг ыджыд чукуль вөчө.  
Тан менам дона чужан му,  
Тан бать и мам, и пөчө.  
И нөшта ёрт эм — Буско пон,  
Оз пурсьы, быдмө шаньон.  
И Рыжко вөв эм — сюсь да ён,  
Ме вердла сийос няньон.

*В. Лодыгин.*

### ВӨРСА ПЕМӨСЪЯС.

□ Уна зверь-пөтка олө мян вөрын. Ур көть и ичөт, көдзыдысь оз пов. Арнас нин заптысис сөянөн. Пырас аслас позйө, тупкыяс пашкыр бөжнас и виччысьо, кор помасясны көдзыд луньяс. Водз садьмө и пыста. Сийө жбыръялө пуысь пуө да радлө. Кор мунан вөрти, лолавсьо кокныда, лөсьыда, морөс тырнад! Лым вывсьыс аддзан уна кок туй: ручлысь, көчлысь, сьөдбөжлысь да мукөд зверьяслысь. (59). «Би кинь» журналысь.

### ОКТЯБРЬ.

Зэрө, зэрө... Коставлытөг, сідз...  
Зэрө, нөшта содтысьо — оз раммы.  
Зэр улас и му, и вөр, и видз,  
Ыбьяс пасья — быгья ва гураньяс.

*М. Елькин.*

### ИЗЬВАТАСЪЯС.

Изьва районын олө 24 сюрс гөгөр морт. Изьватасьяс дөзёоритоны гырысь скөт, тундраын видзөны көрьяс,

стрѳитѳны теплоходъяс, пѳрѳдѳны вѳр. Районса войтыр кужѳны уджавны и шойччыны. Ижмаысь сьылѳм да йѳктѳм кузя ансамбльлы тырис нелямын во. Изъвасаяс радейтѳны и спорт. Мир пасьта нималисны Олимпийскѳй чемпионъяс Раиса Сметанина да Василий Рочев. (47). *Н. Хатанзейский* серти.

## ПѳТКАЯС.

○ Тулысын праздник овлѳ, кор шоныд саридзсянь пѳтка лѳбѳ. Лѳбѳ сийѳ кымѳр моз... Кѳдзыд ю вылѳ найѳс быттьѳ вольсалѳма. Быд сикас пѳткаыс: и уткаяс, и дзодзѳгъяс, и куликъяс, и каляяс, и гѳгѳраяс. Петан кьа ломзигѳн — помтѳг зык кылѳ Кѳдзыд ю кузя. Шоныд муяссъяд локтысь пѳткасъяд шаньджыкыс нинѳм абу. Уна сюрс верст лѳбѳ, мудзѳ, тшыгъялѳ и рад оланіныс вылѳ. Лѳктас, олыштас лун-мѳд, и пыр жѳ поз лѳсьѳдны. А кызди варовитѳны... А кызди позъясѳ найѳ вѳчѳны... Мортъд сидз оз вермы вѳчны. (80). *Д. Н. Мамин-Сибиряк.*

Контрольнѳй диктантъяс.

## АТТЬѳАЛѳМ.

Сиктын рытивбыд гажѳдчисны. Ывла вылѳ петѳмаѳсь пѳрысь и том. Накѳд тшѳтш гажаа да кыпыда сералисны красноармеецъяс.

А мѳд луннас раненѳйыс и отрядыс мунісны сиктысь. Жиган да Дима колльѳдісны найѳс сикт помѳдз.

Пѳскѳтина потшѳс дорѳ отрядыс сувтліс. Звездаа мортыс став отряд водзас топыда кутліс Димкалысь да Жиганлысь кисѳ. (47). *А. Гайдар* серти.

## КАМПЕТ КОВМѳМА.

ѳньѳ да мамыс чукѳртісны ѳшинь улын тѳлалѳм кѳлуй. Гезыйс личалис да ѳшйис му бердлань. Но мый тайѳ лои Пилимоныскѳд? Сийѳ казяліс гезлысь ѳшйѳмсѳ да кутіс сы вомѳн чеччавны.

Чеччыштас и видзѳдлас ѳньѳ вылѳ.

Мам сулалѳ да шензьѳ.

Онъо нюмъялӧ радысла. Ачыс ӧд велӧдис Пилимонӧс тадзисӧ чеччавны кампет вылӧ. (49). *М. Сажина* серти.

## ПИОНЕРЪЯС ОТСАЛІСНЫ ФРОНТЛЫ.

Война воясӧ странаын эз тырмы уджалысьыс.

Отсӧг вылӧ воисны челядь. Велӧдчысьяс вӧчисны уна сикас уджъяс. Найӧ мудйисны картофель, нетшкисны ӕг турун, чукӧртисны шепъяс. Пионеръяс да велӧдчысьяс чукӧртисны лекарство вылӧ турунъяс, кӧрт шыблас. Сэки пионеръяс пӧвстын паськаліс тимуровскӧй движение.

Некод эз пов уджысь. Челядьлӧн быд поступокысь тыдаліс Рӧдинаӧс радейтӧм да Ленинлӧн делӧлы эскӧм. (53). «*Войвыв кодзув*» журналысь.

## КЫВ СОСТАВ.

(Повторитӧм.)

Обучающӧй диктантъяс.

### Словарь.

1. Уджалысь, удж, уджалӧ, уджач.
2. Тӧв, тӧвбыд, тӧвся, тӧвзысис, тӧлалӧ, тӧв ныр.
3. Лыдды, лыддысьысь, лыддӧм.

**Задание.** Визьнитны кыввужсӧ.

△

Отнас шуны мый оз куж,  
руксӧ-бӧрдӧ коньӧр Чуш,  
Чушик, Чушечка, Чушончик,  
Чушка, Чушенька, Чушок.  
Чушелӧчек, Чушелӧнчик,  
Чушелӧ-лӧ-лӧ-лӧ-чок.

*Ю. Васютов.*

**Задание.** Висьтавны суффиксыяслысь тӧдчанлунсӧ.

## СЫЛАНКЫВ.

Кызди сылысны йӱзыс! Помаласны ӱти сыланкыв, заводитасны мӱдӱс. Быд сыланкыв бӱрын чӱв олыштӱны. Сылӱмыс матыстӱ йӱзӱс ӱта-мӱд дӱнас, вӱчӱ мортӱс сӱстӱмӱн да небыд сӱлӱмаӱн. Сылӱмӱн висьта-лӱны йӱзыс бӱрӱ кольӱм кад да олӱм йылысь.

Сылысь мортлы эскан. Верман ӱмӱй не эскыны сылысь мортлы? Сывны радейтысь мортыд некор оз вӱч лектор. (50). *П. Шахов* серти.

## ВОЙВЫВСА ШӱВК.

Тадзи нимтӱны лӱз дзоридзьяс шабдӱс. Шабдӱ сиясыс мыйӱнкӱ ӱткодьӱс шӱвк сияскӱд. Шабдӱ сиясыс зӱв крепыдӱс. Сӱтысь вӱчӱны быдсяма пӱлӱс ӱн дӱра-яссӱ. Шабдӱысь артмӱны лым кодъ еджыд да калинкор кодъ вӱсни прӱстыняяс. И шабдӱысь жӱ вӱчӱны брезент, автомобиль шынаяс.

Шабдӱлӱн зӱв мичаӱс югыдлӱз дзоридзьяс. Сийӱ дзоридзалӱ сӱмын ӱти лун. Кӱйдысыс пемыдвиж рӱма. Кӱйдысас уна вый. (59). *В. Елагин* серти.

## СУЩЕСТВИТЕЛЬНОЙ. СУЩЕСТВИТЕЛЬНОЙЛЫСЬ ПАДЕЖСА КЫВЙЫВЪЯС ГИЖАННОГ. (Повторитӱм.)

Обучающӱй диктантъяс.

### Словарь.

Урок, Шуриклӱн, мойдлӱн, дедӱлысь, друглы, чойӱс, вотӱс, карандашӱн, понкӱд, уджтӱг, пувла, нывкала, вӱрын, Катяысь (ыджыдджык), тетрадысь, ягӱ, армияӱ, югыдлань, йӱзлань, школасянь, батыӱсянь, поскӱд, гортӱдз, трактористӱдз.

## ДРУГЪЯС.

А другъяс ми Женякӱд первой классянь. Велӱдчам эськӱ разнӱй классьясын да. А тӱдмасим ми стадион вылын.

Бабъясным кӱйсны мянысь спортсменъяссӧ вӧчны. Но фигуристъяс мянысь эз лоны. А другъясӧн вот лоим. (29). *Н. Куратова* серти.

## ВӐРЫН.

Воим вӧрӧ. Шуим мунны тӧдса шорӧдз. Корсим бир пестанин. Ставӧн разӧдчим вӧрӧ пес чукӧртны.

Ме вуджи ызгысь шор вомӧн да восьлалі гулыд яглань. Муна, дзӧръяла, кывза вӧрлысь шыяссӧ. Кутшӧм лӧсьыд вӧрад! Лӧсьыдысла юрӧй весиг кольмыштіс. (36).

## БАТЬ.

Каменщик, менам, бать. Мастерок, сылӧн эм. Мича, уджсӧ, видзӧдны, папалысь. Мыччаліс, папалы, Федя, кирпичьяссӧ. Йӧз, дінӧ, сылӧн, бурлуны, сы мында! Гажтӧм, папатӧг, вӧлі эськӧ. Батьсянь, ышӧдантор, кылан, век.

Бригадиралӧма, бура, Федялӧн, батысь, жӧ, папаӧдз.

Задание. Лӧсьӧдны висят.

## ЧУМ.

Ми водзын ылын тыдовтчисны ёсь юра стрӧйбаяс. На весьтын гартчис тшын. Тайӧ вӧліны кӧр видзысьяслӧн чумъяс.

Миян кӧръяс асьныс кежисны чумъяслань.

Чумын вӧлі шоньд. Сынӧдыс кос. Ми косьтім асьыным ва паськӧмьяснымӧс. Пӧсь чай да небыд вольпась дінысь ми эг вермӧй петны асланым палаткаясӧ. Палаткаясын вӧлі кӧдзыд. Сынӧдыс васӧд.

Вӧлӧмкӧ, чумьд зэв бур оланін кӧр видзысьяслы. (56). *М. Синицын* серти.

Контрольнӧй диктант.

## ТӐЛЫН.

Лючки пуксис тӧв. Шоръяс да тыяс вевттысисны шыльыд йи эшкынӧн. Сӧмын Печоралӧн ва туйыс кын-

мис торосъясон \*. Но торосъяссо регыд шыльодисны туробьяс.

Отчыд Митрук видзодліс классянь ошиньö. Сійö адзис батыслысь нель көра дадювсö.

Батыс Митруклөн кымынкö лун гоститіс сиктын. Сэсся бөр муніс көръяс дорö. Митрук колльодіс сійос да дыр видзодіс лым вылö гижтöм дадюв туй вылö. (55).  
*Е. Рочев серти.*

## СЛОЖНОЙ СУЩЕСТВИТЕЛЬНОЙЯС.

(Повторитöм.)

### Словарь.

1. Мойдкыв, посводз, катшасин, юрси, войвыв, асывводз, лунвыв, рытыввыв, асыввыв, пельпом, ошкамöшка, чужöмбан, юрси.

2. Бать-мам, чой-вок, ая-пиа, видз-му, вөр-ва, нырвом, нянь-сов, ки-кок.

1. Мырпом да турипув — нюрвывса вотöсъяс. 2. Видз вывъясын быдмö сьöлаоз. 3. Козлөн дзоридзыс шусьö коляозйөн. 4. Ошкамöшка нюжодчöма Эжвасянь ку-тшöмкö вёрса шорöдз. 5. Лысва войтъяс дзирдалöны шондi улын. 6. Шомкор быдмö му боръясын, видзьяс вылын. 7. Зарава вийöдöм бöрын кызлысь сямöдсö колö бөр мичаа топöдны пу бердас. 8. Катшасинъяс, катшасинъяс, мыйла восьсаöсь век тiян синъяс? *С. Пов.*

Зэв тшöкыда ме татчö вола,  
öd сьöла-тарыд тані уна.

А тшакыд... Чукöрт — пу и солав,  
дай нöшта чой-вокыдлы ну на.

*А. Некрасов.*

Коми муöй менам зэра аръяса,  
но и сійö менам байдöг-таръяса,  
Коми муöй менам зыбуч нюръяса,  
но и сійö менам сьöла-уръяса.

*А. Мишарина.*

\* *Торосъяс* — сувтсөн (абу шыльыда) кынмём йи палакъяс.

Быдмас Ваня, мунас ягō  
корсьны медся чōскыд ягōд.  
Турипув и мырпом сюрас  
сылы мян ыджыд ягысь.

*С. Попов.*

### ЭЖВА ЙЫЛЫН.

Радейтō Герасим вōр-ватō. Лунвывса вōръясыд кōль  
и мичаōсь, абу на тай Эжва йывса ягъясыд кодьōсь.  
Мян пармаын кодь вōр-ватō он на корсь! И зверь-  
пōтканад озырōсь, и тыясыд чериаōсь. Босът кōть Дои  
либō Кадам тыястō. А Вуктыл да Кōтйōм пōлōн омōн;  
омōликōсь местаясыд! А мыйта пōтка поздысьō-быдты-  
сьō! Уткаяс, дзодзōг-юсяс чужан мутō оз вунōдны.  
(54). *С. Тимушев* серти.

**Задание.** Объяснитны парма, поздысьō-быдтысьō кывъяс.

### ТАДЗИ ЧУЖИС УХТА.

Озыр войвывса му уна сē во виччысис, кор локтасны  
йōз да босътасны озырлунсō. И татшōм йōзыс воисны.  
Найō локтисны войвылō большевикъяслōн партия тшōк-  
тōм серти. Аскōдныс вайисны В. И. Ленинлысь кōс-  
йōмъяссō. Найō быдтор тōдōны. Налōн эм бур техника,  
буритчан кōлуй, вына моторъяс. Сōветскōй страна лоис  
вынйōра овмōсōн. (49). *Д. Моторин* серти.

**Задание.** Объяснитны виччысис, буритчан кывъяс; гижны дōска  
вылō.

### МИШУК.

Лунъясыс сулалисны мичаōсь, шоныдōсь. Мишалōн  
бать-мамыс асывводзсянь рытōдз уджалисны совхозын.  
Галя чойыс велōдчис школаын. Сōмын Миша да бабыс  
лун-лун олисны гортын.

Отчыд Галяяслōн классыс мунис картофель оқтыны.  
Совхозын картофельсō керисны комбайнōн.

Мишалы важōн нин окота вōли комбайнсō видзōд-  
лыны. Сийō гусьōникōн вōтчис челядь бōрся.

Мишаёс аддзис бригадир. Бригадир нуодіс сійёс Га-  
ля дорё отсасьны.

Гортё мунігён чоя-вока дыр видзодісны комбайн  
вылё. (59). *И. Коданёв* серти.

Контрольнõй диктант.

### КОРЁСЬЛА КАТІГ.

Вокъяс талун пыжён катёны корёсь чегъявны.

Пажын кежлё дасьтёма бобёнянь сора сөчөнъяс да  
куим пöжалём сынпи. Көсйылісны юква пуны, но пöжа-  
лісны сынпиянсö пачын. Од визув паньдтö катігён зу-  
мыдджык сёян ковмас.

А чөскыдось лоёмаось!

Куим вок пукалёны ыджыд кер вылын, аzyma сёйö-  
ны. Сэсся и ваыс орччөн. Позьё юны, мыйта колö.

А вылісянь найёс шонтö рытьявыв нин вешйём шон-  
ді. (58). *И. Торопов* серти.

### МЕСТОИМЕНИЕ.

(Повторитём.)

Обучающõй диктантъяс.

△

### СІЙÖ ВАЙИС ПОБЕДА.

Сійö вайис Победа —  
изйись вöчём салдат.  
Вая сылы ме дзоридз,  
сэсся сулышта чöv.  
Сылён олöмыс ори,

кор ме эг на и вöv.  
Сійö бойысь эз петав  
сэки нель сьöкыд во.  
Сійö вайис Победа,  
көть и ачыс эз ло.

*Г. Юшков.*

Ме кута букварь, а тэ — дзоридз,  
он öтиёс — быдса букет.  
Тадз сулалам выль школа дорын,  
учительным кытчöдз оз пет.

А сійö дзик тэ кодь жö мелі,  
пыр помнита сылысь пöсь сыв...

*С. Попов.*

## НОДКЫВ.

Сійӧс некод эз аддзыв.  
Сійӧс некод эз кывлы.  
Сӧмын шы сет тэ — вошас  
сійӧ, быттьӧ эз вӧвлы. (*Чӧвлун.*)

## АВСТРАЛИЯ.

Му вылын эм шензьӧдана материк. Нимыс сълӧн Австралия. Сійӧс тӧдмалісны Америкаысь бӧрынджык. Австралияӧс шуӧны животнӧйяслӧн музейӧн. Тані олӧны быд сикас животнӧйясыс. **Утконос** да **ехидна** олӧны сӧмын Австралияын. Тані олӧ муыввса медся ыджыд страус. Нимыс сълӧн эму. Татысь аддзан медся мичаа «вӧччӧм» лӧбачьясӧс. Найӧс шуӧны райса лӧбачьясӧн. Австралияын быдмӧны медся кузь нэма пуяс — **макро-залия** да **эвкалипт**. (54). *Л. Печко* да *В. Рубин* серти.

## ХУДОЖНИК РЕПИН.

Художник Петров сӧветуйтіс пырны Репинлы Рисуйтчан рытья школаӧ. Репин сдайтіс кымынкӧ рисунок. Но некымын рисунокод зэв этша. Репин полис, гашкӧ, сійӧс школаӧ оз и босьтны. Но век жӧ сійӧ муніс школаӧ. Волнуйтчӧмысла Репин эз аддзы списоксыс асысь овсӧ. Кутшӧмкӧ зон индіс сылысь овсӧ. Вӧлӧмкӧ, сълӧн овыс списокас медводдза. Сідзкӧ, рисунокъясыс сълӧн медся бурӧсь. Тайӧ школасӧ помалӧм бӧрын Репин пырис велӧдчыны Академияӧ. (61). *С. Пророкова* серти.

Контрольнӧй диктантьяс.

## МИЯН РӐДИНА.

Ми радейтам ассыным Рӧдинаӧс.

Ми радейтам сылысь помтӧм-дортӧм равнинаяссӧ, мича паськыд вӧръяссӧ, джуджыд гӧраяссӧ, уна ваа юяссӧ, гырысь мича каръяссӧ да сиктьяссӧ.

Рӧдиналӧн быд пельӧс мянлы дона да муса.

Миян Рөдинаын олоны дружной советской йоз. Найо  
строитоны виль олом. (41). *М. Ильин* серти.

Примечание. Текстсо индөма тшөтш малокомплектной  
школаын диктант гижом вилө.

## АТОМНОЙ ЛЕДОКОЛ «ЛЕНИН».

Ленин нима атомной ледокол вочисны Ленинградын.  
Сылон корпусыс зев ён. Ледокол вермө мунны зев кыз  
йияс пыр. Сийө жугөдлө кык метра да джын кызта йияс.  
Йисө жуглигөн сийө муно часнас кум километра да  
джын. Ас бөрсяыс кольө паськыд канал кодь восьсаин.  
Сэти позьө мунны медся гырысь морской суднояслы.

Ледокол ломтысьө атомон. Сутки кежлө ломтасыс  
сылы колө сомын некымын дас грамм. (60). *В. Горо-  
щенко* серти.

## ПРИЛАГАТЕЛЬНОЙ.

(Повторитөм.)

Обучающей диктантъяс.

## КОМИ МУ.

Помтөм парма, гулыд ягъяс,

визув юяс, паськыд видз.

Гажа нөрыс, зыбуч нюръяс,

еджыд кока винёв кыз.

Гөгрөс тыяс, зэра аръяс,

озыр вөр-ва, тэрыб көр.

Чизыр төвъяс, тшөкыд расъяс,

чукльөсь ордым, пемыд вөр.

Тэ кө шуда да нюм бана,

меным сэсся нем оз ков.

Коми муой, сьөлөмшөрөй,

менама куслытөм любов.

*А. Мишарина.*

Задание. Кывбурсө лыддыны выразительной. Кутшөмкө юкөн  
(первой либө мөд строфасө) гижны память серти.

## ШЕНЗЬОДАНА САД.

Миян странаын эм шензьодана сад. Тайо садъяс льом пу вылын быдмоны гырысь вишняяс. Пелысьлөн тусьясыс юмовось. Яблök пу вылын кисьмоны грушаяс.

Тайо шензьодан пуяссö быдтис миян ыджыд роч учёной И. В. Мичурин. Уна садоводъясöс велöдис сийö.

Они миян колхозьяс да совхозьяс вöдитоны зев гырысь да бур садьяс. Садьясыс быд во сетоны зев озыр урожай. (55).

## МЕД КЫВЪЯ ПРИЛАГАТЕЛЬНОЙЯС ГИЖАННОГ.

Обучающöй диктантъяс.

### Словарь.

Медмича, медсюсь, медыджыд, медъён, медичöt, медлök, медгажа, медгора, медъюгыд, медъеджыд, медбур.

Нюмди тöдтöм мортлы,  
быттö медбур ёртлы.  
Со öд кутшöм долыд,  
кыптывлö кор лолыд.

*А. Мишарина.*

## МИЯН РЕСПУБЛИКА.

Эм войвылын  
медмича, меддона му.  
Сэн ключ ваысь сöстöмджык  
кывтö быд ю.

А пармаыс кыпалö  
пыр öткодъ веж.  
И некутшöм мич вылö  
сийöс он веж. (27).

*С. Попов.*

## ҚОРӨСЬЛА.

Өтчүд куним вок мөдөдчисны корөсь чегъявны.

Асылыс гажа, шондіа. Быдөнлы нимкодъ татшөм луннад!

Медыджыд вокыс, Федя, сынө кык лапта пелысөн. Федя мыйкө мизгө-ссылө вомгорулас.

Митя, шөркөст вокыс, йөжгыльтчөма пыж бөжө. Сійө вомас кутө кыснан көв. Митя медъёна радейтө чери кыйны.

Медичөт вокыс, Шурик, лажынътчөма водз пуклөс вылө.

Вокъяс катисны медбур корөся местаө. Сэтшөм корөсьнас пө сарлы поэьө пывсыны. (60). *И. Торопов* серти.

## -ИНИК (-ИНИК) ДА -КОДЪ СУФФИКСА ПРИЛАГАТЕЛЬНОЙЯС ГИЖАННОГ.

Обучающөй диктантъяс.

### ПЕРВОЙЯ ПИОНЕР.

Веня мөдөдчис Яким дядь ордө. Сійө оліс сикт помын важиник керкаын.

Яким дядь вөлі гортас. Веня висьталіс ассьыс могсө. Яким дядь лэптыштис вывлань юрсө, шылькнитис косіник кинас тош кузяыс. Уна чуқыръясөн визыйөдлөм чужөм вылас мыччысис нюм. Сэсса восьтис важиник камод да перйис сэтысь гөрд галстук. Сетис Венялы. «Ме со матө ветымын во сійөс дөзьөриті»,— шуис Яким дядь. (61). *И. Коданёв* серти.

Примечание. Дөска вылө поэьө гижны сөмын колана предложениясө. Текстө лыддыны ставнас.

### ВӨРЫН.

Ми мунім нин вель дыр. Синъяс водзын вежласисны **выльысь-выль** серпасьяс. Вуджим паськыдкодъ шор. Мунім жебиник пипуа вөрти. Волісны шыльыдкодъ кушмөм юра діяс. Вель уна адзылім сьөла-тар.

Сэсся мыччысисны видзьяс. Тыдовтчис медводдза турун зорёд. Неылысь аддзим пывсян. Пывсянланьыс нуёдїс важиник лежнёвка. (41). *И. Коданёв* серти.

## ВАСЬӦ.

Челядь купайтчисны. Васьӧ котӧртігмозыс пӧрччысис. Сэсся матыстчис ва дорӧ. Ваӧ пыртӧдз кӧтӧдїс кӧдзыдкодь ваӧн сойяссӧ да морӧссӧ. Сійӧс Толей велӧдїс тадзисӧ вӧчны.

Юыс вӧлі векныдїник да ляпкыдик. Васьӧ уськӧдчис челядь чукӧрӧ. Пӧттӧдзыс купайтчисны челядь. Рытланьыс разӧдчисны гортаныс. Мунїс гортас и Васьӧ. Ӧні сійӧ вӧлі жугылиник. Гашкӧ, батыс оз и босьт вуграсьнысӧ. (52). *М. Игнатов* серти.

## Контрольнӧй диктант.

### Словарь. КӦРЪЯС ШОЙЧӦНЫ.

Поводдяыс вӧлі мичакодь.

Кӧръяс куйлісны чум дорсянь неылын кузьмӧсіник мыльк бокин. Тасянь ылӧдз ставыс тыдалїс.

Кӧръяс шойччисны. Раминика рӧмидзтісны. Бокъясныс польтчӧмаӧсь лунтыр веж турунӧн чӧсмасьӧмысла.

Ӧвтӧ ыркыдїник тӧвру. Номъяс оз дӧзмӧдчыны. Дивья татшӧм поводдя дырїиыд кӧръясыдлы. Куйлысь стадалӧн сюръясыс сярвидзисны сотчӧм раслӧн сьӧд мыръяс моз. (53). *Е. Рочев* серти.

## РӦМ ПЕТКӧДЛЫСЬ СЛОЖНӦЙ ПРИЛАГАТЕЛЬНОЙЯС ГИЖАННОГ.

Обучающӧй диктантьяс.

### ВОИС ТУЛЫС.

Воис тулыс, ловзис шор,  
потїс пулӧн нюдзвиж кор.

Шонді кисьтö зарни гож,  
корсьö истан шоныд поз.

*С. Попов.*

## МИЯН УЧИТЕЛЬНИЦА.

Евдокия Григорьевна миянлы вöлі зев дона. Гөлöсыс небыд. Сійö некор эз горзы. Ми сьблöмсянь радейтлим ассыным учительницаöс, югыдлöz синьяса косиник аньöс.

Шензьымöн мичаа сійö лыддис Ленинкöд страналөн прöщайтчöм йылысь кывбурьяс. Сьöd пемыд шог суис странаöс. Медсьöкыд дойсö ковмис терпитны народлы. Челядь сьблöмöдз йиджисны учительницалөн кывьясыс. (50). *Н. Пунегов* серти.

## ТУЛЫС.

Кодлы абу окота сулалыштны кыр йылын да любуйтчыштны ойдöм Сыктылөн! Юыс помтöм паськыд. Мөдлапöвса керкаясыс коскөдзыс ваынöсь.

Ю вывтi тувьялисны мотора пыжьяс. Öтияс юсь кодь еджыдöсь, мөдьяс турунвижöсь, коймөдьяс пемыдлözöсь. Быд көзяинлөн аслыссикас рöма пыж. (37). *В. Ширяев* серти.

## АСЫВ.

Рытъя кыа эз на дзикöдз чусмы,  
алöйгөрдөн пöртмасис вөр йыв.  
Асья кыа эз лэдз сійöс кусны,  
нюжөдiс нюмбанөн мелi сыв.

*А. Мишарина.*

## СЕВЕРНОЙ СИЯНИЕ.

Северной сияние заводитчис блединик югöрсянь. Сэсся друг ярьюгыд биөн ыпнитис небеса пасьята. Весигтундраса лымйыс мичаммис алöйгөрд югөрөн. Öти здукö качөдчисны вывлань кельыдлöz кольтаяс. Сэсся помся пöртмасисны кольквиж, югыдлöz, югыдвиж сюрьяяс. Шензьөдана мича рöма визьяс колисны небеса пасьята. Сэсся ньöжйöник ставыс кусi. (44). *В. Юхнин* серти.

## КОЛОРАДСКӨЙ ЖУК.

Колорадскөй жук вайö зэв ыджыд вред картупель вöдитысьяслы. Сийö дзыкöдз сөйö-бырöдö картупельлысь коръяссö.

Жукуы ачыс кольквиж. Мыш вылас сьöд визьяс. Личинкаыс югыдгöрдöсь. Жукуы ядöвитöй. Лэбачьяс да мукöд пöлöс гаг сөйысь животнöйяс сийöс оз сөйны. Но личинкаыссö сылысь сөйö виж чирк. (43). С. Воловик серти.

## ДНЕПР.

Ыджыд шумöн төвзям ми джуджыд пос вывтi. Ми улын визувтiс паськыд югыдлöз ю. Сэти кывтöны гырысь еджыд да лöз пароходъяс. Горзöны еджыд зобъя каляяс.

Дзоридзалан джуджыд берегыс крута лэччö юлань. Сийö ставнас тупкысьöма пемыдвиж сук коръясөн. Пуксян кö коръяс вылас, он и вöй, буракö.

А кыр вылас тыдалöны гырысь еджыд керкаяс. Найö югъялöны лöз, эзысь да зарни рөмъясөн. (61). А. Гайдар серти.

## УНА ПÖЛÖС РÖМА ВА.

Ми аддзывлам юясысь, тыясысь, мореысь ва. Ваыс овлö уна пöлöс рöма — лöз, югыдлöз, виж.

Öшъяс море весьтö гыма кымөр, море лоö пемыд да гажтöм. Шондi мыччысяс, и ваыс бара лоö югыдлöз да гажа. А овлö море и гöрдөн. Кор рытя кыаыс гöрд, сэки море ваыс лоö гöрдөн. Асья кыа улын мореыс зарниөн дзирдалö. (53). Н. Сладков серти.

## ЧЕРТОЧКА ПЫР ГИЖСЫСЬ ПРИЛАГАТЕЛЬНОЙЯС.

Обучающõй диктантъяс.

### Словарь.

Мичаысь-мича, кузыысь-кузь, помтõм-дортõм, лõза-гõрда.

## ВÕРСА СЕРПАСЪЯС.

Сулалис мичаысь-мича поводдя. Татшõмыс шоча овлывлõ войвывса гожõм помын.

Тõдса шофёр õдийõ вайõдис индõм местаõдз. Водзõ мõдõдчимõ подõн. Вуджим Чов ю вомõн. Сэссия кыпõдчим джуджыд кыр йылõ. Сэтысянь ылõдз тыдалис пармаыслõн шылыдысь-шылыд мышкыс, паськыдысь-паськыд отыс.

Местаясыс танис збылысь лõсьыдысь-лõсьыдõсь, гажаысь-гажаõсь.

Вель дыр нин муним. Синъяс водзын вежласисны век вылысь-вель серпасъяс. (54). *И. Коданёв* серти.

△

## ВИДЗА КОЛЯН, ШОНЫД ГОЖÕМ.

Видза колян, шоньд гожõм!

Видза олан, кыпыд ар!

Пемыдвижõсь коз да пожõм,  
коръя пуыс биысь яр.

Муяс вылын бара йõза:

тырыс локтõ урожай.

Радлõ гõрысь, радлõ быдõн:

збыльмис ыджыд-ыджыд мог.

*Г. Юшков.*

○

## АСЛАМ.

Ичõтик самолёт лэбис-тэрмасис. Улын лõза-вежа шыльквидзис вõр-ваыс. Аслам куйлис джоджын да гортõминик шыõн никõстывлис.

Ыджыдсыыс-ыджыд мог милицияса сержант Сажин-  
лөн да Аслам нима овчаркалөн. Төрүт Кыръя сиктысь  
вошма вит арёса нывка Надя Самарина.

Самолёт пуксис. Надялөн мамыс уськөдчис Сажин  
динё. Сажин исөдіс Асламлы Надялысь ковтасө. Аслам  
вөрлань нырөн зэлөдіс домсө да кыскыштіс ас бөрсяыс  
Сажинёс.

Сажин пөсвятөдзыс котөртис пон бөрся, а сэсся лэ-  
дзис домсө.

Аслам кутіс увтны. Сажин адзис Надяёс да мөздө-  
рас вайис сиктө. (74). *Г. Юшков* серти.

### Контрольнөй диктантьяс.

#### МЕ ЛОИ ПИОНЕРӨН.

Пионерө пыран лун миян семьялы вөлі праздникөн.  
Мамө менө вөччөдіс выль еджыд дөрөмөн. Бабө пө-  
жаліс чөскыдысь-чөскыд пирөг. Бать мелніка лапкө-  
дыштіс пельпомө.

Примитісны миянөс пионерад Ленинлы памятник дө-  
рын. Сэні сулалісны морөс тырыс мичаысь-мича орденъ-  
яса да медальяса йөз. Тайө войनावывса да уджвывса  
ветеранъяс воөмаөсь миянөс чолөмавны.

Юргис музыка. Но медшуда горөн юргисны миян  
гөлөсъясным. Од ми сетім пионеръяслысь клятва. (57).  
*Н. Куратова* серти.

#### ИЧӨТИК МИРОН.

Ичөтик Мирон радейтө өтнасөн котравны. Котралө  
сійө веж видзьяс вывті, мичаысь-мича дзоридзьяс  
пөвстті. Радейтө лолавны чөскыд бобөнянь дукөн. Ра-  
дейтө раминик ю. А юдорса берегъяс крутысь-крутөсь.  
Ю пыдөсас куйлөны турунвиж рөма галькияс. Мирон  
часъясөн видзөдө гуринаяс вылө. Сылөн кельыдлөз  
синъясыс сідзи и котралөны гуринаяс бөрся. Миронлы  
лөсьыд. Ярьюгыд шондіыс гажөдө ывласө. (52).  
*И. Франко* серти.

Словарь.

Коли, пуксис, мысьсё, ветлөдлө, мөдөдис, мөдөдас, гижас, кодъяс, чукөрмис, паськалө, лыддьөма, аддзөма, сёрнитöны, вермисны, ветли, петкөдли.

ТШАП ПЕТУК.

Коли төв. Пуксис тулыс. Петук быдмис да сөвмис. Ыджыд сорсыс öзйис биөн. Бөжыс лэччөма кокъяс улөдзяс. Бөж гөнъясыс быттьө гөрбуш косяяс. Петук ветлөдлгас зяткө шпорыяснас. Көндозмөрлөн кодь гöныс волялө зарниөн. Петуклөн гөлөсыс выняяслис. Чуксасис сийö зөв мичаа да кузя.

Ми, чоя-вока, радейтiм ассыным мича да тшап петунымöс. (47). А. *Одинцов* серти.

СТЕПЫН ТУЛЫС.

Тулысыс воö зөв öдйö. Пöсь шондi югөръяс улын ставыс руалö. Öдйö сылöны толаяс. Юяс паськалöны. Став му веркöсыс тырлас ваөн.

Регыд ва местаясыс вевттысясны турунөн. Туруныс син водзын быдмö.

Мыччысясны быдсяма пөлөс дзоридзяс.

Со ловзисны нин гагъяс. Дзизгö нин мазi. Бобувъяс, быттьö ситеч лестукъяс, **ворсöны-лэбалöны.**

А джыджъяс, дроздъяс и ном сёйысь быд пөлөс лэбачьясыс сюрсясөн лэбалöны юръяс весьтi.

Лэбачьяс пыр содöны. Уткаяс тэрмасьöны вöчавны позьяс. Важнöя восьлалöны цапляяс. Котралöны ваын гөрд кока куликъяс.

Ставыс тэрмасьö, быдмö, рөдмö. Н. *Данилевский* серти.

## ГЛАГОЛ КЫВВУЖИЫН Й ШЫПАС ГИЖОМ.

Обучающой диктантъяс.

### Словарь.

1. Лоис, воис, нуис, тунис, суис, пуис, гуис, жуис, гыис, биасис, кыис, гөгөрвоис, шуис, синис.

2. Суюис, койис, кайис, вайис, кыйис, лыйис, сёйис, вёйис, уйис, лойис.

### КАНЬ ДА ЧЕРИНЯНЬ.

Шорысь чери кутис кань,  
суйис пачө черинянь.  
Садьмис, чөвтис пачө син,  
а сэн нинөм абу нин.  
Исыштіс да гөгөрвоис,  
чериняныс кытчө лоис.  
— Отчюд йөйтәлі и шань!—  
шуис аслыс сәки кань.  
Бара кыйсьө дзык быд войө,  
но, мый шедлас, улыөн сёйө.

*Г. Юшков.*

Дзоридз пөвстын уска чирк  
дорө аслыс өдзөс дзир.  
Ломтас лои, лои чом,  
со и воис висьтлы пом...

*С. Попов.*

### ВИЗЯОРДА.

Визяорда вөчис аслыс  
сундук, гашкө, лар.  
Сэні сылөн **турипув, шомкор**, тшак  
да прөстө пув.  
И пыр вайө, вайө, өдва пуө кайө.  
Увйыд чегис, сундук лэбис,  
быттө лыйис гым.

*Ю. Васютов.*

## ЧЕРТОЧКА ПЫР ГИЖСЫСЬ ГЛАГОЛЪЯС.

Обучающöй диктантъяс.

△

### ГЫМАЛӨМ.

А кымöрас косьыс век ёнмö и ёнмö. Век ярджыка нявкйö-гымалö. То быттьö из гöра гыпкысьö-киссьö вылісяныыс. То быттьö кыз йи дзеналөмөн шковмунö-потö помтöм кузя.

И ызгö-зэрö йи сора зэрөн.

Друг пемыд керка пытшкöс бур здук кежлö дзонь-нас дзенавліс син ёран югйдөн. Сэсся кыз тай трачни-тас-йиркнитас! Быдөн джджыс качмунліс. (51). *И. Торопов* серти.

○

### НО И КЕР!

Керйыс сибдöма ю шöрас лыа кось вылö. Зорйыд лыаас чулсмунö-пырö.

Митя дыр тільсис кер дінын.

Вокьясыс тшöтш келісны отсавны. Но и кер! Діныс буретш Шурик судта. Татшöм керсьыд вит сыв пес петас. Ноксьöны-тільсьöны куим кодзувкот.

И вöрзис öд керйыд! Люги-леги пöлнясьыштіс, а сэсся быттьö ловзис, пондіс нюшкыны-кывтны.

Вокьяс радліг-горзігтыр отсалöны-йöткöны. Радысла найö пондісны ливкйöдлыны-сьывны вöр-ва пасьталаыс. (60). *И. Торопов* серти.

Вашкöдчöны-мойдöны, ризьялö-котралö, вошлö-дзев-сьывлö, жургöны-котöртöны, шывгö-визувтö, жбыркни-тіс-лэбзис, йиркöдö-камöдö, чепöсйис-петіс.

**Задание.** Глагольяс дінас содтавны существительнöйяс. Лöсьöднны предложениеяс.

**Образец:** Пуяслөн коръяс вашкöдчöны-мойдöны.

### ВÖРЫН.

Лунтыр котшкö-дорччö сизь. Жбыръялöны-лэбалöны пыстаяс. Кутшöмкö посни лэбачьяс чивксöны-дзользьöны разнöй гөлөсьясөн.

Кок улын трачнитіс-чеги кос ув. Визяорда чепөсйис-петіс льом пу улысь. Көнкө ылын ливкйөдлө-көкө көк. Мича эрд вылын сярвидзө-дзоридзалө оз.

### АСЫВВОДЗ.

Кымөр улысь быйкнитіс-петіс шонді. Лысва войтяс дзирдовтісны-өзйисны шонді улын.

Ю вылын лайкьялө-кывтө ру. Пу вожьяс вылын дзользёны-ссылёны лэбачьяс. Кысянькө швичкис-лэбис утка гоз.

Пач трубаясысь пуркйө-петө тшын.

Контрольнөй диктантьяс.

### КӨЧ.

Тэрмасьтөг шывгис-визувтіс вөрса ичөтик ю. Увтас местаяссянь пөльтіс васөд сынөд.

Синьясөй казялісны көчөс. Сійө быйкнитіс-петіс вөрысь да котөртіс лыа көса дорө. Сэсся дыр думайттөг чепөсйис-келіс ваө. Көч петіс ю шөрлань. Сылөн тыдалісны чургөдөм пельясыс, ичөтик юрыс да гөгрөс мыш вылыс. Сійө, тыдалө, пышйө-дзевсьө понйысь. Көдзыд васыс со эз повззы. (50). *И. Коданёв* серти.

### ТУЛЫС.

Тулысыс нюжаліс. Ытва гызьмуніс-ойдөдіс гөгөр. А сэсся быттё поводдяе ылаліс.

И өд дивө босьтө. Гожөм шөрлань нин матысмө кадыс. Видзьяслөн рөчьяс небыда вежөдөны виль турунөн. Льом сярвидзө-дзордзалө ловтө мавтыштысь көрнас. А ваыс век на гөгөр ойдөма. Йөз купайтчөны видзьяс вылын лоөм курьяясын. Ваыс ёна нин шоналөма сәні. Ывлаыс өвтыштө виль турун дукөн. (52). *И. Торопов* серти.

## ГЛАГОЛЪЯСЫН -ДЧ-, -ТЧ- ГИЖӨМ.

Обучающöй диктантъяс.

### Словарь.

Велöдчыны, кыпöдчыны, бергöдчыны, мынтöдчыны, лöсьöдчыны, торйöдчыны, купайтчыны, матыстчыны, кажитчыны, старайтчыны, гартчыны, чатöртчыны.

### ОКЕАН.

Помтöм нюжöдчöма-паськöдчöма океан. Сийö быттöй йитчöма енэжыскöд.

Енэжын көнсюрö ворсöдчöны песни кымөръяс. Найö люкасьласны öта-мöдыскöд да бөр торъялöны.

Друг море гыяс вылö пуксьыласны альбатросьяс. Кыйöдчыштасны, кватитасны нурьясянторсö да бөр кыпöдчасны-лэбасны.

Неылын ыджыд шумөн пызйö фонтансö кит.

Сэсся бара ставыс лөнью. Океан веркöсыс быттöй помтöм пустыня. (46). К. Станюкович серти.

△

### КЕНГУРУ.

Кынöм улас йöртöд ичöt,—  
муса писö сэтөн видзö.

**Чеччалöмөн** ветлö-мунö:

лыбöдчылас, сэсся сунö.

Öддзöдчас кö, он и су.

Тайö — кенгуру.

Г. Юшков.

○

### МЕЖ АКРОБАТ.

Лариса да Акробат мöдöдчисны вичкодорса йөрö. Меж бөрся мöдисны вöтчыны понъяс. Но матыстчыны сы динö некод эз лысьт. Меж пыркнитас юрнас, кучкас муас водз кокнас и дзик пыр вöтлас эргысь понъясöс. Аддзис ас кодыс жö сьöd каньюс, уськöдчис сы вылö. Мöдыс повзьöмысла шаркнитис-кайис пу вылö. Шор

вомён Акробат өддзодчис да чеччыштіс. Йёрын сійө чатөртчыліс, сэсся матыстчис вичко кильчө дорө. Тотшкөдчис-кайис тэрыб кокъяснас пос кузя. А бөрсө веськыда **чеччыштіс** муас. **Чеччалө**-дурө Акробат вильыш детинка моз. *И. Коданёв* серти.

## ВЕЛӨДИСНЫ.

Водз садьмысь шонді бырөдіс асыя ру.

Друг град йөр весьтын визьнитіс руд вуджөр. Ена повзёмён чирөстіс курөг. Кутісны кывны борд шыяс. Пансис кось.

Петук котөртіс шум вылө. Сэсся картупель корьяс пөвстысь кыпөдчис ыджыд варыш. Сійө бара уськөдчис курөгьяс вылө. Курөг да Петрөван ловнысө жалиттөг косясьоны варышкөд. Руд разбойник вына. Но кыкто венны сьөкыд. Некод оз көйы сетчыны.

Варыш качөдчис вывлань да здук мысти воши. (63).  
*А. Одинцов* серти.

## Контрольнөй диктантьяс.

### ЮСЬ ТЫ.

Войнас лымйыс едждөдіс тысө. Йиыс да берегьясыс тупкысисны лымйөн.

Асылыс пуксис шондіа. Шонді улын ставыс гөгөр югзис. Лымйыс пасьтала дзирдаліс.

Ты вылас пыр төвйывлісны лэбачьяс. Ми матыстчим ты дорө.

Уткаяс пыр жө кыпөдчисны. А юсыас весиг эз видзөдлыны миян вылө. Найө сунласисны-уялісны, өвтчисны бордьяснаныс. Некумын юсьлөн сьылланыс вөлі кольча. Кольчаясыс лөзөсь. Сэні тыдалісны еджыд букваяс.

Өні став мирас тадзи пасьялөны юсыасөс. (68).  
*И. Константинов* серти.

### ГӨРАЯС.

Гөраяс вылө көть дугдывтөг видзөд.

Улынджык корья вөр. Вылынджык лыска вөрьяс.

А ещѣ вылынджык куйлѣны горной степяс да лудяс. Лудяссѣ кышалѣны руд скалаяс. А дзык гѣра йылас югялѣ сывлытѣм лым. Гѣраясы быттѣ лѣсѣдчѣмаѣсь петкѣдчыны-чуйдѣдны йѣзсѣ. Кымѣрьяс да лѣбачьяс лѣбѣны кок увтѣ, а юяс да водопадьяс ызгѣны вылын, юр весьтын. Улын зѣрѣ, а вылын югялѣ шондѣ. Улын жар гожѣм. Вылын сулалѣ кѣдзыд тѣв. Тѣвсянь гожѣмѣдзыс кинад сулзан. (68). *Н. Сладков* серти.

## ЕДЖЫД МУ.

Гѣгѣр вольсыштчѣма йи! Сийѣ югялѣ лун югыднас либѣ вѣйлѣ пемыд полярной войѣ.

Во джын кыссьѣ сьѣд пемыд вой. Сѣмын енежыс ворсѣдчѣ виж, лѣз, гѣрд рѣмьясѣн. А ещѣ кылѣны кутшѣмкѣ гуся шыяс. Тайѣ шѣпкѣдчѣ кѣдзыдыс.

Помасяс вой. Тыдовтчас шондѣлѣн дорышыс. Сылѣн югѣрьясыс пемыдгѣрд рѣмаѣсь. Ывлаын лѣѣ рѣмыд. Шондѣлы ставѣн радѣсь. Заводитчас шондѣлѣн да тулыслѣн празник. Арктикаѣ воас полярной лун. Сийѣ сѣдзжѣ кыссьѣ во джын. (68). *Н. Сладков* серти.

## ГЛАГОЛЪЯСЫН -ЧЧ- ГИЖѢМ.

Обучающей диктантъяс.

### Словарь.

Дорччыны, тувччыны, лѣччыны, чеччыны, пѣрччыны, шойччыны, кольччыны.

## НѢДКЫВЪЯС.

Гожѣмнас пасьтасьѣ, а тѣв кежлас пѣрччысьѣ. (*Корья пу.*)

Кузь кок вылын зарни сѣчѣн. Кысянь шондѣ мыччысьѣ, сѣтчѣ сийѣ и бергѣдчѣ. (*Подсолнух.*)

## ОВМѢДЧИСНЫ КАРѢ.

Отчид карса пруд вылѣ пуксылысны шойччыны ди-

көй уткаяс. Мөд вонас лунвылө лэбигмозыс сәні бара  
шойчисны уткаяс. И тадзи уна во.

А өти гожомө йөз аддзисны пруд вылысь утка семья-  
өс. Сэсся берегдорса камыш пиысь нөшта некымын  
семья лэчисны ваө. Вөлөмкө, найө карса прудйө кольч-  
чөмаось быдтысьны.

Тадзи уткаяс повтөг овмөдчисны йөз оланінө. (52).  
«Красное знамя» газетысь.

## Память серти гижом вылө.

Мортыс велөдчө ас няньө.  
Водз кө водө, водз и чеччө,  
ас коддьөмъяслы оз сетчы.  
Гижны, артасьны нин кужө,—  
төлкыс ассыс водзджык чужлөм.

*Н. Щукин.*

О

## ТРУС.

Тайө вөлі Крымын. Öти детинка мөдөдчис вуграсьны.  
А берегыс вөлі зэв крут. Детинка эз лысьт лэччыны  
крут берегтыс да пуксис. Друг төв ныр лэбөдіс сылысь  
вугыр шатинсө.

Сәні жө неылын море вылас пыжсянь нывка вөлі  
вуграсьө батыскөд. Нывкаыд казяліс детинкаыдлысь  
полөмсө. Сійө чеччис пыжсьыс да босьтіс шатинсө.

Детинка веськыда чеччыштіс, уськөдчис нывка дінө  
да кватитіс сійөс киөдыс.

Нывка мычис сылы шатинсө да шуис, мый нарошнө  
босьтіс, мед сійө лэччас. Сэсся висьталіс батыслысь  
кывьяссө: «Коді трус, сійө ещө и горш». Детинка чуй-  
мис. (77). *Л. Пантелеев* серти.

## Контрольнөй диктантьяс.

## СЬӨД ПЕЛЬ.

Кык вежон мысти Сьөд Пель бурдіс. Сійө некодысь  
нин эз пов и зэв гажаа чеччаліс керкаын. Сьөд Пельлы

зэв окота вѳлі петны вѳля вылѳ. Сійѳ пыр виччысис ѳдзѳс вощѳм.

А Ерѳмка быттѳ тѳдіс сылысь мѳвпъяссѳ. Сійѳ куйліс дзик ѳдзѳс дорын. Съѳд Пель уськѳдчис, кѳсйис чеччыштны сы вывтї. Но Ерѳмка жергѳдіс пїньяссѳ да заводитї эргыны. Но кѳч сыысь эз пов. Ёнджыка пондіс дурны-ворсѳдчыны понкѳд.

Богач синва петгѳдзыс сералїс на вылѳ. (68). *Д. Мамин-Сибиряк* серти.

## ЛЫСКО.

Лыско пон вѳлі сувтса пельяса, крукыля бѳжа, смоль съѳд гѳна.

Тѳрыб кокъяса тѳлка пон лунтыр ризъялас, а зверьпѳткатѳ корсяс. Унаысь мездыліс сійѳ ассыыс кѳзяинсѳ лѳчыд гыжъя вѳр каньысь.

Лыско радейтїс ветлѳдлыны кѳзяиныскѳд вѳртї. Казялас сылысь вѳрѳ лѳсьѳдчѳмсѳ да заводитас ѳвтчыны бѳжнас, чеччавны сылы морѳсас.

Мѳдѳдчасны пармаѳ. Лыско котѳртѳ водзын да частѳ бергѳдчывлѳ, эз-ѳ кольччы кѳзяиныс ылѳ. (55). *И. Кодањев* серти.

## САЛДАТЛѳН ВИСЪТ.

Сержант нуѳдіс мянкѳд занятие. Колѳ вѳлі кыссыны бытшласысь сутуга увтї, чеччыштны забор вомѳн да окоп вомѳн.

Мый нѳ тан съѳкыдыс? Но кор кутїм тайѳс вѳчавны асьным, казялїм съѳкыдлунсѳ. Шынельыд крукасьѳ. Кодкѳ ѳшйис забор вылѳ. Кодъяскѳ окоп дорѳдзыс сѳмын вермисны котѳртны, усины.

Сїдзи нинѳм эз и артмы. ѳбиднѳ! Кутшѳм ми слабѳсь. Тренируйтчытѳгыд, вѳлѳм, нинѳм он вермы вѳчны.

А сержант нюмъялѳ. (59). *Б. Никольский* серти.

## ВОИС ТУЛЫС.

А лым ляпкаліс и ляпкаліс. Кѳнсюрѳ шоръяс нин письтїсны. Шондіыс вылітїджык пондіс кытшлавны. Дыр чѳв олѳм бѳрын бара варовмисны вѳръясын тѳвйысь лѳбачьяс. Асывъяснас гораа кургисны таръяс. Котшкѳд-

чисны съод гона, мича бõжа дозмõръяс. Дыр найõ вич-  
чысисны тайõ шуда лунсõ.

Кõнсюрõ мыччысисны нин лым улысь лудъяс, муяс.  
Лун ни вой эз узыны шоръяс, уналысь пальõдисны унсõ,  
гажõдисны дыр кад чõж вугралысь пармасõ. (60). *И. Ко-  
данёв.*

## ОТРИЦАТЕЛЬНОЙ ГЛАГОЛЪЯСЛОН ГИЖСЯННОГ.

Обучающõй диктантъяс.

Нинõм свет вылас и овны,  
тэ кõ некодлы эн отсав.  
Коді заводитõ повны,  
воштас ассьыс медбур ёртсõ.

Воштас ассьыс медбур ёртсõ,  
коді мукõдõс оз радейт.  
И ог шу ме мортõн мортсõ,  
коді ньõти пу эз садит.

*Ю. Васютов.*

## НÕДКЫВЪЯС.

Ачыс оз котõрт, а йõзсõ сулавны оз лэдз. (*Кõдзыд.*)  
Сйõс он кыв, сйõ оз тыдав. Пондан сёрнитны сы  
йылысь, пыр жõ вошõ. (*Чõвлун.*)

Дурõ, некор весь оз ов,  
сёрйõд чеччалõ, оз пов.  
Весиг увлань юрõн õшьяс,  
сõмын кутчысьõма бõжнас,  
векыштчылас тэныд паныд.  
Тайõ — обезьяна.

*Г. Юшков.*

## ВУГРАСЬÕМ.

Лõсьыд кыйсьыныд. Пукалан берег дорын. Некод оз  
сёрнит, оз ветлõдлы. Синъястõ пробка вывсьыд бокõ он

вештыв. Друг сунас пробкаыд! Сэки эн вуграв, кыскы зільджыка. Сьёлөмыд тэрыба пессьö. Эз öд мын, шеді! Ок, кутшöм мича чери шеді!

Быдлаö колö кужанлун да кад. Сытöг и юква вылö чериыд оз шед. (51). *И. Коданёв* серти.

## НИНТУР.

Тіян эмöсь ичөтджык чойяс? Эмöсь кө, ог тіянлы завидьты. Менам эм жö Нина чой. Нинтурөн шуа. Он кө сы ногөн вöч, сэки виччысь. Лэчыд пиньяссö да гыжь-яссö оз яндысь петкөдлыны. А меысь сійö ньöти оз пов.

«Ог пов, эн кулактö петкөдлы»,— пыр шуас. Меным сійö жаль, ичөтик на да. (51). *Н. Куратова* серти.

Контрольнöй диктантьяс.

## СКОРÖЙ ПОЕЗД.

Васька пуксис öшинь дорö. Сійö виччысис скорöй поездлысь прöйдитöмсö.

А мый бара поезд пыткас вöчöны? Нинöм он удит видзöдлыны! Сійö горзö, йиркөдö. Керка стеньясыд тіралöны, тасьті-паньыд зиякылö. Сявкнитас югыд биясөн. Дзирдыштасны зарниөн виж öдзöс вугьяс, уна рöма öшинь стеклöяс. Сэссия сöмын мыччысьлас мед-бөръя вагонсьыс сигнальнöй пöнарыс.

Скорöйыд век тэрмасьö. Тövзьö кытчökö зев ылö Сибирö. Сибирö төвзьö и Сибирсьыс бөрсö төвзьö. Пессьöм кодь олöмыс скорöй поездыдлөн. (67). *А. Гайдар* серти.

## УР.

Мыйкö чашнитчис, гирснитчис. Пожöм пу улö кисисны кырсь торьяс. Видзчысьтöмла ме дрöгмуні да видзöдлі вывлань. Коді нö эськö татшöм повзьöдчысьыс? Ур тай лажыньтчöма пожöм чаль бердö да сюся дзоргö ме вылö. Ме видзöдлі ур вылö да чуйми. Сылөн бöжыс вöлі эзысь. Быд сі дзирдаліс-пöртмасис эзысьөн. (46). *Л. Палкин* серти.

## СЛОЖНОЙ ПРЕДЛОЖЕНИЕЯС.

Обучающöй диктантьяс.

### ГÖРБА НЫРА ЛЭБАЧ.

Миян войвыв вөръясын олöны гөрба ныра лэбачьяс. Тайö уркайяс. Олöны найö козъя вөръясын, сёйöны коль кöйдыс. Уркайяс пыр корсьöны колляджык вөръяс. Найö пиянсö пöжöны тöлын. Медся чорыд кöдзыдьясыс оз повзьöдлыны найöс. Тöвнас кольясыс вощёны, да кöйдысыс шедö кокныдджыка. Гөрба нырыс бура отсалö кольяссö киллыны.

Позсö вöчöны шоныда. Мамыс унджык кадсö пукалö позьяс, а сёянсö ваялö батыс. (56). *И. Коданёв* серти.

### МЕДСЯ ЛЫДДЫСЬЫСЬ СТРАНА.

Öнi миян странаын öти минутö лэдзöны сизим сюрс книга. А суткинас петö нельсё сюрс. Ни öти странаын оз лэдзны сы мында книгасö, мыйта сiйö петö миян странаын.

Öнi эм кодлы лыддыны тайö книгаяссö, öд миян став йöзыс грамотнöйöсь.

Революция бöрын коли сöмын на нель во, а велöдчан арлыда став челядыс миян кутисны нин велöдчыны школаын. (54). *О. Писаржевская* серти.

△

Сьöлöмыд кö кынмö  
ай-мам муыд дорö,  
ай-мам муыд дорö  
йитöд туйыс орö.

*Ю. Васютов.*

### ГОЖСЯ АСЫВ.

Бöли водз асыв. Шондi муртса на мыччысьöма, но сикт важöн нин садьмöма. То öтилаын, то мöдлаын кылис тачкöдчöм. Тайö ичöтик мöлөтъяс тачкисны-йöктисны ичöтик наковальня вылын. Накöвальнясö тувъялöма

кыз пу чуркао. Видз выло мунысьяс лосьодчисны ытшкыны, и литовка дорышьясы лоисны лэчыдось, бритва кодьось.

Көзьякаяс ломтисны нин пачьяс, и асья сөстөм сынодас кыліс тшын сир дук. (54). *И. Минин* серти.

## МАМЛӨН ШОГ.

Класс гижис контрольной удж.

Өтнас Толя видзөдо өшиньо. Сылөн юрас вуграсян серпасьяс. Төв помасис, йи кылаліс. А ва кө воссяс, и сёян вежсяс.

Сідзи Толя нинөм эз и решит. Нина Васильевна пуктис два.

Толя сёр рытөдз ворсіс. Воис гортас, а мамыс вөлі нин гортын. Мамыс видзөдліс сы выло, а синьясас доршасис синва. А чужөмыс өти рытөн нюрсунөма-омөльтчөма. И ставыс тайө Толя вөсна. Толялөн ки-кокыс кыш кодь лоисны, курыд ёкмыль тасасис горшас. Толя петіс ывлаө. (73). *Н. Никулин* серти.

Па м е т ь с е р т и г и ж ө м в ы л ө .

## ЗИЛЬ УР.

Аддзысис зіль урлы  
гыркса ыджыд коз.  
Сэтчө сійө бурөс  
вөчис аслыс поз.

Камгисны морозьяс,—  
ур нужда оз төд.  
Шоньд сылөн позйыс,  
кынөмыс пыр пөт.

*В. Ширяев.*

К о н т р о л ь н о й д и к т а н т .

## КОР СЫЛӨ ЙИ.

В. И. Ленин да Н. К. Крупская шойчисны Горкиын. Вөлі октябрь төлысь, сулаліс кос поводдя.

Өти сөдз асылө найө петісны паркө. Друг кыліс кушшөмкө төдтөм музыка шы. Шыыс вөлі нежнөй да мыла. Коді нө ворсө, кушшөм инструмент татшөм мичаа горалө?

Вёлөмкө, челядь шыбитөмаось му комокөн пруд вы-  
лө, и вөсни йиыс мича шыөн звөнитө.

Ленин да Крупская челядькөд өтвылысь радуйтчис-  
ны тайө мича шыяснас. (60). *М. Прилежаева* серти.

## ВЕЛӨДӨМ МАТЕРИАЛ ПОВТОРИТӨМ.

### АРТЕК.

Артекос шуоны пионерскөй республикаөн. Сылөн  
аслас пöрадокъяс да законъяс.

Артекө ыставлөны бура велөдчысь пионеръясөс. Сэни  
шойччөны и бура уджалысь, честнөй, повтөм, ыджыд  
сьөлөма челядь.

Артекин челядь велөдчөны бура овны да уджавны.

Татчө волөны пионеръяс зэв уна странаысь. Уна рө-  
ма галстукъяса пионеръяс салютуйтөны пионерскөй  
республикаса флаглы. (47).

### МИЯН ВӨРЪЯС.

1. Мичаось тани местаясыс. Ягыс пыр кос. Весиг  
арся зэръяс оз вермыны сийөс көтөдны. Небыдик яла  
вылын быдмөны вөсныдык пожөмъяс. Нырад век өвтө  
сир дук. Яг шөрөдыс лун и вой тольгө-визувтө ичөтик  
варов шор. Ваыс сэни көдзыдысь-көдзыд. (37).

2. Торъя нин гажа Эжва дорын. Джуджыд кыркөтш  
дорсянь вөсьөны мичаысь-мича серпасъяс. Ылөдз ты-  
далө паськыд ота ю. Лун и вой сэті джижъялөны тепло-  
ходъяс, катеръяс.

Лыаыс паччөр кодь шоныд да еджыдысь-еджыд.  
Ю пөлөн лэбалөны тэрыб чикышъяс.

Ягын быдмө быд сикас тшак да ягөд. (41). *И. Кода-  
нөв* серти.

### МИТРУК.

Со и гажа тулыс воис. Челядьөс лэдзалисны гожея  
каникулъяс вылө. Ставөн разөдчисны тшакалысь көр-  
яс моз. Öтияс мунисны бать-мамлы отсасыны. Мөдъяс  
мунисны пионерскөй лагерө.

А Митрук некытчö эз веськав. Сылöн гижöмысь «два» петіс. Митрук гожöмнас кöсйö велöдчыны мичаа гижны. Сійö öтнас гусьöн котралö школаö. (45). *Е. Рочев* серти.

## ПОПУГАЙЯС.

Попугайясыд эмöсь куимсё комын пöлöс. Пöшти ставныс найö олöны тропической вöрьясын. Найö олöны ветымын арöсöдз.

Попугайяс пиын эмöсь гигантьяс и карликьяс. Медся гырысь попугайясыс какаду. А ичöтьяссö шуöны дятлövöй попугайясöн.

Тайö лэбачьясылöн рöмыс шензьöдана мича да уна пöлöс.

Попугайяс вермöны подражайтны морт сёрниö. Медся бура тайöс кужö вöчны африканскöй попугай жако. Но морт сёрниö велалöны найö сöмын клеткаын олiгöн. (60). «*Юной натуралист*» журналысь.

## ЛЫМ УСЬÖМ БÖРЫН.

Зэв лöня да нöжйöникöн уси лым. Тыртiс став муяс, видзьяс, гуяс. Ставыс лои шылыд да еджыд. Гөгөр выльмис да югзис.

Вöрыс лои пушыд да веж петкöдлана мича. Коз пуяс да пожöмьяс быттьö нарошнö чукöртöмаöсь-öшйöдлöмаöсь лымсö лапьяс выланыс. Öнi сулалöны найö лöня. А кодзувкоткар лöма ыджыдысь-ыджыд кынь ку шапкаа. (58). *В. Бочарников* серти.

## ЙÖРА.

Туй вылö петіс йöра. Сійö лэптiс юрсö, кыскыштiс нырнас сынöдсö да заводитiс кывзысьны.

Эз виччысь Коля татшöмторсö. Повзвыштiскодь, чуймис, дзевсис мыр сайö да заводитiс сюся видзöдны вöрса багатыр бöрся.

Йöра вöли ыджыд юра, кузь кокьяса, мича сюра, пельяссö чургöдöма водзлань. Сійö кыліс мортьяслысь дуксö да кутiс öтарö-мöдарö дзоргыны.

Коля кыпöдчис мыр сайысь.

Йора пыр жö зёлöдчис, йöткыштчис кокъяснас водзö и төв ныр моз воши пуяс костын. (67). *И. Коданёв* серти.

### ЭЖВА.

Дзоляник шорсянь заводитö Эжва ассьыс кузь туйсö. Дзор козъяс улö да нитшка вутшъяс бокö дзебсясьöмөн сийö писькöдчö сук парма пыр войвывсянь лунвылö. Уна нимтöм и нима ёल्याс чукöртгмоз вочасөн ёнмö, паськалö. Сэсса вабергачьясөн гартчöмөн, косьтъяс вывтi гажаа сёлöдчöмөн, петö паськыд восьса эрдъяс вылö. Чöскыд веж туруна паськыд видзьяс пöлөн тэрмасьтöг кылöдö ассьыс васö. Визувтö посни гыяснас кельыдвиж да еджыд лыаа кöсаяс мелiа нюлигтырйи. (64). *Б. Шахов* серти.

### ВУКТЫЛ.

Вуктылö ми воим рытладорыс. Теплоходсьыс йöзыс чеччисны унаөн. Ме вöтчи чеччысьяс бöрся. Автобус öд-йö вайöдис пристаньянь посёлөкöдз. Синмö пыр и шыбитчисны вит судта гырысь керкаяс. Абу öти либö кык, а помыс керкаяслы абу. И мöдтор шыбитчис синмö. Проспект кодь паськыд улича пöлөн ылöдз водзö быдмисны веж пуяс. А туй пöлöныс вöлины газоньяс. Тöдчис вуктылсаяслөн киподтуйыс. Найö абу дышöдчöмаось оланiннысö мичмöдны да гажöдны. (63). *И. Изъюров* серти.

### ВАЖ ОЛÖМЫСЬ.

Куратовлөн классас вöли шег кодь кызь öти детинка. Унджыкыс сэтшöм бать-мамлөн, кодьяс видз-му уджалöмөн перйисны кынöмпöт. Найö ытшкöны турун, кöдзöны нянь, видзöны мös, ыж, мукöдыс вöv. Вöлыс колö му гöрыштны, турун да пес вайны. Олöны оз нин сэтшöм бура да озыра, но и оз тшыгъявны. Крестьянаыд видз-му уджалiгад гөрöны-кöдзöны, ытшкöны-куртöны, вундöны-вартöны. Войвывса кузь төвсö кö оз тшыглы виньгыртны и. (59). *Г. Фёдоров* серти.

## ИӦЗ ПОМНИТӦНЫ.

Москваын Кремлёвскӧй стена бердын эм гу. Сы дӧнын пыр уна йӧз. Гу вылас век ловъя мича дзоридзьяс.

Тані куйлӧ Тӧдтӧм салдат. Сылысь нимсӧ некод оз тӧд. Но быдӧн тӧдӧны сылысь смеллунсӧ. Салдат олӧмсӧ жалиттӧг дорйис миян мулысь сьӧлӧмсӧ, Москваӧс.

Вот и ӧзйӧ ӧні тайӧ гу вылас Куслывтӧм би. А йӧзыс сулалӧны сы дӧнын шапкаяссӧ пӧрччӧмӧн да улӧдз копиртчылӧны. (61). *Л. Кассиль* серти.

## ВОЙВЫВСА КУРОРТ.

Миян республикаын талун Серегов курорт йылысь тӧдӧны быд сиктын, посёлокын да карын. Сылӧн славаыс паськалӧма и мукӧд областьясын.

Серегов курорт пуксьӧма мича местаӧ. Сійӧ Емва юлӧн веськыд берег вылын кык ді костын.

Курортлысь парксӧ мичмӧдӧны уна пӧлӧс пуяс да кустарникъяс. На лыдын сус пу, нинпу, ниа, льӧм пу, пелысь пу, сирень да боярышник.

Бурдӧдчан васӧ кыпӧдӧны зэв пыдысь му пытшсьыс. Сійӧ ваыс лечитӧ уна висьӧмысь. (68). *С. Морозов* серти.

## СТРОИТЧЫСЬ ЕЖ.

Еж кодйӧма муӧ гу да вевттялӧма шылъыд бедьясӧн. Бедьяс вылас пукталӧма дуб пу коръяс. Джоджас вольсалӧма рӧгӧза торъяс. Окуратнӧя пуктӧма куснялӧм газет. Позйыс дзик землянка кодъ лоӧма. Позсӧ юкӧма кык жыр вылӧ. Ӧтикас пукталӧма сӧян запас. Сэні вӧлі кык кос дзодзув да кутшӧмкӧ ыджыд юртӧм нин гаг. Мӧд жыръяс вурун носкиӧн вевттьысьӧмӧн узьмӧдчӧма ачыс стрӧитчысьыс. Сійӧ нюкыльтчӧма-гартовтчӧма тупыльӧ да миян дырйи эз и вӧрзъыв. (67). *П. Строителев* серти.

## СВИРИСТЕЛЪЯС.

«Свири-свири-свири-стии»...— быттьӧ кодкӧ пӧлянӧн ворсӧ вӧрас. Ылӧдз кылӧ. Коз пу йывъяс вывтӧ лӧбӧны свиристельяс. Миян шуӧны найӧс петушокъясӧн. Мичаа вӧччӧмаӧсь. Найӧ оз торъявны жоньясысь. Синъяс дорас сьӧд визьяс. Бӧжыс пемыдруд рӧма кольквиж визя.

Тайгаыслысь быд пӧлӧс рӧмъяссӧ чукӧртӧмаӧсь. А юр выланыс гӧныс алӧйгӧрд рӧма. (51). *В. Журавлёв-Печорский* серти.

### ОТСАСЬЫСЬЯС.

Вьетнамын и ӧні на кыйӧны слӧнъяссӧ. Ӑти охотниклы неважӧн тыри 120 арӧс. Олӧм чӧжыс сійӧ кыйис 300 слӧнӧс.

Мӧд охотниклы тырис 64 арӧс. Сійӧ кыйис 70 животнӧйӧс. Кыкнан кыйсьысьыс олӧны ӧти провинцияса Дон деревняын. Тани эмӧсь и дикӧй слӧнъяслӧн гырысь стадаяс.

Местнӧй олысьяс куталӧны найӧс, уджӧдӧны видзму овмӧсын да стрӧительство вылын. И ӧні на вьетнамскӧй крестьяналы слӧнъяс лӧоны бур отсасьысьясӧн. (69). *АПН.*

### СЫКТЫВҚАР.

Миян республикалӧн столицалы тыри кык нӧм. Сыктывкарлӧн ӧнія ӧбликыс тӧчсис Великӧй Отечественнӧй войнabӧрса воясӧ. Сӧксянь карыс быдмис, паськаліс торъя ыджыд ӧдӧн. Чужисны выль уличаяс, быдмисны уна судта керкаяс. Ӑдйӧ содіс и йӧзыслӧн лыдыс.

Ӑні карсӧ юкӧма кык район вылӧ. Эжвинскӧй районын уджалӧ ыджыдсьыс-ыджыд бумага вӧчан фабрика.

Сыктывкарын уна архитектурнӧй памятник.

Сыктывкарӧс наградитӧма Трудӧвӧй Краснӧй Знамя орденӧн. (57). *П. Куратов* серти.

### СИРЪЯС.

Овлӧны сиръяс кызь килограмм сьӧктаӧсь.

А Германияын кыйӧмаӧсь кӧкъямыс пудъя \* сирӧс! Сійӧс вӧлі пасйӧма. Йӧз тӧдмалісны сылысь арлыдсӧ. Сылы вӧлі кыксӧ квайтымын арӧс.

А кольӧм нӧмын Москва дорса Царицынскӧй прудйысь аддзисны сідз жӧ пасйӧм сирӧс. Сійӧ вӧлі сизимдас килограмм сьӧкта. Кольчаыс вӧлі зарни. Сӧтчӧ гижӧма — царь Борис Фӧдорович. (48). *Н. Глазунов* серти.

\* Пуд — 16 килограмм.

## ЮРИНДАЛЫСЬ

Водзкыв . . . . . 3

### Первой класс.

Шыпасбөрвывса кадколаст . . . . .	5
Слогъяс вылө кывъяс юклөм . . . . .	6
Предложение. Ыджыд шыпас. Предложение помын чут . . . . .	6
Нимъясын ыджыд шыпас . . . . .	6
<i>Дъ, ДЗ</i> да <i>ТШ</i> шыпаса кывъяс . . . . .	7
Откодъ вежортаса кывъяс . . . . .	7
Паныда вежортаса кывъяс . . . . .	8
Рочысь пырөм кывъясөн төдмасьом . . . . .	8

### Мөд класс.

Предложение (повторитөм) . . . . .	9
Шыяс да шыпасъяс (повторитөм) . . . . .	10
Кывъяс вуджөдөм . . . . .	11
Предложение помын чут, юалан да горөдан пасъяс . . . . .	13
Ыджыд шыпас гижөм . . . . .	14
Чорыд да небыд парной согласнойяс . . . . .	17
<i>И</i> шыпас гижөм . . . . .	18
<i>Е</i> шыпас гижөм . . . . .	19
<i>Я</i> шыпас гижөм . . . . .	20
<i>Ю</i> шыпас гижөм . . . . .	21
<i>Ë</i> шыпас гижөм . . . . .	22
Кыв помын да кыв шөрын небыд ( <i>Ь</i> ) пас . . . . .	23
Небыд ( <i>Ь</i> ) паса кывъяс вуджөдөм . . . . .	25
<i>й</i> шыпас гижөм . . . . .	26
<i>Э</i> шыпас гижөм . . . . .	27
Кывбөръяс гижанног . . . . .	29
Откодъ кыввужъя кывъяс . . . . .	30
Действие нимъяс . . . . .	31
Признак нимъяс . . . . .	34
<i>П</i> да <i>Ф</i> шыпасъяс кывъяс . . . . .	35
<i>К</i> да <i>Х</i> шыпасъяс кывъяс . . . . .	36
<i>Ч</i> да <i>Ц</i> шыпасъяс кывъяс . . . . .	37
<i>ДЗ</i> да <i>ДЖ</i> шыпасъяс кывъяс . . . . .	38
<i>ТШ</i> да <i>Щ</i> шыпасъяс кывъяс . . . . .	40
Велөдөм материал повторитөм . . . . .	42


### Коймөд класс.

Шыяс да шыпасъяс (повторитөм) . . . . .	43
Кык <i>ДЗ</i> шыпаса кывъяс . . . . .	44
Орча кык откодъ небыд согласной кывъяс . . . . .	46

Орччөн сулалысь кык разной небыд согласной кывъяс	48
Торйодысь чорыд ( <b>Ъ</b> ) да небыд ( <b>Ь</b> ) паса кывъяс	49
Кыв состав. Кыввуж да кывйив. Суффиксыя	51
Существительнойяслысь кывйивъяс гижанног	52
Рочысь пыром существительнойясын небыд <b>Р</b> бöрын	
<b>Ь</b> гижом	55
Сложной существительнойя	56
Существительнойяскöд кывбөръяс гижом	59
Местоимение	61
Местоимениеяскöд кывбөръяс гижом	62
Глагол	63
Глаголлөн лыд серти вежласьом	65
Глаголлөн кад серти вежласьом	66
Прилагательной	69
Висталан, юалан да горöдан предложениея	72
Подлежащöй да сказуемöй — предложениеса главной членъяс	73
Велöдом материал повторитом	75

### Нельöд класс.

Предложение. Предложениеын главной да второстепенной членъяс (повторитом)	78
Однородной членъяса предложениея	82
Кыв состав (повторитом)	86
Существительной. Существительнойлысь падежея кывйивъяс гижанног (повторитом)	87
Сложной существительнойя (повторитом)	89
Местоимение (повторитом)	91
Прилагательной (повторитом)	93
<b>Мед</b> кывъя прилагательнойя гижанног	94
<b>-Иник [-иник]</b> да <b>-кöдъ</b> суффикса прилагательнойя гижанног	95
Ром петкöдлысь сложной прилагательнойя гижанног	96
Черточка пыр гижсысь прилагательнойя	99
Глагол	101
Глагол кыввужын <b>Й</b> шыпас гижом	102
Черточка пыр гижсысь глагольяс	103
Глагольясын <b>-ДЧ-, -ТЧ-</b> гижом	105
Глагольясын <b>-ЧЧ-</b> гижом	107
Отрицательной глагольяслөн гижсянног	110
Сложной предложениея	112
Велöдом материал повторитом	114



Цена 10 к.